

رُبَابُ شَكِستَه

یکی طبی

رُبَابِ شَكِستَه — خَلُوقِ دَفترِ ندَن — هَمشیرِ مِ ایچون —
سِیس — بِرِ لَحْظَهٗ تَاخِر —
مِلَتِ شَرْقیسی — آوَنکِ تِصاویر — آوَنکِ شَهور — اَسکی شیلر


ناشری : طنین اداره مأموری حسن تحسین

استانبول - طنین مطبعه سی

باب الحسنة

١٣٢٤—١٣١٢

١ ٢ ٣ ٤ ٥ ٦ ٧ ٨ ٩ ١٠ ١١ ١٢



Digitized by the Internet Archive
in 2013

کتاب ده ابد فیض منعم بر منعم رومان
مندی هدم مزی افکند و ندیم حرام
ایضا طوطی اینه گرانه بونه
مادی و ونا و وهدا و ورام
نقش





قارئلر مه :

سزه ، آی بيلمه ديكيم كورمه ديكيم قارئلر ،
 سزه اتخاف ايله نئشر ايليوزم بونلري بن ،
 سزه اتخاف ايله ؛ زيرا ، نه ايمچون كتم ايدهيم ،
 او سزك كورمه ديكيم بيلمه ديكيم كوزلركز
 صفحه شعومه ابدال نگاه ايلركن
 بلكه برنقطه ده بردن طوره رق ، ولوله سز
 كوستر شسن ايكي اوچ قطره جق ايشار ايلر...
 بن بوايمد ايله تشيع حيات ايمدهيم .

ايكي اوچ قطره شفقت... بوتسلي يتيشير ؛
 شو جدلكاه مقسيده بوتون خسر الله ،

بوتون آلام خجایله کچن کونلرمک
ایکی اوچ قطره در آنجاق سیله جک ماتمنی .
سزکه اُک طوغرر کورن برنظر وجدانله
تا اوزاقدن بکا باققده سکز ، مستغنی
تحفه محمد تمدن... نه صمیمیتدر
اوباقیش چهره اشعارمه ساکن ساکن !

هپسی بونلر ، بویازلش اونوتلش شیلر
او صمیمیته مجذوب اوله رق طویلانیور ؛
کیم بیلیر ، بلکه ایچندن بری آلامکزک ،
— اوت آلامکزک ؛ چونکه اُلدن خالی
یاشایان یوق... بوکا ییچاره بشر قاتلانیور ! —
بلکه بر معکس ناجیزی اولور ؛ اُک عالی
یاشایانلر بیله حس ایتمده اُک مستحق
یاشایانلر کییدر... عینی چاموردن بویغین !



سها و پروین

« خیال — حقیقت »

« بولولولو بر سهای نیشان آلتنده ، ساکن و معطر برچام اورمائی ...
 -یش ، اوزون بربولکه دونه دونه ، کویا آرایه آرایه مائی ، طورغون
 بر دکزک لبریان بی پایانی بولیور ... قورونک بر آز قویتو ، بر آز
 قارا کلتی هر نقطه سی یا بر فکر متجسس ملجأ تفکر ، یا ایکی روح متحسر
 موعده تلاق ... هر کس ، هر طرف ، هر شی ساکت ... قادی
 آرکک بعضاً بر ایکی ، بر قاچ وجود آغیر آغیر یولدن کیهرک آغاچلقده
 غائب اولیور ... سها ایله پروین یوله آک یاقین برکولکه لکده ، بری برینک
 آغوش اشتیاقنده ... »

سها

« مستغرق ، اثری بر طبیعت ...
 آجیق صاری ، اوزون ، تارمار صاچلرینک
 طاغیلوب اوزتدیکی بیاض آلتنده دائمی
 برچین انفعال ایله ، آغلار کپی باقان
 مائی کوزلرینی داللرک آره سسندن قارلی
 بر شاهقه کپی کورونن بولولو پارچه سنه
 دیکمش ... دوام ایله : »

— اوزاق دکل ، شو کوچوک ذروء سفیده قدر ؛

شو پارلایان تیه جک یوقی؟ .. آه ، بر صرصر ،

عنیف صدمه غولانه سیله بر قوت ،

طوررکن اوילה ، خبره زجه ، صانکه بی حرکت

لوب کوتورسه بزی ...

بروبه

« اسمر و نرمن جاذبه حسنیه میال حظوظ
بر وجود... پارلاق ، متبسم انظار
تکمیل عاشقک صولغون چهره سینه
سرپرک : »

— شاعرانه خولیا کز :

قطر یچون ؟ بومعیش فنامی ؟..

سرها

— خوش ؛ یالکز

بوتون بو طور اراغه منسوب اولانلرک حالی !
بن ایسترم که غرام آچنجه شهبالی
نهایت اولماسین آرتق فضای نزهتمه ؛
بن ایسترم که سماوی اولان محبتمه
سما قدر آچیق اولسون حدود ذوق وأمل ؛
سزک شو آلرکز قیمتندهرچفت آل ؛
« پارماق لرینک اوجنی طوتوب اوپر . »

بواللر ایشته... بونازک ، بوپنبه آلرکز
خیال وروحه آچسین درین ، نهایتسز
بر آسمان مذهب ، بر آسمان حظوظ .
« صوقرلهرق »

وجود کزدن اوچان نور ایچنده بن محفوظ ،
بوتون شو عالمه کولمک... شب تعیشده ،
شب سیاه تعیشده مضطرب...

رباب شکسته

مرویه
« متغافل »

— مرده !
بولوطار آریلیور... اووف ، نهیدی قاچ کوندر
کونش کورونمده دی هیچ .

سزا

« دوداقلرنده نزاکتلی برتسم رسم
ایتمکه چالیشهرق : »
— أمر ایدک ، چیقار کوردونور !
« صوکره جدی »

نه سویلیوردم ؟ اوت ، پیش نازکزده سزک
شوهای وهوی حیاتی ، بعید بردکزک
تلاطمنده کی مبهم سروده بکزه تهرک ،
اونسکه شویله اوزاقدن ، کوزلجه اُکشمک ...
بو اُک بیوک املمدر .
« داها زیاده تقریبه »

بو اُک بیوک املم
بوکون سز اولماسه کز برخیال اولور ، کوزلم !

مرویه

« سهانک تیتزهین آلارینی جعلی بر
شفقتله صیقار . »

— چوجوق !..

سرها

— چو جوقی یم ؟

« مسعود و مسحور »

آه ایشته کولدیگز ؛ کولکز ؛

بوگون حیاتی تجدد ایدن تزلزل

الی الابد بنی طفلانه شاد کام ایده جک

بر التفات قدردر ...

برویره

— چو جوقسکز کرچک !

« قارشیلرنده صوک شعاع شمس ایله

تنوره باشلایان سحابه لری اشارت

ایدر . »

باقک ، شوپنبه بولوطلرده بر اداى وصال :

« یتر چو جوقلغه رغبت ! » دیور ؛ هواى وصال

صیجاق دکنز کبی اطرافزده چالغانیور ؛

ایچم طبیعتی کوردکجه بویلد قیستانیور ...

یچون سوشمیورز ؟

سرها

« متعجب و متهیج »

— بز سوشمیورسه ق اکر

قالیر کوزمده سوشمک الی الابد منکر !

سوشمه مکسه بو ، سومکدن احتراز ایدم ؛

اوچونكه پاك خطرانگيز ، اوچونكه پاك مؤلم
بر احتساس اوله جق ؛ بن تحمل ايليه مم .
" توقندن صوكره "

ققط نچون بوشكايت ، بوكيزلى كيزلى ستم ؟
سوشمه مك ... بكا ايضاح ايدك شونكسته يى سز ؛
سوشمه مك ... متفرمى يعنى ؟

بريسه

— يوق ، حسسز ؛

برآز حرارتى اكسيك بهار عشقمزك .
بزم محبتمز برچوجوق كه هپ طالغين ؛
دكلى ؟

" كوزلرني قيرپه رق ، بوتون
قادينلغيله : "

هپ متانى ... برآز عجول اولسه !

سرها

" نظريله كوكدە كوچوك بربولوطك
آهسته جولاننى تعقيب ايدر . "

— شونازلى طفل سماوى قدر ملول اولسه ...

ملالى چهره اشيايه پاك ياراشديريرم ،
مناظرمدە حزين برخيال آراشديريرم .
دينيركه حزن ايله روخمده برقرابت وار ؛

يك آشكاره ، بوبر خسته لق ؛ فقط نه ضرر !
 حیاتی بجه تأثر در ایله یں اثبات ،
 تعین ایلنه من نوم ایچنده رنگ حیات .
 « بردن تحوله »

فقط ، بیلیرمیسکنز ؟ بن حقیقه مبرم
 براحتیاج تأثرله دائماً سورم ؛
 امللرمده صولوق بر خزان تزهرا ایدر .
 نه ایسترم مثلاً : بی حدود برمشجر ،
 فقط آغاچلری هپ سرشکسته ، هپ عریان ؛
 ایچنده بر دره جك ، برشلاله کریان ؛
 یوصونلرنده ، اوچان قوشلرنده ، هرشیده
 تقطر ایتله آواره ، مست ولرزنده
 برابستکای خزانسی عشق سحارك ...

« مغلوب خیال ... یاواش یاواش
 کندن اوزاقلشان معشوقه سنه
 طوغرو تهاکله : »

سزکله بن او مکدر ، اوصولفون آشجارك
 آدیم آدیم اوزانان رعشه ظلالنده
 برر خیالات پوشیده چهره حالنده
 کزوب طولاشمالیز ؛ ناکهان بوآشاده
 کونش غروب ایدرک ، تا اوزاقدده ، تهاده
 فیصلداشان ایکی سرو سیاهه صوک لمعات
 سکون ایچنده ویررکن برافصرار ممات ،

یاواش یاواش آزالان تاب طلعتیله قمر
چیقوب کورونمه لی برخسته قیر قدر مغیر .
سما طالار اوزمان برپرلی رؤیایه ،
سرر زمینه آغاچلر صدقلی برسایه ؛
افقده نائر و نائم ستاره لر کورونور .
لب طبیعت بر بوسه خفی سورونور ؛
وجوده او یله رخاوت کلیر که یرده بیله
یورر قیاس اولونور بر قانات تماسیله .
بوسایه زار سرائرده بویله یاپ یالکز
یورور ، یورور ، یورویورکن خبرسنز آیریلیرن .

بروبیه

« ایسک اورتوسنک صاچاقلریله
مشغول پارماق لریخی چیتلاته رق : »
— او آیریش ده نیچون صانکه ... جبرایدن وارمی ؟
« بردالک اوزرنده بر چغت قری
کوستر . »
باقک شوقوشلره ، آیرملق ایستیورلرمی ؟
بوتون جهان قاووشورکن ...

« بوندن صوکره پروین هپ سهانی
براقه رق یولدن کچملرله اشتغال ایدر ؛
باقانلره کولر ؛ برچوقلری قارشیشنده
طولاشمغه باشلارلر ؛ پروین اونلرله
آکله نیر . »

سَهْ

— اُوت ، بِنِ آیریلیرز ؟

وَهپ جِهاندِن اوزاق ، آیری ، برزمان قالیرز .

بو اُوتراق ، بونک تلخی لَندینی سز

تخیل ایتمکه بیلیم ککه مقتدر میدسکز ؟

« تعریف ایدر : »

اوزاقده بربرمزدن ، اوزاقده هرشیدن ،

اوزاقده بِنلکمزدن ده ... آه ، روحک بِن

بوانجه لکلرینک قارشیدنده غشی اولورم ؛

بوانجه لکلری تشریح ایدر ، نهلر بولورم .

سزکده بویله در اُلت خیال سودا کز ،

دکلی ، سوکیلی ؟

بربریه

« صوغوق »

— پک شاعرانه خولیا کز !

سَهْ

« صمیمی بر اعتراف ابله »

— اُوت ، حقیقتی خولیا به فدا ایدرم ،

زمان اولورکه وجودمدن آیریلیر کیدرم ...

بو خسته لقی بِنی بر طفل ایکن طوتوب اُزدی ،

زمان اولوردی که فکرم تحمل ایتزدی .

فقط نه اولسه بودر أك صفالی اكلنجهم ،
 كچر بوتون بوتون اُسرار او كنده بعض كيجهم ...
 دمينكي لوحه يي سز شيمدى بر خيال ايديكز :
 بوتون او وحشت كريان ايچنده بز ، ايكيمنز
 اوزا قلاشوب كينديوركن ، يوضونلور بر قبرك
 باشنده برلشهرك ... آه اوقبر ، اوقبر حزين ؛
 نم بكارت روحدر اونده نائم اولان !..
 اونائم ابدينك سكون خوابندن
 براحتضار نهاني طويار ، تهيج ايدر ،
 و آغلارز ... بو جوشان كرية حضور آور ،
 بنچون ايشته بودر عشقه اك كوزل تمثال ،
 كوزمده بوندن عبارتدر ايشته عشق و وصال !
 سزكده اويله در اُلبت خيال سودا كنز ،
 دكلى ، روحم ؟

مرويه

« اُر كك قادين ، شوق انكيز ترغليله
 ياقلاشان برقاق يابانجى به مجلوب و محترص
 كولومسر ؛ صوكره سهايه دونهرك ، دائما
 بارد و متهكم : »

— اوت ، شاعرانه خوليا كنز ؛

فقط نه چاره كه بن شيمدى شعره مغبرم ...

کلندر

« مست و منهدك ... بر آغوش
تلاقی کې آچیلوب حلقه لانه رڼه ،
پروینه : »

— کوزل چو جوق ، بزه کلزمیستک ؟

پرینه

« استعجال ایدر ... جامد پر کتله
تخیر جاننده باقه قالان سهای ییکانه
بر نظر آلتنده آزه رڼه قوشار . »

— شتاب ایدرم !

ذکا

ذکا تفلسفه مائلدی... متصل دوشو-نور،
 اوقور، و اوختم ایتدیکی رسائلدن
 برر خلاصه حکمت یاپاردی؛ صوکره کلن،
 کلن کچن نه قدر آشناسی وارسه طوتوب
 مطالعاتی سویلر: فلان ناصل دوشونور،
 ناصل یازار، ناصل اجمال واجتهاد ایلر،
 بوتون بوشیلری تکرار ایدردی... کاه اونوتوب
 غرور حکمتی، شاعرله نیردی؛ بن اکثر
 اونک بوحالتی ترجیح ایدرده بکاردم

که بر نشیده سنوح آیله سین خیالندن .
او کون او شعرینی آلبت کلیر او قوردی بکا :

— بوشعری فکرمه کیمدر بیلیرمیسک ملهم ؟

« حقیقت ... آه حقیقت ! اونک ظلالندن

« وجوده کلشه بکزر حیات ، روح ، ذکا .

« نه دیر کوزللكی تعریف ایدرکن أفلاطون :

« کوزل حقیقتک آموذج لطافتیدر ...

« بوسوز ، بوایشته حقیقتلرک حقیقتیدر .

« حقیقت ، آه حقیقت ! اونکلدر مشحون

« بوتون شو عالم جامد ؛ او بر نفس کبیدر

« که هر وجود جمادییه بر حیات ویرر ؛

« اونجه روح شتون آفرین خلقتدر .

« اوقو ، اوککده کی منظومه بر حقیقتدر ؛

« خیاله بکزه تیورسک ، یا اکلمازسک که ...

« بوبر حقیقت مؤلم ، حقیقت مبکی !

« شعر دیم ، نه ایچون یازدیم نشیده لره ؟

« یا شعری برطوتیورلر خیال باطل ایله ؛

« بئم حقیقته حصر ایتدیکم بویوک اثره

« کچنده - شعر ! - دیورلردی بر طاقم جهله ... »

یولنده برده خراوتلی نطق ایدوب ایراد

« شعر دکل ! » دییه بهتان ایدردی بر معتاد

خیال وحس ایله مالی کزیده بر غزله ...

اوت ، بودار حقایقده ہر اثر مطلق
شکار ناخن تنقید اولور ؛ ذکاتکده
کونک برنده بوتون سانشاتی یوقلانه جق ،
وہپ اوفلسفہ خولیاالری میانندہ
حیاتنک قالہ جقدر یکانہ ماحصلی
خیال وحس ایلہ مالی کزیدہ بر غزلی !..

باليقچيلر

— بوکون آچزینه اولادلرم ، ديوردی پدر ،
بوکون آچزینه ؛ لکن یارین ، امید ایدرم ،
صولر بر آزدھا ساکنله شیر... نه چاره ، قدر !

— خایر صولر نه قدر جوشقون اولسه بن کیدرم ،
دیوردی اوغلی ، یارین سن بر آزد نینه مله اوطور ؛
زوالیجقینه قاچ کوندر ایشته خسته ...

— اولور ؛

بر آزده سن چالیش اوغلم ، بر آزده سن چابالا ؛

نینهك باباك ، ايكي مسكين ، بز آرتق اولمه‌لی يز ...

چوجوق دوشوندى شكایتلی بر نظرله : — یا بز ،
یا بن ناصل یاشارم سز اولورسه‌کز؟ ..

حالا

طیشارده کورله‌یه‌رك كوكره‌مش بر اوردو کبی
دوکردی ساحلی بیکلرجه طالغله‌ر ، عصی .

— یارین سن آغلری کون طوغمه‌دن حاضرلارسك ؛
صاقین یده‌ك بر آز ایپ ، مانطار آله‌دن کیمه ...
آچنجه یلکنی ، هیچ باقه ، اویناسین وارسین ؛
قایق چوجوق کبیدر : اوینایورمی قید اتمه ،
طوقومنه کیفنه ؛ یالکز تنیک بولون ، زیرا
دکز قادین کبیدر : هیچ اینامق اولمازها !

دکز طیشارده اوزون صیحه‌لرله بر حیرچین
قادین کورولتوسی نشر ایلپوردی اورطه‌لغه .

— یارین کوچك کیده‌جك یالکز ، اويله‌می ، بالیغه ؟
— اوکیتمک ایسته‌دی ؛ « سن اوده قال ! » دیور ...

— یا صاقین

او کله‌دن بن اولورسه‌م ؟ ...

قادین بوصوك سوزله

دوشوندى قالدی ؛ بالیقچیلە اوغلی یان کوزلە
 صولوق دوداقلرینک اهتزاز خاسرینه
 باقوب سکوت ایدیورلردی ؛ باشلرنده اوچان
 قضایى اکلایورلردی بویله بربرینه .
 طیشارده فیرطنه کیتدکجه پر غضب ، جوشان
 بر اختلاج ایله اطرافه رعشه لر ویره رک
 اوغولیدیوردی . . .

— یارین یاوروجق ناصل کیده جک ؟

شفق سوکرکن او یالکنز ، بر اُسکی تکنه جکک
 دوکوملو ، اُکلی ، چوروک ایپلریله اوغراشهرق
 ایلرلیوردی ؛ دکنز عینی شدتیله شیراق -
 شیراق دوکوب ازیور کهنه تکنه نک شیشکین
 سیاه قاربوغه سنی . . . آه آچلق ، آه امید !
 کنارده ، بر طاشک اوستنده بر خیال سفید
 ایلله اُنکینی کویا اشارت ایلیرک
 دییوردی : « هایدی ، نصیبک او طالغهلرده ، یورو ! »
 یورور زواللی قیریق تکنه جک ، یورور ؛ « یورومک ،
 » نصیبک ایشته بو ! .. حالا کوزک کنارده . . . یورو ! »
 یورور ، فقط صولرک بویله قهر حدتنه
 ناصل تحمل ایدر اُسکی ، خسته بر تکنه ؟ . .

دکنز افقده ، قادین اوده محضر . . . اولیور :
 کنارده اوچ کیجه لک بار انتظاریله ،

بوتون فلا کتتک ضربۀ خساریله ،
تهی ، قضا زده بر تکنه قارشیسنده پدر
اوزا قده بر یری یومرو قله کوستروب کولیور ؛
یوزنده کریهلی ، مظالم ، بوغوق شکایتلر ...

نسرین

— شیمدی بن طوغروسی اولکی چوجوقلقلردن
نادم ؛ کوکلی اسراف وتباه ایتدیکمی
بیك مرارتله بوکون آ کلیورم ؛ بر وجدان
بکا احساس ایدیور ایشته بیتوب کیتدیکمی ؛
بن که بیتمز صانیوردم بو حیاتک شوق ...

— ایتمه ، نسرین ، بکا زهر ایتمه شو بر دم ذوق !

قیز بوضوک عاشقنک قاچ کیجه در اک جوشغون
بر محبتله آلور صاچان آغوشنده

هې بوشکواي ندامتله - معذب ، صولغون ، -
ایکله مش ؛ صوکره « بونک نشوؤ بیهوشنده
بر تسلی بولورم بلکه ... » خیالیله بوتون
جسم بی تابي بذل ایتش ایدی :

— باق هرکون ،

« هر زمان بن سنکم ، هې سکا منقادم بن .
« لکن آرتق یتیشیر : عشق ، او بنم منفورم ،
« او بنم زهر حیاتم ... بکا هې سومکدن
« بخت ایدرلر ؛ بونی آرتق چکه م ، معذورم ! »

دیه هم عشقی اتهام ایدرک ، هم نومید
برورم خسته سی حالنده مسلسل ومدید
اشتکالزلله برابر ینه اوندن أبدی
بر شفا بکلیه رک ، قاچ کیجه در پر نفرت
بر تلذذ ، آجی بر ذوق ایله اکلنمشدی .
شیمدی آرتق بومعیشته بویوک بر ذلت ،
بر سفات کورویور ؛ آغلایه بیلیمک ... هیات !
چوقدن اولش اوکا بیکانه بومطعون حیات .

— آغلاسه م ، آه آزیحق آغلایه بیلسم ، عمرم
بوتون آلام ایله ا کدار ایله کچسین ، آرامام .
آغلاسه م ، بلکه بر آز یاغسه اورحت ، کورورم
شو بولوطرله سونن کونده آچیق بر آقشام .

فقط افسوس !!

أوت ، افسوس كه بچاره ، سنك
ابدیاً قاله جق بویله ملوث بدنك ،
ابدیاً قاله جق بویله ملوث روحك .

— آغلامق... هیچ اوسعادت بكا قسمتی اولور ؛
بن كه یازمچه سیم هرأمل مكر وهك ،
بكا اولمك یاراشیر ، باشقه سعادت می اولور ؟
آه بن ، بن كه هنوز غنجه ایكن صولمش كل
كیم ، بویله ملوث ، بكا اولمك بیله ذل !

تاچو جو قلفده پناه ایتدیکی آغوش وفا
— طویمه دن کرمی نوشینه بچاره صبی —
ابدیاً صوغویوب ، أك آجی ، أك روحکزا
بر معیشت اونی ولی ایتدی ... بو برحیه کبی
چوجوغك مائل علویت اولان طینتی
صانکه تسمیم ایدهرک ، جوهر صافیتنی
بر کومور حالنه قویمش ، اوکا آرتق یاشماق
بر فلاکت کبی اولمسیدی ؛ ره آمالی
بوصوغوق تربیه نك قارلری آلتنده اوزاق ،
پك اوزاق ، هم بوتون آثار شرفدن خالی
بر بیابانه آچلمقده ایدی ؛ بلکه یارین
بر کوزل کوز ، ایکی دقتلی نظر ، بر طالغین

وضع کريان غريبانه قيزك با کر و تام
نه قدر طويغوسي قالديسه طوتوب محو ايده جك ؛
صوكره بيجاره قادين - طول ، بحريكسز ، بدنام ، -
بر چوروك ميوه قدر خوار و ملوث ، بيته جك ...

ايشته نسرین دها بر غنجه نونخنده ايکن
کچدی ، مقهور قضا ، هپ بو ديکنلکلردن .

شيمدی آرتق ياشامقدن بيله نفرت دوييور ؛
شيمدی آرتق بوتون آمالي تحليل ايتسهك
بر يوتوم زهر اوله جق ؛ بر آجي وحشت دوييور
أك صفا بولديني ، أك سوديكي عالمردن ...

بر صباح ، اوده بوتون بر شب طاقتشکنك
تعب نكسبتی آلتنده آزلش ، غمکين ،
اوطوررکن ، قاپیدن اورتولو دابر بر قيز
قورقه رق کيردی :

— خام ، بن حامارات بر چوجو غم ؛
والدهم اولدی ؛ بابام يوق ؛ بکا بر وجدانسز
پاره تکليف ايدييور ... بن سزه قربان اولورم ،
بنی رد ايمه يکز ، صاقلایکز ... خدمتدن
هيچ يورولمام ... بنی تخلص ايديکز ذلندن ...
— اووف خائن ! ..

بو تهیج ، بو تمنی ، بو صیجاق
یا شلر آلتنده وقورانه یانان وجه کزین
قادینک روحنه بر عکس تسلی صاحبه رق
کوزلرندن ایکی یاش دوشدی ... او آقشام نسرین
یکی بر عاشقی رد ایلله دی ؛ بر لیل حضور
چکدی ماضیسنه بر ستره نسیان ، پر نور .

سزا

غریبدر ، نه زمان کچسه پېش چشممدن
 افقده بر متموج بولوط ، یا بر یلکن
 سزا کلیر او کنیش جبهه سیاه خاطر مه .
 سزا ... اونشته کی ، رقتی بر طبیعتدی ؛
 باقارسکز متلون ، باقارسکز جدی .
 دهمین کتیردی کوچوک بروسياه خاطر مه
 سزاجفک ینه بر سر گذشت أغربنی .
 بو بر صباح بولار ق برچامک دینده نی :

— بنمله شیمدی کلیرسهك ، دیمشدی ، ظن ایندرم .
 پك استفاده لی برکون کچیره یز اما
 آنچه ا کله نیرز ...

— پك کوزل ، سزا ، کیدرم .

أوت ، بو کونکی کبی خاطر مده در حالا :
 یشیل دیکنلر ایچندن ، یوصونلو بر یاردن
 سقوط ایدر کبی ایندك کنار دریاه .
 یاغاردی ساحلی تزین ایدن آغاچلردن
 صدقلی قوملره تیترهك ، رقیق بر سایه .
 بو کولکه لکدی سزانك سدید منتخی ،
 خیالی بورادن مزاج ایدردی طالع لره .
 اوزاقده ، هکبه لینك تا اوچنده ، مارطی کبی
 کشاده بال تزهدی بر بیاض قوطره .
 کونش ، طلوعه هنوز باشلامش قدر مخمور ،
 پاموق بولوطلرك اوستنده ایلوردی حضور ؛
 بو یانده چاملری اورتن بخار براق
 کبود کریه نمودنده بر ییغین ذرات
 بر التماع ایله تیتردی ؛ شیمدی آفاقك
 سکون پر ضرباننده مخفییدی حیات .
 اوزاق یاقین بوتون اشیا ، بوتون بو ساحلر
 کولر کبیدی ، فقط بر حزین تبسمله ؛
 اولوردی رعشه نما دنك انفعال سحر
 صدقلی قوملری بوس ایله یز کوپو کده بیله .

سکون منظره دن صانکه حصه یاب اوله رق
سزا اچیچه زمان قالدی او یله مستغرق ؛
یوزنده عکسی نمایانندی بر ملاحظه نك .
دیدم :

— بوکون ینه طالغینلغك پك اوستکده .
— خایر ، شو کوردیکمز قوطره جق بزم آطه نك
بر آاز حداسنی کچسین ، بر آاز بوکولسون ده ...
جواب ناقصی ریزان اولوب دهانندن
سکوته واردی ینه . قوطره دوندی ، کچدی ؛ سزا
آلنده بر چالی ، سوز چیقمیور لسانندن ،
اوکنده قوملری چیزمکله اویذیور حالا .
— او قوطره کچدی ، سزا ...

— هانکی قوطره ؟

بن ، حیران ،

رفیقتمك یوزینه او یله قالمشم نکران .
اوکون غروبه قدر ، صوکره هرزمان ، هرکون
بو قوطره بحثی آجدق ، کولوشدك ، آکلندك ؛
« او هانکی قوطره ، جاتم ؟ » دیردی ... آه آوت ، داهادون
بو بحثی تازه له مش ، طاتلی طاتلی کولمش ایدك ...

بوکون زواللی سزا ساکن جنان آرتق ؛
او قوطره بحثی بر افسانه ، بریالان آرتق !

خسته چو جوق

— بو کون بر آ ز داها راحتدی ، چوق شکر ...
— آلبت ؛

کچر ، بو قور قوله جق شی دکل .

— فقط نوبت

زواللی یا وروجفك حالنی خراب اییدیور :
وجودی آتش ایچنده ، طالب طالب کیدیور .
علاجلرکده می تأثیری قالمش عجبیا ؟
سکز کون اولدی ...

— مراق ایتمه یك خانم ، جما ...

— خاير ، خدايه اُمانت ، نه دن مراق اينديم ؟
 فقط قوزوم ، نه قدر اولسه بنده والديم !
 سگز کون اولدى ، حرارت دوام ايديوب دورويور .
 ياڤاك ، نبضلى يىچاره نك ناصل وورويور ؛
 صارارڊى ، قورقويور انسان باقنجه آلرينه .
 — اوزله يك سز آفندم ، كلير چابوق يرينه ؛
 چوجوقدر او ...

— كيجه پك چوق صاييقلير .
 — نه ضرر !

— علاج ويررميسگز ؟
 — ايسته من ...

قادين آغلار .

زوالى والده ، بر تك هديه عمرک
 سعادتيله غريق سرور ايکن دهها دون ،
 بوکون باشنده نکهبان پر تأثر در .
 مزار کي اوطه صمت وسکون ايله پردر .
 نه در ايکلتيسى خارجه باد سرماتک ؟
 بکاسي خسته يه عائدميدر شو بارانک ؟ ..
 تأثرات بشردن کلير مى دهره ملال ؟
 * زهى تصور باطل ، زهى خيال محال !

— نينه م ...

— نه وار کوزلم ؟

— قالدیرك شو پرده لری ؟

کفمیدر نه در اونلر ؟

ینه صداع سری .
 یاتاقده خسته یی چیلدیرتیور ، صایقلا تیور ؛
 قادین بوسوزلری دویدجه آغلا یوب یاتیور .
 زواللی والده ، یم وامید ایچنده تباہ ؛
 اوکنده کوزلرینک بریغین تراب سیاه ؛
 کورر او طوپراغه افتاده نور دیده سنی ،
 مزار ایکلتیسیدر ظن ایدر بوغوق سسنی .
 قیلار یتیمی ایچون خالقندن استمداد ،
 یتیمه لر کبی ایلر ایچین ایچین فریاد .
 بو طول قادین بر او محصول عمر ایچون یاشیور ؛
 اونک کالنه عابد امیدلر طاشیور .

— نینه م ! ..

— نه در ملکم ؟

— آغلیور چوجوقلر ، باق ...

براق ، براق بنی عارسز چوجوق ! .. نینه م ، طوپرق !

— صایقلا یور ینه ، یاربی سن اسیرکه بزی ؛

باغشلا یاورومی ، اونسز براقه لانه مزی !

زوالی والد بر هیکل مشقندر ؛
 بوکون سکز کون ، او مهجور خواب و راحتدر .
 یکانه شوق فوادی یاتاقده بی درمان ،
 اونک امید خلاصیه روحی پر خلیجان .
 طوتوب خیالی آغوش اکترا بنده ،
 کزر بوتون کیجه اطراف جامه خوابنده .
 بوکیم بیلیر نه قدر بویله بردوام اوله جق ؟
 عیون شفقتنه اویقولر حرام اوله جق ؟
 چوجوق آچلمایه جق بلکه اویقوسندن هیچ ...

— صاقین خام ، بو فنا حسنی ایتیه یک ترویج ؛
 باقک ، هوا نه کوزل آچدی ، انجلا بولدی ؛
 دمینکی ولوله ، شدت سکون پذیر اولدی .
 بولور چوجوق ده شفالر ، اولور سکز مسرور ؛
 خدا بویوکدر ، ایدر ماتمی مبدل سور ...

چوجوق . او شیمدی قوی بر جوان ؛ فقط مادر ،
 زوالی ، اوستنه حالا پنچوجوق کبی تیتیر .

تجدید ازدواج

اولندیلر ، سوشدیلر اما موقتاً ؛
سودا سقوطه باشلادی بش هفته کچمه دن .
اولندیلر ، نیچون ؟ .. بونی برقیز ناصل بیلیر ؟
اولنه سیله مادری اولمشدی مفتخر ؛
زوجك ده ویردی نشئه دوکون اقرباسنه ،
لکن طوقوندی کندی خیال وهواسنه .
تجدید ایدی ، اونک نظرنده ، حیاتی
برشخصه حصر ایدش أمل وارتباطنی .
اولندیلر ، سوشدیلر اما موقتاً ؛
سودا سقوطه باشلادی بش هفته کچمه دن .

آندیشه دن کوکلری خالی دکلدی هیچ ؛
 اولمشدی برشتا بو کوکلرده مندج .
 بیکانه برقادینله برأرککدی خانه ده ،
 طارغین بر احترام ایدی جاری میانه ده ؛
 بعضاً ایصنیدیررسه ده نواره هوس
 — بکزرمی عشق خالصه بر شوق مقتبس ؟ —
 اولمازدی منتفی او برودت بوتون بوتون ؛
 کیتدکجه یاده کلمه مکه باشلادی دوکون .
 بر شب کتیردی خاتمه بزم محبته ،
 چیقدی صباحی طفل محبت سیاحته ...

بر قاچ زمان ده او یله کذار ایتدی کونلری ؛
 دونمشدی بر مناره اؤک کرچه هریری ،
 بر یولچینک قدومی ایدی اورده منتظر :
 * کون طوغمه دن مشیمه شیدن نه لر طوغار ! ..
 قاچ هفته کچدی بیلمیورم ، بر سحرینه
 کوستردی زوجه اوغلانی حدقلی زوجنه :
 — باق ، یاورومز ! .. اودم قادینک طولدی کوزلری ،
 زوجک ده خنده ریز غرور اولدی کوزلری ؛
 پیشنده ایتدیلر بشیکک ، غرق ابتهاج ،
 بر بوسه مدید ایله تجدید ازدواج .

كوچوك عائله

صوك غنجه سوداسنى دو كمشدى نهالان ،
صوك قطره كوهرله بزىمشدى چنلر ...
يعنى بو چوجوق طوغدينى كون ، پنبه و عريان ،
قىش اك آجى بر فقر ايله كلىشى برابر ؛
اولمشدى كوچوك عائله نك قايى مكدور .

او بر يكي مهمانه تحمل ايده مىردى ،
بر فضله طبق سفره يى بر طاغ كى ازدى .

— لكن بو تاثير نه ايچون ، اى اب مشفق ؟

ياوروك سكا بر حس ابوت ده می وير من ؟
اولا ز می شو دلبر ، شو يوموق دست معزز
تزييد مساعيكه بوكون بر يکی سائق ؟

شفقتی پدر حس ابوتله چالیشدی ،
بر شوق ايله ، بر شوق و حرارتله چالیشدی ...

صوك غنجه سوداسنی دوکمشدی نهالان ،
صوك قطره کوهرا له بزغمشدی چنلر ...
لکن بو سفر قیش ، اوصوغوق زائر سکران
بولمشدی کوچوک عائله یی شاد ، مبشر ،
بر سفره ده ، بر قاچ ده مسافرله برابر .

ڪنغان

اون بش سنه اول شو ڪوچوڪ خانه ده ، سسسز ،
 بر ڪويلو قادين ، برده اونك يا ورو جغيله
 مراڪبجي سا ڪندي ... چوجوق ، صيسقه وعاجز ،
 لرزان حرڪاتيله ، مقوس باجاغيله
 اقرانه اُڪلنجه اولور ، خيرپالانيردي ؛
 خلّڪ نظرندن قاجينيردي ، اوتانيردي .

ڪنغان ... بوصولوق چهره ، بوا عجبوّه فطرت ،
 شڪلنده ڪي نقصان ايله دوننده جهانك ،

قلبنده کی جوهر له فقط ، جوهر غیرت ،
هپ کندینی تزییف ایله ممنون جهلانك
فوقنده ایدی ؛ صانکه بولوب جسمنی شانسهز
انسانلنی طویلانمش ایدی روحنه یالکزر .

کنعان بویودی ، خیلی ده کوربوزله دی ؛ لکن
حالا او کا معطوف ایدی اولکی نظرلر .
یچاره کزر تک باشنه ساکت وساکن ،
أک مشکلی ، قیزلرده کوررلردی محقر .
هپ شرم وحقارت طولاشیردی اوزرنده ،
بر غنجه آچلمازدی زمین کذرنده .

حرب اولدی ، بوتون کویده کی شبان حمیت
سرحدده شتاب ایله دی... کنعانده برابر ؛
بر کون پوصوده بر آووج ارباب جلادت
بر فرقه خراب ایله دی... کنعانده برابر .
کنعان کوینه یاره لی دونمش کلیوردی ،
پیشنده بر آوازه شان یوکسلوردی !

حسنىك غزاسى

اوزاقدە شويىلە بش اۋن خانەدن ، بش اۋن باجادن
عبارت ، أسكى فقط شاعرانە ، أسودە ،
يشيل بر اورمانە همسايە بر كوچوك بلدە ...

آغاچلارك آردە سئدن افق صارارمقده ؛
كشادە سینه بولوطلرلە سوسلەنن كوكدن
لب وداعى نهارك زمينە بوسە فكن .

ساغندە بر قورو خندق ، صولندە بر چاليلق ،
شواينچە يول — كە آچلمش كنیش آديملرلە —
بر آسيابە اولوز منتهى صاينچە صولە ...

بویول بوکون داهای بر ساعت او شجه محشر دی :
 بویوک کوچوک نه قدر خلق وارسه کویجکزک
 — باشنده بر ایکی پیر عمامه دار وکزین —

تحشد ایلهدی تشیع ایچون کوگلولوری ،
 او قهرمان ، او غضنفر یورکلی افرادی ؛
 بو محترم وطنک بر کزیده اولادی

کشاده بر علمک آل تموجاتنده
 بر ابتسام ظفر ، شانلی بر سحر کوره رک ،
 — کیمنده بر یاتاغان ، بعضیسنده بر دکنک ، —

حدوده ، جریه ، او میدان کاروزاره قدر
 یوروله دن کیده جکک ، یوروله دن ... حتی
 یوروله دن ایده جککر جناحه استعلا .

« جناحه ، جنت و دیداره بی ملال و تعب
 « قاووشمق ... آه ، بو هر کون نصیب اولور شیمی ؟
 « غزا ، غزا ، بزه حقک نه موطلو بر کر می !

« اوت ، ییکیتلر ، اوت ... سز فدای نفس ایدیکز ؛
 « وطن یولنده فدای حیات ایدن اولمز ...
 « قادینلر ، آغلامایک ، جنکه هر کیدن اولمز ! .. »

دیوردی وقع و صلابتله محترم بر پیر ؛

بو خطبه صانکه بر آوازه سماویدی ،
 بوتون یورکلری مستغرق سکون ایتدی .

سکون ایچنده وداع ایتدیلر چوجوقلرینه
 اوسالدیده پدرلر ، رحیم والدهلر ؛
 دوکولدی بر ایکی مخفی سرشک حسرت اثر ؛

و برکتیبه رقصان سور ونشئه کبی
 کوکملولر یوله طوغرولدی ، خنده کار امید ؛
 آلنرنده فروزان اشعه خورشید .

حسن ، اوقاچ کیجه در تارلاسنده قالمشدی ؛
 بوکون کلوبده خبردار اولونجه ایشلردن :
 « بوتون کوکملو یازلمش بزمکیلر ، بر بن

« کویک یابانجیسی ، بر بن اوزاق اودولتدن !
 « نیچون ؟ بنم نرهم ا کسیک ؟ .. چولا قی ، خسته می یم ؟
 « صویمده هپسی شهید : ایشته عمجهم ، ایشته دایم .

« نه صاندیلر بنی ، بر طوربه اوت قدر جانسز !
 « کویک چوجوقلری هپ جنکه کیتسین اویناشه رق ،
 « قادینمدرکه حسن اوده بکله یوب یاته حق ؟ ... »

دیمش ، وکیمسه یه سزدیرمه دن ، طاغارجغنی
اوموزلایوب یوله دوشمشدی ، پر نشاط مرام...
زمینه توز کبی ریزاندی روح اُسمر شام .

حسن کَنیشله تهرک متصل آدیملرینی ،
دونوب دونوب باقیور آرقه سنده بی حرکت
اوزاقلاشان کویه ؛ نا کاه بر لب حسرت

کولومسیور ؛ اوزمان بر صوغوق ، خیالی آل
طوتوب چویرمک ایچون صانکه زورلیور باشنی .
حسن ، زواللی ، سیلرکن یگیله کوز یاشنی

برر برر کچیور پیدش اشتیاقندن
کوزل نشانلیسی ، قاردشلیله والده سی ؛
دکرمنک اوکا « دون ، دون ! .. » دیور یاواشجه سسی .

فقط او دونمه جک ؛ باق شوقارشی طاغلردن
آسن هوانه قدر شانلی مرده لر ویریور ؛
خیالی پیشنه برلوحه ظفر سریور :

کوی آرقه داشلری ، هپ آلرنده مارتینیلر ،
آتلش اون کیشی یوزلرجه دشمنک پینه
سوروب ، قیروب کیدیور... صانکه بر آووج ایکنه

حسن-نجفك ده ليور اينجه اينجه هرياني ؛
 « نيچون، دييوردی، نيچون؟ بن چولاقی، خسته می یم؟ .. »
 بو انفعال اونی قوشدیردی اويله بر قاچ آدیم .

نماز کاهك اوکندن کچرکن ایرکیله رك
 طوروب همان ایکی رکعت نماز آدا ایتدی ؛
 قاپاندی سجده یه ، سوزشلی بردعا ایتدی .

یوزنده شیمدی برامید منبسط کولیور ؛
 اوموزده طوربه جنی ، صاغ آئنده بر دکنك ،
 حسن چاوش کیدیور جنکه ترکی سویلیه رك !

قیزیل شریترلره مستغرق ، ایشته اون کوندر
 حسن تفك طاشیور ؛ هر آدیمده : بر .. ایکی .. اوچ ...
 بو بر ترانه که دیلدن دوشورمك آرتق کوچ !

سلاح اویونلری ذاتاً کوینده بیلدیکی شی ؛
 نظام پروو ، اطاعتلی ، تندرست ، چویك ،
 قاننده وار ییکیتك بللی ایشته عسکرلک .

حسن بو اون کونی پك نشئه سز کچیرمشدی :

او ایستوردی که سرحدہ واصل اولدینی کون
أمللی کوزلری بر جنک ، بردومان کورسون .

سلاح اوموزده ، کزر طاغده کاه بر باشنه ،
بوتون تیکلیکی اوستنده ، خضم اوکنده کبی ؛
— کورونسه چشمنه بردشمن ، آه یاربی !..

بو آرزو اونی مشغوف حسرت ایتدکجه
کوروردی توزلو ، مشوش ، عجیب رؤیالر ؛
ایچنده رنکی بوزوق ، بی خطوط سیالر .

نهایت ایشته عدو ، ایشته حرب... طاغلرده
سیول آتش وخون طالغه طالغه چالقانیور ؛
باروت دومانلری آلتنده هرطرف موص مور .

« شوقارشی صیرتی ده طوتمق نصیب اولورسه بوکون ،
« یارین شهرده یز آرتق ، دییوردی ضابطلر ؛
« فقط هجومه طایانماز ، یورولدی پک عسکر... »

او کون حسن بولو کک تا اوکنده اون ساعت
بلا توقف آووجلرله قورشون آتمشدی ؛
نه در غزا ؟.. بونی کورمش ، بوذوقی طاتمشدی .

صبح اولوب ده هجوم اصری ، مرثده ظفری
بوتون طابورلره اسماع ایدنجه ، هریاندن
خروشه باشلادی بر نهر آتشین جریان .

حسن ایلرده کیدن بر بولوك فداينك
اوکنده صائل ایدی ؛ کوزلرنده خون آلود
بر التماع بشاشتله ایلوری صعود .

يکیتلرك چوغی ، شدتله دشمنك تپه دن
زمینه دوکدیکی نیران ایچنده ، خنده کنان ،
شهید اولوب دوشیور ؛ جمله سنده شوق جنان

بر انهماك شهادتله آن با آن مشهود .
عدو بوصولتی کوردکجه صانکه ایمره نهرک
بوتون قوای حیاتیله ایستیور یورومک ؛

فقط بزم کیلرك سطوت مهاجیه سی
براقیورکه آتلسین او بر آدیم ایلری ...
دویولدی بزده نهایت ظفر ترانه لری !

حسنیدی بایراغی رکز ایله یین اوکون تپه یه ؛
زواللی ، طابیه یه برلکده یاقلا شیرلرکن
شهید اولان چاوشك دست رعشه ناکنندن

بوشانلی رایتی قاعش ، دوشورمه مشدی یره ؛
فقط نه چاره که بر قورشونیه خصم زبون
دوشوردی خاکه اوشیر غزایی ، غریقۀ خون .

حسن بو حاله اينامازدى : بر جيليز قورشون
دمير وجوديني سرسين حضيض اهماله !
باقوب باقوب ياره سنده آقان دم آله

كولومسيوردى صوغوق بر سكون وحشته .
او كنده شيمدى بوتون هيبتيله بر اوردو
پاردييور ، بر اوغولتيله اورطهلق مملو :

قوغان ، قاچان ، بوغوشان ، اولدورن ، اولن ، آزيلن...
مهيپ محشر هيجا ! .. زواللى يارهلى ، سن
بو حربى سير ايده جكميدك اويله خارجدن ؟ ..

زواللى يارهلى ، حربك صفالى وقتنده ،
تزل ايله دى بر سمديه نك اعانتنه
دمين خشوع مذلتله پاى صولتنه

مسير اولان تپه دن اوردوكاهه اينمك ايچون .
حزين نظرلى اطرافه شكوه ريز فتور ،
فقط بو كونكى غزاسيله مفتخر ، مغرور !

اوزاقدە كوى اوچ آى اولكى وضع صافيله
غنوده اورمانك آغوش لرزه دارنده ؛
بر آرزولوق چاليلقلر يولك كنارنده ،

ہوا بر آرز دہا را کد ، سما بر آرز دہا ہوش ،
دومانلر اورطہ دہ کوچلککھ ایلور پرواز ؛
خلاصہ یاز ، حسنک پک زیادہ سودیکی یاز .

اوشیمدی یارہ سنک عکس تابرداری کبی
غروبہ قارشی کنیش سینہ سمدہ برق افشان
مدالیہ نک لمعاتیہ صانکھ طالعہ لانان

نگاہ شوق طفولانہ سیلہ ، مستغرق ،
کویک لفای خوشندہ برپیام آریور ؛
برآشنائی دیرینہ ، برسلام آریور .

و برمدالیہ لی غازی مہابتیہ وقور ،
آغیر آغیر یورویور ... نا کھان توققلہ
فضایہ فیرلاتیور بر نگاہ پرشعلہ .

ہوشانلی عودتی کویا سلاملیور اوتہ دن :
دکرمک آچیلان قوللرندہ برشفقت ،
آغاچلرک اکیلن دالارندہ برحرمت !..

قصص يوسف

وَقَتَا كَه قَافِلَه مَصْرَدَن آيِرلَدِي ، صَانَكَه
رُوز كَار اُول كُومَلِكْ قُوقُوسِي آلَدِي
وَدِر حَال كِنْعَان اِيلَنَه كُوتُورْدِي كَه هِمَان
اُولُوقْت يَعْقُوب عَلِيَه السَّلَام يَوْسُفْكَ قُوقُوسِي
كَلِيور ، آه بِنَاغَتَه كُتُورْدِي دِيغَسِي دِيكُز!
دِيو . بِيورْدِي .

- قِصَص انْبِيَا : جِلْد ۱ -

قاوورمَش آتَش نِيَال كَرِيَه دِيْدَه سَنِي ؛
دُوكُوب زَمَان زَمَان أَجْفَان خُونچُكَانْدَن

اوزاق افقره بر اشتیاق بر خلجان ،
 اوقور نشیده درد هر مرسیده سنی .
 چولك صموت و مقسی لیال تارنده
 اُسن ریا ح او کا انفساس قدسیان کییدر ،
 مشام روحنه بر نکهت صمیمه ویرر :
 صانیرکه یوسفی کلش ، کزر جوارنده .

« اونك شیمی ، اونك ، یوسفك حرارتی بو !
 » شو حال ضعفی تعیب ایدرسگنز سز لر ،
 » و دیرسگنز که : — محقق ، عته کتیردی پدر !
 » فقط آمین اولگنز ، ربك عنایتی بو ،
 » یاقینده یوسفی کورمك بنم نصییدر ... »

اویانده قافلهٔ مرده آور اخوان
 قیص یوسفی حامل ، مبشر وشادان ،
 یورور شتاب ایله ؛ هر کون بر آز یاقین کتیرر
 اوتازنه نکهت جان بخشی پیر مهچوره .
 کونك برنده — که بر توده اُبر نامیه بار
 ویروب حوالی کنعانہ انجلای بهار
 دو کردی رحمت و بهجت او خاک مفتوره ، —
 ایرشدی قافلهٔ مرده آور اخوان .
 سورنجه کوملکی یعقوب عیون بی فرینه
 اوکنده کلدی بوتون ارض و آسمان یرینه ؛
 بوتون طبیعت اودم قیلدی سجدهٔ شکران !

والده

شکسته رنگ سقالت ، مکدر و مغموم ،
یوزنده کولکه سی مشهود چکدیکی محنک ؛
یکانه زینت آغوشی بر کوزل معصوم ،
صولوق دوداقلری لغنتکذار طالع شوم ...
طوقوندی کوکله حالی شو خسته والدهنک !

خراب جسمی عذاب مرضله بی درمان ،
غریب کوکلی یانیق آتش ضرورتله ؛
فقط بولورینه روحیله اشتغاله زمان :

اولونجه طفل ملکچهره لبکشای فغان
قاپار دهانی کلبوسه محبتله .

چوجوق اووضع یتیمانه سیله بردرناب ،
قادرین اوحال خرابیله برشکسته صدف ؛
چوجوق ده ، مادر مشفقده غرق آشک وتراب ؛
ایدر بولوحه اک آواره قلبی رقتیاب ،
ویرر بومنظره اک قیدسز مزاجه أسف .

زوالمی ، باغرینه باصدقه طفل عریانی
باقان غرورینه ظن آیلد مزکه سائله در ؛
کوزنده یاوروسنک نظره پریشانی ،
لسان حالی اولوب ترجمان وجدانی
دیورکه : « والده لک اک صفالی غائله در ! »

ويرك زواللىلره !

— باليكسر مصابني ايچون —

خراب زلزله بر كوى : شويانده بر چاتينك
چوروك ديركلرى دهشتله فيرلامش ؛ اوتهدن
چامور ييغنتيسى شكلنده برزمين قاتنك
بيقيق تمللرى منظور ؛ اوزاقده برمسكن
زمينه طوغرو اكلش ، هان سقوط ايده جك ؛
اوكنده برقادين ... اووف ، آرتق ايسته مم كورمك !

بولوچه قلبى تحريك ايچونسه ، كافيدر ؛
تصور ايليهم بريورك ، ولو منكر ،

ولو خشین و ملوث ، که بویه برحالی
 کوروبده صیزلاماسین !.. شیمدی سز بوتمثالی ،
 بولوح مائی هر درلو دهشتیله آلك ،
 شو محترم وطنك برکنار باردینه ؛
 بوتون اومنظره جانشکافی برده قالین
 ردای برف ایله اورتك که تیره سینده ینه
 — ایچنده صاقلیه رق سوزش فلاکتی —
 یابانچی کوزلره کوسترمه سین سفالیتی ...
 ناصل تحمل ایدر صوکره قارشیسنده بونك ،
 بونك ، بوصحنه پریأس کریه مشحونك
 برآز حمیت ورقتله صیزلایان دل پاك ؟..

درین ، ایکلتیلی چارپنتیلرله سیننه خاک
 تأثراتی سویلر بولوح آلامه ؛
 سزکده قلبگیز آبت آجیر ، دکلی ؟.. ویرك ،
 ویرك شوطوللره ، یوقسول قالان شو آیتامه ،
 ویرك آئیننه غایت شو بریغین بشرک !

رمضان صدقه سی

- کو پروده -

صوغوق . صوغوق ... آجی برنوحه تشکیسی
یولنده قلب حیاتک ، کلیر انین ریاح ؛
صوغوق ، صوغوق ... دکزک لرزه دار کریه سسی
ایدر یورکلره طاری بر اهتزاز جناح .
دلیک پارچاوره لر آلتنده بر کوچوک سیاح ...

« أفندیلر ، نه اولور ؟ بن فقیرم ایشته ... » سکوت ؛
« أفندیلر ، آجییک ... » پروقار و بی آرام
أفندیلر کچور ؛ یاوروجق صولوق ، مبهوت ،

نظر لرنده حزين بر آدای استرحام ،
چولاق آيله ويرر هر کچن خياله سلام .

« أفنديلر ، رمضاندر ... مبارك آقشامدر ... »
زواللی طفل سفالت ، زواللی عمر تباه !
« أفنديلر ، آجییک ، بن غرییم ایشته ... » خاییر ،
آقین آقین کچن أرباب اعتراز ورفاه
ایدر بو کیرلی ، بوییرتیق صدادن استکراه .

صوغوق ، صوغوق ... عصبي ضربه لرله بریاغمور
افقده پارچه لانان برسحابه خدته
كلوب لقای ذایل حیاتی قامچیلیور .
صوغوق ، صوغوق ... بوتحملکزا برودته
چوجوق خراب اوله جق ؛ آه ، ای سعادتله

اوسوسلو حمله لرك سينه معطرينه
قوشانلر ! ايشته برانسان كه ايكليور نفسی ؛
باقك شو صیدسقه ، شوچیپلاق ، شوأكری قولرینه ؛
نو آرتق ایشلیه من ... حصه مساعیسی
سزآدر ایشته ، ویرك ، صوصدیرك بوخته سسی !

صحایف حیاتمدن

بونی شعرمده سنویلیور بلکه :
بن حقیقتدن احتراز ایدرم ؛
آسمان فسحت کبودیله ،
دگز امواج پرسرودیله ،
کیجه اسرار بی حدودیله
بنی ترهیب ایدر ؛ اوفسختدن
صیقیلیر صانکه روح پر حذر م ؛
صانکه هر طالع بر لسانله بکا
حایقیرر ناشیده بر معنا ،

صانكه ليلك ظلال خاموشی
جانلانیر پیش ارتعابده ...
نه مکدر مزاج احوال که
اَك ملون دم شبابده
کوره رک بوش حیات پر جوشی
بنی غافل یاشادی خلقتدن ،
طوتدی آواره هر سعادتن .

شو حزین فطرت غریبه ماله
بن اوسیاچه بکزر م که مهیب
چولده ، شمسک شعاع سوزانی
یا قهرق کوزلرنده الوانی
کور من آرتق سلامت امکافی ؛
اوزمان هریاننده بر بوشلق
طویه رق ، بر ادای ماتمله
— دست لرزانی پیش چشمنده —
اوطوروب نیم مرده وزنده
برتجلیه منتظر ، دوشونور ؛
بوتجلی ، که موت هائلدر ،
اوکا بر شعر ایچنده سرخوشلق
ویره رک ، نشوة امید ایله پر
برجهان کوسترر که مغفلدر ...
آه ای غفلت ، ای سراب نصیب ،
سنی مملکنمی ایتمه مک تعقیب !

تفلسف

أوت ، ناصل ویریورسهم بونظمه شیمدی أمك ،
 شوجمله لرده ، شونسج رقیق صنعتده
 ناصل بوجهدی قابلسه اكلامق ، كورمك ،
 نصیب عمرم اولان نكبت وسعادتده
 كلیر وجوده بوتون كد اختیارمله .

ایچمدن اكله نیرم بعضی اغبرارمله :
 نیم یاپان بو حیات ملول ومسعودی ،
 نیم ویرن اورخام حقیره کیفیجه
 شووضع دلبری ، یاخود بو شکل مردودی ؛
 نیم آلمده نیم بئلكمده بازیچه ...

رسم یاپارکن

فیرچهم ، قدید بر آغاجك خسته بردالی ،
دستمده مشتکی هیجانلرله تیتریور ؛
کویا چیچك دییه
برخاك سبزه دوکدیکی قانلرله تیتریور .

اون کوندر ایشته اوغراشیور فکر و صنعتم
برموج حسه ویرمك ایچون شکل ارتسام ؛
سیر ایلرم بولوحه یی آرتق علی الدوام ،
ویردم أمك دییه .

سیر ایلرم ، وعجزینہ قائل بوصنعتک ،
تقدیسہ انہماک ایدرم صنع قدرتی ؛
لکن زمان اولور
پکروحسز بولورده بکنم طبیعتی .

مطلق اوکون بکنمک ایچون خستہ ، منفعل ،
یرباشقہ چہرہ ، کریہلی برچہرہ ایسترم ...
یوندندر ایشته ، شعر اولہ حق یرده سوزلرم
بعضاً فغان اولور !

تفکر

زمان اولورکه دوشونمکدن احتراز ایدرم ؛
مفکرم اوزمان برنهاله بکزرکه
علیل ورعشه نما شاخسار بی برکی
شکست اولور کوچوچک ضربه سیله برقانادک ؛
اوکون ، فصیح و معقد ، بوتون نشیده لرم
خراب کریه برر لوحه تأثر در .

بوکوز یاشیله سیلنمش نقوش حسرتدن

باقوب چیقارمغه سعی ایلرمده برمعنا ،
شوغلتمدن ایدوب صوکره کندیم استحیا
دیرم : « زواللی ! خیال محاله آلداندک ؛
« چیقارمی رنک حقیقت عکوس حیرتدن ؟ .. »
بوسوز باقلسه برانمودج تفکردر ...

خاییر ، اعاتی یوقدر تفکرك بونده ،
بوتون شعرلرمك روحی بر تکدردر
که دمبدم طویارم قلب ناله مشحونده .

بلاکے، خایر!..

متلون دکل فقط مایوس :
بن بوکون عشق بی مجالله ،
شو سونوک اشتیاق بالله ،
یعنی حساً دکل خیالله
سکا عرض محبت ایلورم ؛
بیل که جبر طبیعت ایلورم .
بو قدر جق ده بر سعادتر ؛
ایشته فرصت ، شویامه سودادن
مستفید اول ، که بر غنیمتدر ...

بر زمان صوکره قلب شیدادن
 چیه جقسک بوتون بوتون ، افسوس !
 مستفید اول شو برک وبارمدن ،
 بوله جقسک یارین بهارمدن
 بر بولوت ، بلکه... بر شکوفه ، خایر !

اویله بر آنی قیل تصورکه
 یوره کم پرلهیب مختله ،
 طوکه رق سردی محبتله ،
 آجی بر نفعه برودتله
 بوزولان آشیانی آئیدیره جق ؛
 اوزمان ، خوار و منکسر ، آنجاق
 برر افسانه شبانه کبی
 سویلرم خاطرات سودامی ،
 شیمدی بر نغمه ، بر ترانه کبی
 دیکله شعر محبت آرامی ...
 کله جک بر دم تنفرکه
 اینجینوب طور انفعالمدن ،
 دویه جقسک لب ملالمدن
 بر فغان ، بلکه... بر ترانه ، خایر !

آشیان دل

براعتنای عشق ایله ، برذوق شعرايله
یاپدمدی کندی کندیله برلانۀ حضور ؛
آزهار خاطرات ایله ، پرشمۀ وصال ،
آمال زندگی ، اومذهب طیور نور ،
ایتمشدی هپ اولانده تشکیل عائله .

بعضاً سرود بوسه قدر طاتلی برصدا ،
برشاعرانه زمزمۀ صاف سلسبیل ،
تکریر ایدردی سمع خیالده بی مثل
برعکس جانربا ؛

بعضاً ظلال ایچنده ، سکوت شبانه‌دن
ساکت براطراد تنفس ، — که دمبدم
احساس ایدر کوکلره بررعه‌شه عدم ، —
ظاهر دی لانه‌دن .

بن عاشق سکونی ایدم آشیانمک ،
اکثر بو حال صمتنه ایلردم انتظار ؛
برکون او قوشلر اوچدی ، او ازهار ی ایلهدی
بردست نازنینده کی یلیازه تارمار ...
آرتق سکونی یوق دل سودا نشانمک !

کندی کنديمه:

بر بوچوق ، ايشته بر بوچوق ساعت
بر کوچوك ، روحسز نشيده ايچون ؛
بو قدر سعي ، اعتنا ، زحمت
طوبى بر قطعه ، يا قصيده ايچون .

آه آي پيش استفاده مدن
بي توقف اوزاqlاشان موجات ،
آي مبارك دقيقه لر ، سزي بن
بويله غيب آيله مكده يم ، هيهات !

بیلیرم ، برنفسده ، بردمده
قوجه بر کائنات زنده طوغار ؛
چانلانیر بر حیات ، بر خلقت .

اوילה ذی روح وارکه عالمده
بر بوجوق ساعتک ایچنده طوغار ،
یاشار ، اتمام عمر ایدر ... عبرت !

روح اشعارم

تكائف ايليه رك برسحابه حالنده
تنفس ازهار ،
طورر سمای خیالات اولان ظلالنده
برآشیان بهار .

برآشیان بکارت که بکمر اسحارک
نگاه بیداری ؛
باشنده نشئه لی برننی سویلر آنهارک
سرود سرشاری .

رباب شکسته

نموده هر گوشه سندن عکوس کونا کون ،
ظلال رنگارنگ ؛
هوای رایحه دارنده لرزه بخش درون
رمیده بر آهنگ .

بوجامه خواب ربیع‌یده بر تن شیرین ،
تن حیات آرا ،
— برهنه سینه وساعد ، برهنه ساق و سرین ،
برهنه سرتاپا ، —

ویرر نشانه نیم روح صاف شعرمدن
که نشوه دار شباب ،
سواد لیلۃُ ألفاظ ایچنده لمعه فیکن
نمونه مهتاب .

درد نهان

خزان ، خزان ... ینه سن ، آی رمیده فصل هزال !
شو قیردیغک متحسس ، نحیف داللردن
شو دوکدیکک متورم ، زواللی یاپراقلر ،
— زواللی عجز حیات ! —
بیلیرمیسک ناصل اظهار درد ایدر ، آغلار ؟..

بوکون ناصلسه غم آلود سیسلرکله جبال ،
یارینده جسم طبیعت کفنه نوب قاردن
اولیر بوتون شومناظر ، طوکار شو ایرماقلر ،
طوکار ، فقط هیات ،
ایچین ایچین ینه هپسنده برملا آغلار !..

واغونده

تنها ، بولنديم واغونك بركنارينه
يیغمشدي بار جسمنی برخسته غرام «
صولفون ، چوكوك ياناقلرينك اصفرارينه
عائد لبندۀ شبيه لی ، طالغین برابتسام .

طرز تلبسنده کی رنگ غریب ایله
بالیدی شعره ، صنعتۀ میل طبیعتی ؛
اطرافۀ آتمیوردی فقط برنظر بیله ،
سوءش دیمک بوتون هوس شعر و صنعتی .

بر لرزش علیل ایله میال انطفا
آنطاری آغلیوردی باقوب کندی کندینه ؛
بیلم نیچون ، یاقیشدیریوردم خزان نما
بر چین انفعالی جبین بلندینه !

خارجده نشوؤ ازیسیله نوبهار
سرپرکن آشیانلره کلر ، امیدلر ،
بر اورتو دیزلرنده ، بومعلول درد یار
خوار وشکسته منتقل حفره هدر...

طوگمش بوتون حرارتی جسم ضعیفک ،
دوگمش اولانجه برک امید شبانی ؛
صولغون باقیشریله ، سمای کثیفک
تشییع ایدر کبیدی اوزاق بر سحابی .

برعياشك قارشيسنده

« براق ، دييورسكز ، ألبت جزاسيدر ، چكه جك ؛
« جزاسى مست مدامك خمار ذلتدر !.. »
أوت ، براقالى يز ، بلكه بر سعادتدر
كه بز جزا دييورز غافلانه ، بيلميه رك .

اونك شو حالى ، شو حال سفيلى وپامالى
جزاده اولسه ، اولور قارشيسنده قهقهه زن ؛
آييلميوركه اوتانسين جزاي فعلندن...
اونك او كنسچ مذلت سرير آمالي .

باقك ڪوزنده ڪي بيرنڪي تماشايه ،
ناصل ڪورر بونطر ڪا ئنائى ؟ .. بر بوشلق ؛
اوسيسلى خاطره اوغرارمى او ، عيال ، چوجوق ؟

جزاى ايشته بو يچاره لردر ، آه ، دويان ؛
قاچوب سموم سفالت اونك جوارندن
كلير بوعائله بي ڪناهى افنايه !

برف زرین

بیاض برفی سواد لیاله مزاج ایدیکنز :
بورنك سرد ایله منظور اولوردی وجه سما ؛
قدید آغاچلرك آلتنده برنهایتسز
غریبلك دویولور ، بر شکاف دیدنما
صاچاردی کریه آتش کنار آفاقه .

اوژنك حزنه بورونمش طوران لقای خزان
سکون ایچنده مرارت مومن حسرت ایکن ،
سرین سرین آسهرك بر نسیم پرخلجان
— قوپوپ کلیر کبی اُك مضطرب کواکملردن، —

کتیردی بر آجی لرزش غصون واوراقہ ؛

سقوطہ باشلادی بردن بوتون اوپراقلر :
یاغاردی پیش نکاہمدہ برمذہپ قار .

بهار مغموم

بهار اولسون ، بهار اولسون ده کوکلم
بر آرز دفع ملال ایتسین ، دییوردم ؛
جهان تغیر حال ایتسین ، دییوردم...
بهار اولدی بوتون فیضیه ، کوردم :
جهان پر خنده ، جنتدن نشاندر ،
نم کوکلم فقط وقف خزاندر .

بوتون رنکیله ، آهنکیله کلشن
غریق نشئه ، لکن بنجه مغموم ؛
طبیعت عرض ایدر قارشیمده مشوم ،

صوغوق بر لوحه ، بر تصویر مدفن .
 اوت ، مست حیات اما شو آنهار ،
 بنم کوکلم دکل بوندن خبردار .

آغاچقلارله سوسلنمش افقدن
 کلیر بر نفجهٔ سرد وسپهرنک ؛
 سما چشممده برپیغولهٔ تنک ،
 دونر نظاره پرلرزش افقدن .
 حزین برتلخیٔ نکبت هواده ؛
 نه در بیلم ، نه واردر ماوراده !

اوزاقدن بر صدا برلحن کریان ،
 بکای طفله بکزر بر بوغوق سس
 ایدوب قعر صماخ جانی معکس
 نه بلبل فرق ایدر گوشم ، نه ألحان ؛
 کلن سسلر بوتون شکوا اثردر ،
 چیچکلر هپ آچلمش یاره لردر .

بوغارکن روحی ظلمتله سرما
 بولیل آرتق نهار اولسون ، دییوردم ؛
 بهار اولسون ، بهار اولسون ، دییوردم ؛
 بهار اولماز بوکون بوندن مطرا...
 نیچون آکسیلمیور حالا ملالم ،
 نیچون شاد اولیور کوکلم ، خیالم ؟..

أَكْ فرحلی کونم

کونشلی سطح سکون پرورنده بر حوضك
اوچان هوام هوسکاری آکدیرر فکرم ؛
بودر سبب که أَکْ آسوده نوحه شعرم
ویرر صداسنی برکیزی موج پروازك .

ناصل قولایجه پریشان اولورسه اُبر هوام
خفیف ضربه بالیله برنسیم ترك ،
یتر خیالی تخدیشه بعضی أَکْ نارین
بر اهترار ، اوفاجق بر تهیج الهام .

اوکون صحیفه شعرم قالیر تهی ، عریان ،
بوأک فرحلی کونمدر : نه سویلرم ، نه یازار ؛
نه احتمال تعرض ، نه خوف استحقار...
أوت ، کچر اوکونم پر سکون اطمئنان

یارینکی شعرمه احضار ایچون برآز خلجان .

بیاض یلکن

باق شو زورچہ دل آرامک
جنبش التفات پرورینہ ؛
رفرف بادبان پرفرینہ
پک موافق سکونی آقشامک .
اووخ ، ای نشئه ، سن قاناتلانسهک
بو قدر بلکه دلبر اولمازسک !

یا صلا نوب شویله دوش أمواجه
— صانکه مجذوب ومست ومستغرق ،
بر سراب کبوده آلدانهرق ، —

کیدییور شاعرانه ، تنهاجه ؛
آه بیلسم ، کوتوردیکی خلیجان
هانکی سودالی قلبه عائددر !

بو شطارتله ایشته مرمره نك
بر پریء كشاده شه پیدر ؛
شوخی پروانه مهریدر
باك ونوار اولان شومنظره نك .
کیجه مرسای ناز اولور مطلق
اوکا آغوش عشقی بر آطه نك ...

بر وقتلر کوکل ایدردی خیال
سوت بیاض بز د گنز ، بیاض قایالر ،
مائی ، لکن همان بیاضه چالار
بر سما ، صوکره بر بیاض صندال .
بز او صندالده یار جائله
طولاشیردق بیاض سحرلرده .

شیمدی یاد ایتدیرر او خولیامی
نه زمان کچه پیش چشمندن
بویله صاف وسفید بر یلکن .
بکا تصویر ایدر او سودای
بر بیاض قوش که نوحه پرورددر
بر بیاض لیل ماهپرورده .

خواب کریزان

شب نیلی نیشان ، پر طراوت ،
آچوب قارشیمده بر آغوش مکرم
اوقور بی انتها اشعار دعوت :
« کل ای بیچاره فانی ، کل ، ظالم
« فراش صافیدر دلدار خوابک ،
« سکونتگاهیدر هر اضطرابک .

« اویور نغمه مله افواج خیالات ؛
« اویور طاغیر ، صولر ، أشجار و أزهار ؛
« اویور کهواره سینه مده بالذات

« او یور سودا ، او خیرچین طفل بیدار ؛
« او یور فکر بشر ، طفل معذب ؛
« او یور حتی شو پهنای مکوکب ... »

أوت ، هرشی او یور ، آی لیل مسعود ؛
فقط بن بر ضیای رعشه دارك
آتیس حزنی ، بی آرام و بی سود ،
مؤبد بکرم بر صبح تارك
طلوع نحسنی امید ایچنده ...
ایچم بر مدفن آمال زنده !

او یورکن بویله مخفوف ظلالك ،
بو تون عالم او یورکن بویله خاموش ،
بنم طیر حضورم بر ملالک
کز دست ستمکارنده مدهوش ؛
وشکوالرله حال شیونمدن
فرار آیلر شکاف روزنمدن .

خیال خود بین

أدالی بر کله بك پیش اغبرارمده
اوچار اوچار ، متنور ، ظریف ، مست شباب ؛
چو جو قلمده کی آواره حرص و شوق ایله بن
پینده جسم کرا نمله ایلرم پرتاب .
قونار ، یاقینلا شیرم ؛ شیمدی طو تمق اوزره ایکن
قاچوب کیدر ؛ باقارم ، دست رعشه دارمده
طورر قانادرینک بر غبار زرینی ...

کچن زمانلرمک ای خیال خود بینی ،
شو احتضاره یاقین حال انکسارمده

غریق نشئه ، ملائله اُکله نیرسک سن ،
آچوب نگاهمه دلبر ، صفالی بر مهتاب
بوتون غرور مسارکله پدش یأسمدن
کولر ، کچر ، براقیرسک بر اشتیاق خراب ،
بر اشتیاق مخرب دل نزارمده !

آنين غم

عئيف ضربۀ قهريله بادبي انصاف
برر برر دوشورر داللرندن أوراقى ،
طلوع ايدن كونشك هر نگاه اشراقى
ايدر زوالليرك مائيله استخفاف .

نشيب حزننى أزر ، ايگله تير فراز مسار !
شو خسته سائله نك پيش ا كترابندن
كولوب كچن شو مزهر قادينلرك انسان
روشلرنده سزر بر شميم استحقار .

نمده آغلایهرق یازدینم بو شعر سیاه
لبتده قارئمهك خنده لرله تیتیره یه جك ؛
نه لر ، نه کریه لر اولمشدر او یله تیتیره یه رك
دوداقلرنده نشاط وسعادتك ، آیواه !

نیچون بورنك تخالف لقای خلقتده ؟
نیچون نم کدرم باشقه سنده ذوق اولسون ؟
یازیق دکلای ، نیچون بر طنین شوق اولسون
نم آنین غمم بر لب مسرتده ؟..

او کسوز لکم

افقده ، ايشته شو پهناى لاجوردیده
آغیر آغیر یوروپور بر خیال خون آلود ؛
لبنده لرزه شکوا ، کوزنده بر ممدود
نکاه رنجیده .

حیاتمک بو خیالتله بر تعلقی وار :
ایلرله دجه او ، قلبمده آرتیور خلجان ؛
ایلرله دجه او ، روحم کیدوب ایزنده آرار
مدید بر هجران .

نهدر ، بوهانکي پرستیده نک سفالتیدر ؛
نهدر ، بوهانکي امیدک سقوطیدر ، مجروح ؟
پینه م ، پینه م ... بو خزانیده ظل برزده روح
اونک خیالتیدر !

اونک خیالتیدر ، بر محیط جوشانک
سیاه کوپوکلری اوستنده چیرپینوب یاتیور ؛
سیاه کوپوکلری اوستنده بحر نسیانک
مؤبداً باتیور ...

وبن اوزاقده ، شو مأوای استراحتده ،
اونک افولنی سیر ایلپورده اولیورم ؛
چو جوقلرمله ، چو جوقلرمله مسرورم
بوکون بوساعتده !

مهد آمالم

دیدم ، اولحد آچیلیرکن حریم قلم ایچنده ،
دیدم که : ایشته ضوک امیدمک مزار سیاهی !
بوصوک امید سعادت — که ایلشدی تورم ، —
یوزنده برک خزانک اواصفرار سیاهی ،
دوداقلرنده شکایتله تیره بن اوتبسم ،
کومولدی قالدی مؤبد صمیم قلم ایچنده .

بوکون برر متحسر ، ورملی چهره مغبر
صوغو قلغنده ایچمدن طوغوب افول ایدن آمال

بوتون اولحد سیاھک ظلال کریه ورنده
کلیر وجوده ، پارلدار ، سونر... بولمعه پامال
لیال مظلومه نك وحدت سکون اثرنده
غنوده مقبره لردن چیقان پاریلتی یه بکزر .

عقدہ حیات

لرزشمنون اولور کورورم شعلہ بقا
بر کنج مظلومندہ سحاب حیاتمک ؛
عاجز ره گذارمی کوسترمه دن بکا
آواره التماعی شهاب حیاتمک .

شعرمله کاه ظاهر اولور خوشجه بر صدا
تار شکسته سنده رباب حیاتمک ؛
بعضاً او تار شعری قیرار ناخن قضا ،
آرتق صحایفنده کتاب حیاتمک

برنکته سروره تصادف محال اولور ...
سرعتله کچدی صبح شبابی حیاتمک ،
هیچ کچمیور فقط شو حزین ليله سیاه ؛

بیکلرجه عنکبوت سیه مست وکچ نگاه
پیرامننده پای شتاب حیاتمک
کویا که عقده سازکلل وملال اولور !

ياشادجڤه

اوت ، بوطاغلري آشدجڤه بويله طيرمانه رق ،
اوت ، بوطالغه لرك سطح بيقرارنده
شكسته ، كمشده ، آواره ، خوار ومستغرق ،
يووارلاتوب زده لندجڤه ... ايسترم قوشمق !

اوكمده بركيجه ، برغور لاجورد ظلام ،
درينه شير بني پويان كوروب كنارنده ؛
درينه شير وكولر... بن ، عليل بي آرام ،
اوچان بوكولكه يني تسخيره ايلرم اقدام .

او ظل مبہم ساثر ، او موجدہ لر ، اوجبال
برر مثال املدرکہ رہگذار کدہ
کورر بلند ومطرا ، ایدرسک استعجال ؛
بوتون تعب ، ینہ قابل دکل فقط اہمال :

سور حیاتی بشر تا سرمزارندہ !

غیای و جود

بعضی ، قیرلرده کزرکن کورولور نفرته :
بر چوقور یرده بیریکمش متکدر بر صو ،
صولیجانلرله ، سولوکلرله ، ییلانلرله طولو .

آطه جقار کی سطحنده یوزن ابرهوام ،
سازلرک ظل کئیفنده اوبی حد ، بی نام
قایناشان محشر منتن ، آجی بر خشیتله

تیره تیر قلبی : فقط قور توله ماز کوزلرکنز
نظر ایتکدن اومرات سم آلوده ینه ،
سزی بر جاذبه آلمش کئیدر پنجه سنه .

روحگزدن نه قدر کلسه ندای نفرت
اورادن آیريله ماز دقتگنز برمدت ،
اورادن دوئمکه قوت بوله ماز کوز لرگنز ...

ایشته غیای وجود ، ایشته او ظلمت ، اوباتاق ؛
بشرک ایشته پرامید وهوس ، مستغرق ،
قعر تارنده شناه ایتدیکی کرداب افول !

روح صافی شب اعماقنه ایتدجه نزول
چیرپینیر غیظ و تنفرله ؛ فقط بی آرام
ایده جکدر بونزولنده ابدالرله دوام .

آقشام

ساکن بر آقشامک تتق أرغوانتی
ییرتارکن احتراز ایله دست سیاه شب ،
دوشنده برکونک یوکی ، برظل پرتعب
سوق ایلپور افقلره پای کراتنی .

تانیقظه غروبه یاقین مائی برسحاب
آتشی غمزه لرله سوزر آشیانلری ؛
کویا بوتون قوجاقلامق ایستر جهانلری
یورغون قاناتلریله اوزاقدن بر آسیاب .

نالندہ برقاوال سسی اطرافی ایکلہ تیر ؛
نالندہ برسرود اللہ باد غریب شام
آسدکجہ ، کولده تیتڑہ شیر أمواج پرغرام ...

آقشام ، حیاتمک شوسگونتلی حالیدر :
نالندہ برسرود ایله بریاد پر حزن
بعضاً اولور بحیرہ قلمـدہ موجزن .

افق وهلال

آقشام بوتون فروغ شكوهيله برجهان ،
برعالم حیات و ضیاء افقه طویلانیر ؛
اوستنده آسمان

برمائی تول ییغنتیسی حالنده صاللانیر .

نازك براهتر از هوا : شیمدی كائنات
تیتیر ، قالیر دومانلرك آلتنده مستتر ؛
وادی خیال ایدر کییدر نوم ایچنده بر
یكرنكى حیات .

لیک امر امر اب صافنده طوپلانان
نوشابه سکونی لب تشنه تراب ؛
بر قوش ، اوزاقده محترز ، آواره ، دلخراب
بر قوش ایدر فغان .

أعماق تار لیله برر کیمسه سز چوجوق
وضع مکدریله باقار هپ ستاره لر ؛
اوکسوز قالان افق
سوسلنسه بر هلال ایله . مسعود اولور... کولر .

پری خزان

خوابیده ناز ایکن یوصوندن
بر بستر نرم ایچنده مستور ،
بر بالطه سسیله اویقوسندن
بیدار اوله رق ، لطیف و مخمور ،
دیکلر اطرافی پر تفکر :

هریاندہ سکوت ، بر بوغوق سس
آغلار کبی تا اوزاقده یالکز .
اولدجه بوصوته روحی معکس
آغلار اوده کریه سز ، فغانسز ؛
ایلر یوزی آن با آن تغیر .

وجهنده کی زهر اغبراری
مص ایلیه رک اولور نمایان
هرشیده علیل برتاثر؛

دوشدکجه ننگاه ژاله داری
یرلرده ، نزار و زرد و عریان ،
برحسن ملول ایدر تهر .

ياغمور

كوچوك ، مطرد ، محترز ضربه لر
قفسلرده ، جاملرده پر اهتزاز
اولور دمبدم نوحه كر ، نغمه ساز
قفسلرده ، جاملرده پر اهتزاز
كوچوك ، مطرد ، محترز ضربه لر ...

سوقاقلرده سيلابه لر آغلاشير ،
افق ياقلاشير ، ياقلاشير ، ياقلاشير ؛

بولوتلر قاراردیجه ذراته بر
 آغیر ، محتضر طالعه لایمق کلیر ؛
 بورور بر صوغوق کولکه اطرافی هپ ،
 نمایان اولور کوندوزین نصف شب .
 سونر شیمدی ، منظور اولوزکن دمین
 هیولاسی قارشیمده بر عالمک .
 آچلماز نه بر یوز ، نه بر پنجره ؛
 باقلدیجه وحشت چو کریر لره .
 کچر بوش سوقاقدن ، خیالت کبی ،
 شتابان و پوشیده سر بر صبی ؛
 اودم لیل یادمده ، صولغون تباه ،
 سورور برقادین برردای سیاه .
 صاجاقلرده قوشلر — حزیندر بوپک ! —
 صوصارلر ، اوزاقدن اولور برکوپک .
 اوتر کوش زوحمده بوش برآنین ،
 بوغوق بر تضاد سکون وطنین :
 کوچوک ، پرهوس ، کوهرین قطره لر
 سوقاقلرده ، طاملرده پراعتراز
 اولور متصل نوحه کر ، نغمه ساز
 سوقاقلرده ، طاملرده پراعتراز
 کوچوک ، پرهوس ، کوهرین قطره لر ...

فارلر

بر اضطرار سرد ايله تيتير مکنونات
آلتنده قارلرک ؛
بر دود منجمد کبی آفاق بی حیات
پیشنده جانلانیر متحاشی نظرلرک .

چیپلاق آغاچلریله ، بیاض طاملریله کام
- محصول واهمه -
بر بی حدود محشر أموات اولور ؛ نگاه
تشریحلرله دمبدم آییر مصادمه...

بعضاً عقور بر دكزك سطح زاخري
طوگمشده ، بي مجال ،
كويا آغير آغير اينهرك ، هپ مظاهري
آلتنده بغتةً آزهجك ظن ايدر خيال ...

بعضاً آده آسمان يره آماده ستقوط
بر صفحه در ، حزين ؛
منظور اولان اوصفحه ده ، بي رنك وبى خطوط ،
تمثال خدشه آوريدر موت هائللك ...

لكن صورك شو پنجره سندن باقانلره
كاخ تخيللك ،
اونلرجه عينيدر بو بروذتلى منظره
بر سينئه سمنده كولن بر بياض كللك .

مهر زمهریر

سما بر بوزلو جام حالنده بارد بر کشفته
طوتار پیروزه نواریخی بر آن ایچون مستور ؛
بو بر آن تستر برقع برف وبرودتله ،
بودر شکلی بوتون بر موسمک ، پرلرزش ورنجور .

کچوب ساعات ژنک آلود شب ، ممدود ونامحصور ،
کنار توده آتشده هپ آرام وصحبتله ،
اولورکن نا کهان اخکر نما بر خیر دورادور
سونر، پوف ! صانکه او فلر بر دوداق عنف وخشونتله .

کونش بعضاً یا قار فوق السما بر شمعۀ بیضا
ارواح ذراته ؛
فرمیدن یوکسلیر بر لرزش مبهوت و بی معنا
سماواته .

هیکل کریان

بو بر مرمردی : جامد بر بشاشت وجه صافنده
کولومسر ؛ صوکره ، سز نصب نگاه ایتدجکه دقتله ،
بوتون اولکی عکس خنده شوق خلافتده
صمیمی بر مہارت کوستر ، آغلاردی رقتله .

دوشن ہر دمعة موهومہ أجفان سفیدن
اینرکن ، پر حرارت ، عارض سنکینی تیتردی ،
گذار ایلردی بر سیس جبه سودا بدیدن ؛
بومرمر صانکه بر ذی روح ایدی ، ذی روح مغبردی .

— نه در صنعت که طاشلر جانلانیر سحر تماسیله ؛
ناصل برق دهائتدرکه لمح انعکاسیله
حیات انکیز اولور بر کتله جامدده ؟.. حیرتله !

— نه در عشق که ، آی محکوک اولان روحده تمثالی ،
نه در عشق که بعضاً اک طوگوق ، اک مرده ، اک خالی
دم یأسمده لوح فکرمی لبریز شعر ایلر ؟..

فبار

اوزاقده بر متردد ضیای بی معنا
یولک لقای رطیبنده ، محترز ، طولاشیر ؛
اوزار ، قوپار ، قیریلیر ؛ بر کوچوک نفسله هوا
ایدر زواللییه بیک شکل مضطرب ا کسا .

باقارسکز : متفکر . مدید ، کریه نما ؛
بو شیمدی بر نظر عاشقانه در که طاشیر
جناح سا کنی اوستنده بر شب خولیا ...
باقارسکز : متهالک ؛ منور و شیدا ؛

بو شیمدی نشئه لی بر غمزه در ، بهیج امل ...
فنار اورو حلك عینیدر كه ، غرق خیال ،
یاشار امید ایله شب زنده دار شوق و کسل .
نم خیالنه اك چوق شو حالیدر طوقونان :
زواللی ، داخل اولورکن صباحه پرآمال
سونر لائیء باران ایچنده کریه کنان !

نڌی

محترز بر ضیا باصیق طاوانك
 حزن مبهوت پر غبارنده
 تیره یوب سوندی ؛ شیمدی بوش اوطه نك
 نیم مظلم قالان جدارنده

اینجه بر کولکه ارتعاش اییدیور .
 بو قارا کلقدده بر وجود نحیف
 اکیلوب قالقیور ، تلاش اییدیور ؛
 اونی بر نفحه ایللیور تخویف .

نا کهان بر صدای اشک آلود ،
بو یتیمک آنین غمگینی ،
کز دی جوف ظلامی ایگله یه رک ؛

« آننه جکم !.. » عکس ایدوب حزین ، ممدود
یاتدی او کسوز بو عکسی دیکله یه رک :
اوکا سویلندی صانکه بر ننی .

زواللی خسته

برنده زهر حقیقت ، برنده شهید خیال ؛
من الازل ایکی پیمانه مقدردن
زواللی خسته جق آیلر تجرع آمال ،
یاشار امید افاقتله هپ فریفته بال .

وجود رعشه ورندن قویوب دوشن ذرات
ویرر پیام حزین بر دم مقررден ؛
او متصل ینه مجرور اشتیاق حیات ،
ایدر لبنده شکایت آجیقلی بر « هیئات ! » .

زواللی خستہ ، فراش ذلیل رحلتدہ
اومار شفای بقا بر جهان دیکردن ؛
کز نظر لری آفاق بی نہایتدہ
سکون آزار کبی آغوش سرمدیتدہ ،
حیات آلیر کبی اسحار خندہ پروردن .

سرخوش

بر سیه - نشئه مست لایعقل
کیدییور چارپه چارپه کندیسنی ؛
دیکله مک ، آ کلامق دکل قابل
بر خیرلتیاه ایگله یین سسنی .

تیره ییور دست نکبتنده حیات
بر ملوث پاچاوردہ حالنده ؛
صاقلی یوزلرجه مفترس هوسات
آ لئسک چین انفعالنده .

کوله ییچاره نك سفاالتنه ؛
کیم بیلیر ، بلکه بر طبیعتدر
اوکا یتمش ییل اوکجه دن موروث .

کیم بیلیر ، بلکه ، مضطرب ، مأیوس —
اونی محکوم ایدن شو ذلتنه
سنی مسعود ایدن محبتدر !

بالىقچىلار

آچىق تصادم أمواج قهره سینه لری ،
برر قايىقدن عبارت بوتون خزینه لری ،
برر قايىق وتوکنمز براحتیاج ثبات ؛
شوقیر بییقلى ، یانیق یوزلو ساعیان حیات
— که تیتیرر آغلرینک هر تلنده زهر ممات ، —
یچون ، صورك ، بوتقاضای عمره قاتلانیورلر ؛
ناصل ، نه حسله شوگرداب غمده چالقانیورلر ؟ ..

خایر ، سؤاله محل یوق ؛ صنوف خوار بشر
بوتون اوصویتارینک عینیدرکه ، پابرسر ،

تحفلق ايتك ايچون يرده آلريله كزر ؛
تحفلق ايتك ايچون ، كولد يروب قازانق ايچون !
زوواللى صويتارى ، اوغراش حياته قانق ايچون ...
بوبويله ايسته ، ايچك آغليور ، فقط كوله جكسك ؛
ياسن حياتكى صاتمىش دكلېسك ؟ .. اوله جكسك !

عشق و فراق

يوصونلو بردردنك سطح موجه دارنده
سكودلرك عصبي اهتزاز كريانی ؛
پاموق بولوتلرك آغوش بی قرارنده
هنوز طوغان كونشك احرار عریانی .

برر امید مجنح لطافتیله اوچان .
ترانه کار ایکی نرمین کبوتر مغرور ؛
ترنمات دنادملیله — پر غلیان —
سکون مشجری تاراج ایدن گروه طیور...

بوتون بونشوۀ پرانی ، روح نواری ،
بوتون بوحسن ربیعسی بر کوزل سحرک
ایدر احاطه یشیل برسدیر آزهاری ؛

یاتار اولاندهده ، برچفت شوخ و نازنده ...
تخطر آیلهدیکم لحظه عشق سحاری ،
بولوحه ظاهر اولور ایشته پدش چشمدهده .

أوت ، بولوحه بی سیر آیلرم خیالده
حیات عشقه علی العاده بر مثال اوله رق ؛
فقط حقیقت عشقک صمیم بالده
ناصل تجسم ایدر ، آی پناه عمرم ، باق :

لپسقه صاچلری دوشنده خم بخم طاغنیق ،
دوداقلرنده سنک حار و صاف بر بوسه ک ،
کوزنده ، صانکه سنک کوزلرک ، اوبایغینلق ...
خلاصه او یله ملک بر چوجوق که عینک ، سن !

فقط بو اوچ سنه لک طفل نشئه پرورده
زمان زمان او تأثر نه در ، بیلنمز که ؛
نه در اوچین حزین کاه اوجهه ترده ؟

فراق... بلکه او ، لکن دوشونمه آنجای ،
چیقار شووهم سعادتكدازنی فکرئدن ؛
یتر ، یتر بزه عشقک خیال خودکامی !

زر رشته

« یاز عشقکه دایر » دیدیکز... ایشته : چو جوق کن
غایت آفاجان بر کدی سودم که آمدن
بر لحظه براقازدم ؛ او یورکن قوچاغمده
روحده کی شفقت
هپ اوستنه تیتتر ؛ کیجه بعضاً یا تاغمده
برلکده او یوردق . براقوب مکتبه کیتسه م
دلتنکی حسرت

مطلق بنی دقتسز ایدر ، « هی ، قوجه سرسم ! »
تو یخی طوقا تله کورولدردی باشمده .

بن ، عاشق شیدا ،

هر قهره تحمالة سورددم ... او یاشمده

سومکده کی تأثیر وتسلیمی بیلیردم ،

هر کس کی ؛ حتی

بعضاً ده سبب سزجه اولورددم متالم ...

زر رشته ، بو اسمیدی اونک ، صانکه خبردار

مخفی کدرمدن ،

یالتاقلانیر ، آتلار ، سورونور ، او قشایر ، او قشار ؛

تطیبمه ألبته او کون چاره بولوردی ؛

لکن اوزرمدن

بر کره او حزن اولدیمی زائل ، قورولوردی :

« سایه مده بو نشئهك ! » دیمك ایستر کی مغرور ؛

مغرور و محقر ،

باشلاردی وفاسزلغه ؛ بن ، عاجز و مسحور ،

هر درلو حظوظاتنه ، هر کیفنه تابع ؛

بعضاً متحیر ،

بعضاً متحکم ؛ ینه عاجز ، ینه قانع ؛

أك شبهه لی بر میلی کورسهم اینانیردم ،

یچاره لکمدن ؛

ہپ طیرمالانیر ، طیرمالانیر ، طیرمالانیردم !..

« یاز عشقکہ داثر » دیدیکز... ایشته مثالی :

سودکلرمک بن

ہپسندہ بو طیرناقلری ، ہپسندہ بو حالی ،

ہپسندہ بو خیرچین کدی سیاسنی کورددم...

بر عمر جیمک بوتون اذواقنی سورددم !

الی الابد ...

الی الابد ... بوتخیل ویرردی نشئه بکا ؛
الی الابد اونی سومك ، الی الابد . مؤلم
فقط حیاتقزا
برابتلا ایله سومکدی اُک کوزل اُملم .

تصور اُبدیت حیات وسوداده ،
بو برخیال ایدی ، لکن خیال دلبردی ؛
اُوت ، بورؤیاده
جنانی کورمکه بکزردی ، روح پروردی !

یازیق ! شونشته می تسمیم ایدردی حس فراق ،
دوشردی روحه هر آیریلشده بر أخکر ؛
أوت ، بو حس بو مصراق
ویرزدی عشقه بر خدشه ملال آور .

کولر کوررده اوچشم سیاهی آغلاردم ،
جهانده بر بوایکن روحک تمناسی ؛
أوت ، بن آکلاردم :
اوطاتلی کریه لرك آیریلقدی معناسی .

کچوب تحاشی فرقتله هپ لیال وصال
صبح اولوردی سکون بولمه دن تحسر لر ؛
أوت ، کچردی لیال ،
بو یوردی بسله نوب امید ایله تأثر لر...

الی الابد ... ایکی روح معاشقک بو امید ،
بو وعد مغفل سودا پناه قلبی ایدی ؛
فقط نه فکر بعید :
حیات زائل ایچنده محبت ابدی !..

بہارِ دہ

— فرانسوا قویہ دن مقتبس —

پرسایہ خیابانِ خفا پرور ایچندہ
ہمپا وہم آوازہ وہمنظرہ وہمسر ،
بران ومنور ،
صید ایلہلم کل
بن قافیہ لرا ، سنده مذهب کہاہ بککر .

قیرلردہ ، اوتہائی حزن آور ایچندہ

تیتزر کییدر خلقتک أَلحان سروری ؛
ترك ایتده غروری ،
كل دیکلیه لم كل
بن زمزمه شعری ، سن آهنگ طیوری .

آمالزك خادام بی مندی أَشیا ،
یوللار کبی هریر بزّه بر تحفه سودا ؛
محسود و مبجل ،
كل طوپلایه لم كل
بن مصرع برجسته ، سن أزهار مطرا .

پرزمزمه برجوف ضیادار ایله مشحون ،
کچسین أبدی کونلرمن فاخر و کلکون ...
سن شعر مجسم ،
بن شاعر ملهم ؛
سن حسن و فسون ، بن سکا کوندن کونه مفتون !

سنکله ...

سنکله کل ، بو خیابان وحدت آرامک
الی الابد قوشه لم سبزیء ظلامنده ؛
سنکله کل ، بو معطر حریم الهامک
الی الابد قاله لم ظل احتشامنده .

بو بول ، بو سینئه وحشته کیزله نن ره نور
آچلادی بویله نه خوش پیش انتخابمه ؛
سنکله کل بو تزهده ، پر حیات وحضور ،
بو کونده دونمه لم لانه خرابمه .

فقط نیچون بوکوزل یول سوکنده براوچوروم ؟
یا زیق دکلی ، بوتون ساحه امل بویله !
بویول ، بوراه سعادت ده — آه قورقیورم ! —
مؤبداً چیقہ جق بر خرابه کسله...

اوت ، نیچون بوکوزل یول سوکنده براوچوروم !

سن اولماسەك ...

سن اولماسەك ... سنى بر لحظه كورمەسەم ياخود ،
بىلىرمىسك نە اولور ؟

سما ، كۈنش ابدىاً قاپانسە ، بلكە وجود
بولىل سرد ايله بر چارە تانس ارار ،
وبولور ؟

فقط او ظلمته ممكنمىدر آليشديرمق
بوتون كۈنشله ، سمالرله بسلەنن روحى ،
بوروح مجروحى ؟ ..

سن اولماسهك... سنى بولمق خيالى اولسه محال ،
ياشارمىم دىرسك ؟
سونر افولكه بر لحظه قائل اولسه خيال ؛
صوغور ، طوڭار ، قىريلير سندن آيريلنجه نظر ؛
نه حزين

كلير حيات اوزمان هم وجوده ، هم روحه !
ياشارمىم سنى غيب ايتسهك آه بن ، قليم ،
بو قلب مضطربم ..؟

سن اولماسهك... بو صميمى بر اعتراف ايسته :
سن اولماسهك ياشامام :
سنگله رابطه من خوش بر ائتلاف ايسته ؛
فقط بو رابطه خاليني روحى ازمكدن ؟..
آقشام

غروبه قارشى دوشوندم سكون ايچنده بونى :
فنا دكل سويشوب آغلامق ، فقط هيئات ،
بكايه دكسه حيات !..

برلکده

برلکده آچلمش ایکی زنبق کبی همسر ،
برلکده کچیردک بوتون آیام شبابی ؛
برلکده نه یاپدقسه شو انسانلغه بگزر ،
برلکده نه کوردکسه مقسی ومنور...

بر خاطره یوقدر او کوزل کونلره شاهد ،
بر خاطره یوقدرکه بوکون موج سحابی
عرض ایلهمه سین روجه هر آن متباعد
بر نشئه که یالکز سکا ، یالکز سکا عائد .

برلکده اولور سه قینه بر پارچه کولومسر
عمرک ، شو کچن عمرمک اقبال خرابی ؛
تذکیر ایله ماضی یی ، — کل ای همد دابر ! —
برلکده او قوردق ، ینه برلکده ، برابر
ختم ایلیم ، کل ، شو غم آلوده کتابی !

عمر مخیل

بر عمر مخیل... هانی کلبنلر ایچنده
بر قوشجغزک عمر بهاریسی قدر خوش ؛
بر عمر مخیل... هانی کوللرده ، یشیل ، بوش
کوللرده ، او صافیت وجد آور ایچنده
بر طالغه جغک عمری قدر زائل ومغفل
بر عمر مخیل !

یا لکز ایکیمز ، برده او : معبوده شعرم ؛
یا لکز ایکیمز ، برده اونک ظل جناحی ؛
خا کیلره بخش ایلیه رک خاک سیاهی
دوشنده بیاض بر بولوتک کوکلره عازم .

ہر سخن حقیقتدن اوزاق ، ہر کسہ مجھول ؛
 ہر صفوت معصومہ نك آغوش ترندہ ،
 ہر لیلہ عشقك متائی سحرندہ
 یالکز ایکیمز صید خیالات ایلہ مشغول .

صوتکدہ کی اشعار پر آہنك ایلہ مالی ،
 شعرمدہ کی ألحان محبتلہ نغمساز ،
 آہ ایستیورم ، کوکلرہ آمادہ پرواز —
 ہر لائنہ آوارہ دہ ہر عمر خیالی...

ہر عمر خیالی... ہانی کلبنلر ایچندہ
 ہر قوشجغزك عمر بہاریسی قدر خوش ؛
 ہر عمر خیالی... ہانی کوللردہ ، یشیل ، ہوش
 کوللردہ ، او صافیت وجد آور ایچندہ
 ہر طالعہ جغك عمری قدر زائل و خالی
 ہر عمر خیالی !

قریزانتهم

شفق آلوده بر حدیقه کبی
نظره کاهمه ده ابتسام ایلر
صاری، فس رنگی، پنبه، سنجابی،
برقوجاق، بریغین شکوفه تر.

قریزانتهم، بوخنده صافه
منقلب کریه یتیم خزان ...
ناف زرینی سرپر اطرافه
آجی برنفعه، برشمیم خزان.

قریزانتهم ، یونامی پک سورم ،
اوکجه دویدم اونک لساندن ؛
بکا مونس بوکون اوخاطره در .

هپ اونک یادر کاریدر کدرم ؛
آچیلیر صوک بهار اولونجه عیان ،
قریزانتهم ایچمده بریاره در !

لیل وداع

اووخ ، کل ... روح طبیعت کبی مخمور و خوش ،
بوو فاسز کیجه نك قویننده
قاله لم بر ابدی ثانیه طالعین ، بیهوش ...
کیم بیلیر ، بلکه ده صوک لیلئه سودا مندر ؛
بونده هر لحظه بر آرز عمر سعادت صاییلیر !

اووخ ، باق طالعه لرك جذبئه صافیتنه ؛
صانکه بر حمله سودایه آچیق بر سیننه .

او قدر را کد و ساکت ، او قدر مستغرق ،
او قدر او یقوده هرشی که همان قورقوله جق .

اووخ ، کل کل ، بوخفا کاهه برابر کیده لم ؛
اورده ، سندز کچه جک کونلری تضمین ایده لم .

برسیاه قوش کبی آماده پرواز وفرار
بووفا سنز کیجه نك قویننده
ایده لم کل ، ابدی قالمق ایچون براصرار ...
کیم بیلیر ، بلکه ده صوگ لحظه سودا مندر ؛
خوش کچن هر دم سودا ابدیت صاییلیر !!

برهجران موقتدن صوکره

ساکن ، صوریوردک بکا : « کریان نه دیمکدر ؟ »
« کریان ... اونی کج ، آکلادم بنده . » دیوردم ؛
انکار ای دیوردم .

طالغین ، صوریوردم سکا : « هجران نه دیمکدر ؟ »
« هجران ... اونی هیچ بیلیمورم اشته . » دیوردک ؛
اصرار ای دیوردک .

انکار ایله . ابهام ایله مغنای حیاتی
سودامری برواحه غفلتمده یاشاتدق ،
بازیچه آمال ایدرک هپ صدماتی
برمهد سراپیده چوجوقلر کبی یاتدق ...

ياتدق ، اويودق ، سودك ، ايناندق ، اويالاندق ؛
 افقك او درين سينه صافنده كي لرزش
 هرکون بزي شفقتله قوجاقلاردی ؛ قارا کلقي
 برزائر مجهول ایدی... هپ نور ونوازش .

چاك ایتدی ، بز أطباق تخیلده اوچارکن ،
 برصدمه باليله حقیقت بوظلالی ؛
 اوکرتدی حیات اُك آجی بردرس ایله بردن
 اُك کریهلی هجرانی ... بوتون حزن لیالی !

آرتق صورهمام بن سکا : « کریان نه دیمکدر ؟ »
 « کریان ... اونی کیچ ، آ کلاتهمام بن : « دییه مزسك ؛
 اصرار ایده مزسك ؛

آرتق صورهمام بن سکا : « هجران نه دیمکدر ؟ »
 هجرانی ، اوت ؛ آه اونی انکار ایده بیلسهم ،
 « بیلم ! « دییه بیلسهم !..

شکوای فراق

بلکه یالکز بر آرز سکون بولورم .
بلکه یالکز کن اشتیاقکزه
آلشیر ، اوپله لکه قور تولوزم ؛
دیه قاتلاندم افتراقکزه .

شیمدی سزدن اوزاق ، خیالده
سونور ذره ذره تاب حیات ؛
مترسب محیط بالده
صانکه یوزیقلق اضطراب حیات ،

داها برلیله فراقك بو
تحفه اشتیاقیدر ، دوشونك ؛
آیریلق بر عذاب ایش ، طوغرو !
بنده طاتدم اوزهری ایشته بوکون .

نصف لیل ایشته... پرأمل نظرم
داها تصویرکزده مستغرق ؛
قارشیدن لال ومنتظر باقارم
اوحزین برکذاره ، آغلایه رق .

گاه بر نفحه ، برنوید وصال
آلمق امید بی قراریله
دو نرم : پنجره مده برلب لال
بکا وضع پراغبراریه

بحث ایدر تا اوزاقده بریردن ،
بو اوزاق لائۀ شبانه ده سز
شیمدی خوابیده سکونت ایکن
بورده ، آلام ایچنده ، بن ودکز

ایکی ییچاره خسته فرقت ،
ایکی ییچاره ، ایشته ایکلیورز...
سنی بیلم ، زواللی طالعه ، فقط
یاشام بر دقیقه بن اونسر !

رسمکی یا پارکن

بیلسهك ییچون اونقظهده قالمشدی آللرم
برلرزش غنیف ایله موقوف و بی توان ؛
بیلسهك ییچون اونقظهده لوح مصورم
برموجه سواد ایله اورتولدی نا کهان ؛

بوزدم ییچون اورسمی ، اوتثال حسنك
سیلدم ییچون بیلیرمیسك ، أشکال صافی؟..
کوکلم بوظلمه قائل اولورمیدی هیچ ، دوشون ،
فکرم ناصل کورردی روا انکسافیکی ؟

ممکن دکلدی منی فقط اضطرارمک ؛
فیرچه‌م دوداقلرکده اولن برتبسمی
تثبیت ایدرکن ، اونده زوال شبامک
بردن کوروندی اک آجی رنک تالمی ...

قارشیکده اعتراف ایدیم ایشه : اک دنی
برانهماک عمرایله خوار ومعذبم ؛
هرکون برآز بوعالمه ربط ایلور بنی
هرکون برآز اولن بو حیات مذذبم !

سکون ایچنده

سکون ایچنده ... شوبرهفته چارپینان ، باغیران
غریو موخش أمواج آغیر آغیر سونهرك
وجود لیلی اویوشدیردی برحضور کران .
دگزده صولغون ، ازیك بربقیه خلجان ؛

هوا آغیر ؛ یورولان برأمل رخاوتی وار
بتون حیات عناصرده ؛ صوك یاغان قارلر
چامورلو قالدیریمك طاشلرنده پك سه یرك
کچن آدیملری سزدیرمیور ؛ درین ، مضطر

براهتر از ايله بعضاً ، بود يكله ن كيجه نك
رکود نائنی ديشليور أنين کلاب ؛
وسيسلي جاملرمك آرقه سنده بن ، بی خواب ،

يارين شو بر کيجه لك افترقه آغلايه جق ،
نشیده املك ننيسیله صاللانهرق
صبحی بکليورم ... کليور ، فقط خائن !

سکون ايچنده ... فقط مضطرب ، آمينم که
طبيعتك ده بويوك برملالی وار بوکيجه ؛
اونك ده حزنی صمیجی ، درین ، خفی ، اينجه ؛

اونك ده ماتمی برطول قادين كه اك مبکی
خجیعه لرله کچن برحياتی نقل ایلر
شاقاقلرنده وقتسز بياضلانان تللر .

اونك ده کوزلری ياشسز دکل ؛ شودالردن
صیزوب دوشن قطراتك سقوط نالانی
بکای حسرتيدر ... ای ندیمه هيجان ،
سن آغلا ؛ بنده بوتون سوزشمه کريه فشان ،

قاپمه بکلهرم ؛ آلت کلير ، صورار : — بونه ؟ — يا ،
بوويله ايشته ، سنک حسرتک ... بوزهری بکا
فراقک آغلتيور ، بسلور بوهرانی
سزاو بلانجه سونوک ، بوش قالان ، اولن بويووا !

فراق و تلاقى

هر ییل بو مدید بوسه لرله
تکرار اولونان وداع ساکن
— قلبده بویوتدیکم کدرله —
بر روز سیاهی توأم ایلر
بر لیل سفید مائمی یه .
آلدانما ، بن آغلام دیسه مده :
قارشیمده خیال روح آنیسک ،
کیرپیکلرمک اوچنده کریه !
لکن صوغودجه لیل حسرت
قلبده طوکار او منبع تر :

آرتق ابدی دفين وحدت ،
 بر تربيه آگدیران کوشه مده
 بکزر طوروشم ، عبوس ومغبر ،
 بر معتكف عدم رفیقه .
 یالکز دم عودتگده ، حیران ،
 سندن سنی صور دینم ، ومونس
 نظره کله ایچمده صانکه طاشدن
 برکتله طوران حیاته بر حس ،
 بر نشئه یاراتدیغک دقیقه ،
 یالکز اوزمان بولحد غمدن
 بر شوق ایله صییریلوب چیقارکن
 حس ایتدیکم اختلاج قلبی
 حس ایلیمه من او شدتیله
 بر معتكف حریصه ربی
 بنخس ایلهمه عرشی جنتیله !

دیکله، روحم...

اینجه ، نازك ، نحیف ، بلکه ده شوخ
بركوزلاك ... ترنماتنده
اویله بر شمه ستم وارکه ،
اوقدر بیکسانه آغلارکه
بو صدای شغف ، بونفحه روح ،
برأذا وار دینیر حیاتنده ...

دیکله ، روحم ، بوروح کریانی !

شیمدی بر موج بوسش نغمات
سوزولوب سینۀ رقیقندن ،
صارپیور لبلرنده پرشعله
برفغان غرامی شفقتله ؛
ینه بر مضطرب آنین حیات
دویولور اُك كوجوك شېقندن ...
دیكله ، روح ، بوروح نالانی !

تازه بر عشق محتضر سسنگ
موجاتنده کشف راز ایدیور ؟
صوت بلوری ، جوی پرصفوت ،
ستر هجرانه بولیور قدرت ؛
ایشته هرذره سنده سینہ سسنگ
عشق نومیدی اهتراز ایدیور ...
دیكله ، روح ، بوزوح عریانی !

پری شِعرمه :

بعضاً سسکده اويله درين بر ايکلتی وار ،
برخداشه وار که روحی قارشیکده تيره تير ؛
هندک زهلی غنجه لرندن نمونه در
بعضاً ياناقلر کده کی محرق پارلتيلر .

برلکده اويله طاتلی زمانلر کچر که روح
ايستر سنکله برأبدی ذوق امتزاج ؛
بعضاً فقط ، — نه در بوفلا کتلی احتیاج ،
بيلم ! — ايدر خیاله هپ ظلمتک سنوح .

کونلر کچرکه پاصلی بولوتلرله قسوتک
برآهنین سپرکی اورتر سماهزی ؛
بن آغلارم بو ثقلتک آلتنده ، بر صیزی
تاقلبمک ایچنده چوقورلر آچار ، درین ...

اُک برکزیده شعری فقط بویله برزمان
الهام ایدرسک ؛ ایشته مکافات محنتک .
مصرك اوشهریارینه بکزرکه طینتک ،
اولدیرمه دجکه ، وصلنی ایتزدی رایکان .

لادانس سرپانتین

نمخور و مزهر ، متلون ، متنور ،
برجر بهاری کبی ظلمت لر ایچندن
ریان تبسم طوغیور ؛ شیمدی معین
برشکل سحابیده ملکار کبی طائر ،
دیرکن متغیر ،
بیك هیئته بردن کیریور ؛ برق خرامی
خطف ایلور انظار هوسدار غرامی .

صنعت صاری ، مور ، پنبه ، یشیل ، قیرمزی ، مائی
ألوان ضیائییه بر قدرت جولان

بخش ایلیه رك ، هپسی پریلرکی مخفی ،
مخفی وسکونتلی آدیملرله شتابان ،

اطرافنی بردن صاریورلر ؛ او ، سمائی
برتوده ازهار مخیل کی لرزان ،
لرزان وپریشان دونیور ... برشب صافی
تنویر ایدیور صانکه بر آویزه رقصان .

بعضاً سوتنه جگمش ، بیتنه جگمش کی ناچار ،
میال تفکر ، متردد ، سوزولورکن
برضربه شهبال ایله برحمله ده ، بردن
تجدید حیات ایلیه رك ، عشق فسونکار
شکلنده بدیدار ،

بیك شعر ایله تهیز ایدیور قلب وخیالی
هرجلوه نازنده سی ، هرجنبش بالی .

بعضاً قوجامان برکله بکدرکه مذهب
پرواز خوشانه سی برلکده سوروکلر
أنظار تماشا کزی ؛ بعضاً ده مطرا
برزنبقه بکزرکه دکلدرد متصور

برمثلی کورمک شوطیعتده ؛ مکوکب ،
تیرازه نما ... هم بوکوزلکله برابر
یاپراقلرینک لرزش مستنده هویدا
برچهره پروعد امل ، چهره دابر .

اُئی سحر نظر پرور صنعت ، متنور
بر فجر بہاری کبی ظلمت لر ایچندن
طوغدک ، ینہ ظلمت لرہ دوندک ؛ اُبدیاً
فکرمدہ سحرخیز اولہ جقدر سکا دائر
برلیل سرائر ؛

برلیل سرائر کہ بوتون شوخ وملون
ککالرلہ ، کونشلرلہ ، اُمللرلہ مزین !..

بیسیت

اوچار ، اوچار کبی قوملر ، چنلر اوستنده ،
کچن شوتازہ قادین بر نمونہ هوسات ؛
آیاقلرنده قاناتلرله صانکه عشق وحیات
اوچار ، اوچار کبی قوملر ، چنلر اوستنده .

مشام زوچه امل لذتنده نشر ایدیور
تن رقیق بهارک ائیرنکھتی ؛
شتابی تیرہ تهرک سینه طراوتی
پیرل پیرل اوچیور ، متصل اوچوب کیدیور .

اوچوب اوچوب کیدیور ؛ صوکره پرغروز و غرام
زمینه رسم ایله برنازلی خط استفهام :
« کوزل دکلی شو حالم ، باقک ؟ » دییور ... پارلاق ،

کوزل ، اوت بو روشلر ، کوزل بوجاذبه لر ،
کوزل ؛ فقط بوتهاک نه در ، دکسه اکر
حیاتی برق اچ آدیم فضله قوشدیروب یورمق ؟..

سوس

ائى نخل مذهب ! كه چيقار برك وبرگدن
 بر صاف ومعتبر
 زهرا به نوشين ؛
 ائى نهر مطلسم ! كه اوچار موجه لرگدن
 اك روح فريب ، اك كوزل ، اك شوخ ومنور
 بر بوسش نقرين .

ائى نغمه رنكيني رباب هوساتك ،
 ائى نغمه سوزان ،
 ائى نغمه مهلك !

أى شیر تری سینۀ بر زخم حیاتک !
أى جام مرصع لب غفلت ! که نمایان
قعر گدۀ مهالك .

أى شعلۀ برقیه ! عکوسکله کولومسر
— مهتابه مائل —
هر تودۀ ظلمت ؛
أى برقع زیبا ! کور و نور پاک و مزهر
زیر خم و تابانده اک آلوده و سافل
سیمای حقیقت .

أى غارۀ سحر هر مپوش ! کوزلسک ،
لکن متغیر
برقیز کبی ، هیهات !
أى موج صفا ! روحه کف افشان املسک ؛
کوستردیکک احلام شغف مغفل و مسکر ،
أى نوم حظوظات !

بر حسن مکمل کبی هر کس سکا عاشق ،
هر کس سکا مجذوب ،
هر کس سکا مشتاق ؛
أى طفل خیالی ! یدلهو کده قادینلق
بیك شکله کیرر ، خیر پالانیر ، عاجز و مغلوب ،
کویا براو یونجاق .

قوش-لرله ، چيچكلرله ، ايجكلرله ياشارسك ؛

ألوان وروايغ

قوت هوسكدر .

مونس ، آچيلان هرلب وآغوشه قوشارسك ؛

باقسهك ، اودوداقلرده كي آواز مدايغ

هپ كندى سسكدر .

أيلرسنى ايما بكا ، اى مرغ هواخواه ،

برلحه بيگاه

عمقنده ليالك ...

بيكلرجه نظر هپ سنى تعقيب ايله كمراه ؛

بيكلرجه سقوطك اوليور باعشى ، آبواه ،

برضربه بالاك !

فرصت یولنده

ایپک آتکلری طرزنده برکوزل قادینک
 «بی تعقیب ایت، آی شکسته حیات!»
 دیه رک
 ج . ش .

من هر بر آنک تعقیب ایدردم : کچدیکم یرلر
 شقایقلرله ، زنبقلرله ، سنبللرله سوسلنمش
 برر کلشندی ؛ هرشی ، هرچیچک بر نازنین جوشش
 ویرر ، هرنفحه مست ایلردی سودانی ؛
 بوتون صافیت مشجر
 اوپوب ، مسعود ، اودامان دلارای
 نم اوقشاردی خولیایمی .

چو جوقلردن چو جوق ، بن پر تهالك بر مسرتله
 قوشاردم هپ اوپيشمدن قاچان رفتاره مستغرق ؛
 اولوردی پايمالم كاه بر كل ، كاه بر زنبق ...
 كيدركن بويله ، عريان بر چو جوق نا كاه
 ناصل بيلم ، نه جرأتله
 آلدن طوتدی ؛ باقدم : بر كوچوك كمراه .

چو جوق طارغین تبسملرله آيرلشدی پيشمدن ؛
 اودم بر سردی محرق بوتون آزهاری صولديردی ،
 چيچكلردن اوچان رنك عدم أنظاری صولديردی :
 كوزم غيب ايتدی دامان دلارامی ...
 او خيرچين طفل عريان تن
 آلوب قاچشدی روحمدن ده سودامی ،
 بوتون اميد وخوليامی !

تصادف

نیچون او چهره یی کورمکله تیره دم بردن ،
او دیده لرده نیچون کیزی بز نگاه آرادم ؟
دکل غرام هوس پرورانه معتادم ،
نیچون او کوزلره دقتله باقدم او یله ایکن ؟..

نیچون ؟ نیچون ؟.. بو « نیچون » لرله شیمدی پرخلجان
دیلمده تیره شیور اک ستملی نالشلر ؛
قباحتم اوکا باققدی ، محترز ، مغبر ،
دوداقلرنده سونرکن بر ایتسام نهان .

بویوز خیاله -- کیتدجه -- هیچ یابانجی دکل ؛
فقط ، یازیق ، اووجود خیالپرورده
تصادفم نه حزین اولدی او یله بر یرده !

سن ای سفالت مشئومه ، ای شب هائل ،
صوغوق صوغوق باقیورسک ؛ اونظره شومک
ناصل ببقوطنه قائل شو حسن معصومک ؟..

ایکنجی تصادف

بوکون اوچهره ده بوش بو نظرله دیکلندم ؛
 دیدیشمه دن کلیوردم غم حیاتله ؛
 دیدم که صوکره : « شو مزعج تأثراتله
 » اوکنده آغلائیویرسه م... و اولماسه م نادم ! »

او صانکه فکرمی بيلمشده احتراز ایدیور
 کیدی ؛ کوزلری یرلرده ، باقه دن کچدی .
 کونش افقده بوخاک سفیله بر ابدی
 وداع ایدر کبی رقتله اهتزاز ایدیور ،

سما بولوتلانیورکن ، اونك جوارمندن
كذارى بویله صوغوق بر یابانجی طوريله
بوتون قرارى كافى كوروندى تعديلہ ...

دیدم که : « ایشته حقیقت بو ، هپ قصوری یالان ؛
« دکل غرام هوسپرورانه معتادم ،
« بو دیده لرده فقط بر نگاه عشق آزادم ! »

صوك تصادف

آجیقلی اولدی بو پک ... بر غریب خواهشله
اوکون تنزهه چیقدم ؛ سما بولوتلو ایدی ؛
ایچمده بیلمه دیکم بر نشاط موحشله
توافق ایتدی قیرک حال کریه پروردی .

یوروردم او یله ، چن تازه ، اورطه لق تنها ؛
اوزاق یاقین بوتون اشیاده بر سکون ملول ؛
لقای حزن طبیعت پر اهتزاربکا ...
کوزلدی طوغروسی : نیسان ایچنده بر ایلول .

اوکده بردن افق صانکه انشقاق ایتدی :
رفیق بر صاریشین کنجه اتکا ایدهرک
اوچکدی : سوسلو ، شطارتلی ، نازلی ، شوخ ، ملک !

أوت ، اوچکدی ، اوهم باقه دن کچوب کیتدی ؛
کونشده ، شیمدی آچلمش افقده خنده نما ،
ایدر کبییدی اوزاقدن بنماه استهزا ...

بوتون بر سرگذشت

حزین بر عقده مشکوکی نشئت حیاتنده :
قارا کلق بر صباوت ، بر شباب خاسر و مردود ؛
بوتون بر عمر مذبحانه قهر و منت آلتنده ؛
بوتون بر سرگذشت منکسر ، بر عمر زهر آلود...

اومسہوف مسرت کونلرک یاد ملالیله
بوکون آپرلیور مینای ابریز سعادتن .
کچر هر آن ذوق باشقه بر ذوقک خیالیله ؛
بوخوش بر انتقام آلتق دیمکدر عمر ذلتدن .

او یلدای سفات شیمدی بر صبح تسلیمار
نه پارلاق خنده لر مقدور ایسه بر صبح آماله
بیریکمش ، باغلامش پیرامن بختنده برهاله .

فقط ، بیلم یچون ، ماضیده مدهش برتعند واره
بوسیمای نشاطك ، ایشته اقصای رفاهنده ،
بوتون برسرگذشت انکسار آغلار نگاهنده .

چرکین

بوروشوق خطلری شیشکین یوزینک
آچیلیر شهبه لی برص-فوتله ؛
کولیور ظن اولونورکن اویله ،
برمحقر باقیشندن کوزینک

ضجرت روحی بوتون فرق اولونور ؛
باشقه هیچ برسیب ذلتی یوق :
اوده هرکس کی ، لکن منفور ؛
آه چرکینلک!.. اوت ، راحتی یوق .

رياب شکسته

نه زمان باقسه بوسفلينه
ڪريلير ايكليه رك أعصابي ،
چالفانير قلب تأثريابي

أك فلاكتلي تصورلرله ؛
توكورر غيظ وتهورلرله
خلقتك چهره صافينه .

پردۀ تسلی

ایشته سکسان یاشنده بر سائل ،
یا شامش کائناتی کورمیه رک .
یا شامش ، موته اولامش قائل ؛
یا شامق آیری ، کورمک آیری دیمک .

متحشد مظاهر ظلمات :
کوز آچلدیقه روح پرده له نیر .
آجی برلوحه شبهه یوق که حیات ،
کورمه مک آک بویوک تسلیدر .

آه ، ای پیر سرسفید حزین ،
سنی کورمکله ایشته آماجیم
ینه برچوق تأثراته... سوین

سنن او ظلمتفرزا تجلییه ؛
ایشته باق ، بنده بنده محتاجیم
او یله بر پرده تسلییه !

بوده برأمل

ایستم برنگاه کریان که
اوچسون ، آواره ، چشم حسرتدن ؛
اوپله بر خنده پریشان که
متوحش لب مسرتدن ؛

ایستم برلسان که تقریری
شعر نازکترنده استادک
کریه انکیز اولان او تأثیری
حائز اولسونده ، قلب ناشادک

بر ادای بدیع رقتله
سویله سین اک آجیقلی حسلرینی .
ایسترم غملی بر شطارتله

بر صولوق چهره ، بر سونوک طالع ؛
برده جانان که حسن آتورینی
ایدهیم سیره طویمه دن ضایع !

أى خواب

نسیم رخاوت نثارکله ، أی خواب ،
طولاش کاسه پرتین سرمده ؛
اویوشسون رحیق سکونکله أعصاب ،
او مزعج یی-لانلرکه زیر ویرمده

طولاشدجه پرزهر و پریچ و پرتاب
آجیر بر طاقم یاره لر هریرمده ...
کورونسون بر آزعکس مخورک ، أی خواب ،
شو هپ آغلامقدن شیدن کوزلرمده .

نادم حیات

مقهور ندامت ، نظرم برلره معطوف ،
پیرامن عزمده خیالات سیهر ؛
معنالی تبسملره معروض و مکدر ،
معنالی سؤالات ایله هر خطوده موقوف ؛
آواره ، طولاشمقدهم أبعاد حیاتی .

ییللرجه تحری درمسدود نجاتی ،
ییللرجه متاعبله مصائبه دوکوشمک ،
کز مکز بو دیکنلکده کرانبار سفالت ،
مسموم ، آجی برزهر ایله مسموم... نهایت
برکل قوپاروب قوقلامه دن طوپراغه دوشمک !

بن بویله می صاندم سنی ، اُی عمر غم آلود ؟
پر تلخیؑ نفر تله کوکل ، نادم بی سود ،
تقدیس ایدیور سایه قهر کده مماتی !

طوپراق

توده بر توده محشر اَسرار ،
اوکا بز جرم بی خبر دیورز ؛
کتله پر کثافت ادوار ،
اوکا بز موطن بشر دیورز .

برایوب شعره استعاره لری
شونی اسمیله یاد ایدک : طوپراق !
بشرك منشأ حیات اثری ؛
بوده بر شعر مظالم و مغلق .

سنی اسمگله سادہ یاد ایتک
بکا یأس فنا ویرر... کرچک
بسلاہین وارمی سندہ حس بقا ؟

بجہ تمثال اسفلیتسک ،
قارہ طوپراق ، مضیق ذلتسک ؛
بندن افسوس بی نہایہ سکا !

نه ایسترم؟

مائی بر کول ، یاننده بر مشجر ؛
مشجرک سینۀ سکوننده
منتثر التماع صاف قر ؛
صوکره بر چوق مناظر خوشتر ،
خلقتک صبح پر فسوننده
خاکه رونق ویرن کوزللكار :
او پرلرله قوقلاشان آزهار ،
او چنلرده اویناشان ارواح ،
او ملون سرود شوخ بهار ،
او معطر مشافهات ریا ح ...

يونلرك اورطه سنده بر لانه ،
بي حذر بر حيات مرغانه .
متجرد بوتون علايقدن ؛
متباعد بوتون حقايقدن ؛
اويله بي غايه ، بي سحر ، بي خواب ،
دائما عيني التذاذ شباب ؛
هپ او آسوده روح ساعتلر ،
او سرآزاده محرميتلر ؛
هپسنك ذروه سنده بر كومه دود ،
صوكره بيتمز بر آسمان كبود ...

بر آن حضور

سیر ایلپورم چشم خیالمله اوزاقیدن
بر کلبه مسعود؛

اوستنده کی فرسوده ، هرمدیده اوجاقدن
یوکسلمه ده بر اینجه دومان ، مائل وممدود .

صافی ، لکهنز قارلرک آلتنده جوانب
محفوف سکونت ؛

برکوی بوسکونته ازلش کی غائب .
هریر بوسکونته هم آرامش جنت ...

بَن سَورمه دهيم شيمدي خيالله بو كويده
بر كويلو حياتي ؛
قارشيمده اوجاقدن سوزولن دود سفيده
قلب اولمه ده هپ ليل حياتك ظلماتي .

یشیل یورت

بهاره بکزه تیلیر بر یشیل سعادتدر
کولومسین اووانک وجه پر غبارنده ؛
کویک ، اویور کبی ، مستغرق سکونتدر
بوتون حیاتی اوفاق بر چایک کنارنده .

اوزاق یاقین بوتون آفاقه نشرایدن صفوت
طبیعتک او صمیمی توکل صافی ؛
شویانده بر میشه — طالعین ، وقور ، پرشفقت ، —
قوجاق-لیور کبی-در قولرله اطرافی .

بو کویده هر کیجه بر قاچ دقیقه مکث ایدرم
اولوب خیاله پیرو سیاحت ایلرکن
دهور مظلّمه نك سینّه ملالنده ؛

و بر دقیقه جق اولسون سکوت ایدوب کدرم
یاواش یاواش دویارم ، بر ایگمتی حالنده ،
قاوال صدالری تار غلیل شعرمدن .

بر مرثیه

هپسی ، اُك بی وفا امللردن
اُك صمیمی تخیلاته قدر،
هپسی قلبمده شیمدی بر مدفن ،
برپناه سکون وحسرت آزار .

هپ او معشوقه لر تراب اولدی ؛
کنجلیک روضه خیالندن
پر هوس طویلامشدم اونلری بن ؛
او گلستان بوتون سراب اولدی .

هېښنك جانشين هجرانی
شیمدی بر توده ظلمت مقبر ؛
آه اولهیدی یاشاتمق امکانی
کچن اقبال عمری... یوق ، مغبر ،

بن او روؤیای شوقه مغبرم ؛
ایسته مم ، کوله سین او چهره بکا ،
متورم لقای استهزا ،
اونی کوردکجه آرتیور کدرم .

اونده بر شیوه تحکم وار :
« سن ، دیتیور ، سن بنم اسپرمسک ؛
« یاشیورسک بنله ، بندن اومار
« نفخه اندساطی هر نفسک... »

هر نفس ، بونله هر نفس دویارم
بو محقر صدای ماضیدن...
وار حیاطده بر تصرف ایدن ،
وارکه بن پنجه سنده مضطرم .

هانی آغوش اعتمادده
اوچ کون اول کولان امید لطیف ؟
اوده محو اولدی ؛ شیمدی یادده
قالان افسرده بر سحاب کشیف .

ايشته اَك صوكره سن ده اَك سِيَلَك ،
 سن ده كيتدك ؛ سنك ده آرځه كدن
 آغلادم ، آغلادم ؛ فقط انسان
 آغلامقن ده قوقيور... مسكين !

آه سن ، سن كه زير بال كده
 بر يшил كوي حياتي صاقلاردك ؛
 شعرمك نخبه مألنده
 سن ، بوتون صفوتكله سن واردك .

نه سر آزاده عمر صافيدى
 كچه جك كولاكه سنده چاملر كك ؛
 سنده قالمشدى منفعل ، قيرغين ،
 مضطرب كوكلك صوك اميدى .

سن ده كيتدك ؛ سنك ده آرځه كدن
 آغلادم ، آغلادم ، خراب اولدم...
 نه اولوردى ، غنوده نسيان ،
 كچه بيلسه يدى بى امل بر آن ،
 ديه بيلسه يدى : « اووخ ، قورتولدم ! »

بريد اميد

كل اى بريد پرستیده ، بر سرودكده
بوكون ملال ونشاطم تقرر ايليه جك ؛
تقرر ايليه جك زفر ف ورو دكده
اميد مسعدتم ، ياس مائتم ، بى شك ...

بو اضطراب ترددله محو اولوردم بن
خيالك اولماسه حا كم حيات خويلامه ؛
تخيلكله سكون بولديتم زمان ، بيلسه ك ،
نه مرده لرله كليرسك حريم رؤيامه .

دوداقلر کده یشیل ، تازه ، نازلی بر یاپراق ،
کلیر سکونله ، قونارسک یاواشجه پنجره مه ؛
دوداقلرمله او برک امیدى بن قاپه رق
صمیم روجه صاقلار ، دیرم که : « اینجمنه ! »

بو بویله قاچ کیجه ، قاچ دفعه در تکرر ایدر ؛
دوداقلر کده کلن مژده لر ، او یاپراق لر
صمیم روجه بسط ایتدی بر حدیقه تر ؛
بولانه شیمدی یشیل ، تازه بر امل صاقلار ...

کل ای برید پرستیده ، بر نگاهکله
بوکون ملال ونشاطم تقرر ایلیه جک ؛
تقرر ایلیه جک رفرف جناحکله
امید مسعدتم ، یأس ماتمم ، بی شک !

مائی دکز

صاف ورا کد... هانی آقشامکی تغیر ، هیجان ؟
بر چوجوق روحی قدر پر نسیان ،
بر چوجوق روحی قدر شیمدی منور ، لکھ سز ،
اویونور مائی دکز .

بن بوتون بر کججه لک جوشش آحزانملہ ،
او خیالات پریشانملہ
متشکی ، لائم ،
قارشیدن صفوت مجورینی سیر ایتہ دہیم...

یوق ، بولانديرماسین آلوده ظلمت بو نظر
روح معصومکی ، ای مائی دکز ؛
آه ، لکن نه ضرر ؛
بن بو کوز لرله مکدر ، عاجز .
سکا باقدجه تسلی بولورم ، آلدانیرم :
مائی بر کوز ألم قلبمه آغلار صانیرم .

خلاق ایچون

شفق ، بولوت ، کیجه ، مهتاب ، ژاله ، غنجه تر ،
سیاه صاچلرک آلتنده برلقای سحر
بهار عشقه مدار طراوت اولسه بیله...

امید ، نشئه ، محبت ، وصال ، عیش و طرب ،
— که آک حقیری اولور اهترار روحه سبب ، —
حیاته روح نثار سعادت اولسه بیله...

طوغان بدايعه بر شاعرڪ خيالنڊن
بو شيلرك برى ممڪنميدر نظير اولق ؟..
چوجوق ، چوجوق... شو مجسم شطارت مطلق
طوتوب قوشار اوخيالك ده شاهبالنڊن !

خلاقك سسى

ترنم ايليور سسك ،
نه سويليور بيليرميسك ؟
دييوركه : « ايشته ليل اولور ، طلوع اولور ، نهار اولور ؛
« شتا كچر ، بهار اولور ؛
« زمين شكوفه زار اولور ؛
« چيچكلكرك طراوتيله پر طراوت شنباب ،
« كزر ، قوشار ، اوچار ، كولر... كولر بوتون ذوى الحيات ؛
« كولر بوتون ترانه لر ،
« كولر هپ آشيانه لر ؛

« بوقار ، بوقیش ، بو سردی هوا که تیره تیر سنی ،
« شو انجماد آتشین که یاقدی روح کلشینی ،
« شو برف پاره لر که طوغروسی اوشو تیمور بنی ...
« اوت ، شو برف دانه لر ،
« نشاطمه بهانه لر ،

« تف حیات بخش آفتابه قارشی بی ثبات ،
« آریر ، آقار ؛ اونگله رشحه یاب فیض اولور تراب ؛
« او فیض ایله بهار اولور ،
« زمین شکوفه زار اولور . »

ملک چوجوق ، باباک سنک سسکه بختیار اولور ؛
ترنم ایلور سسک ،
نه روحسک بیلیرمیسک !

خلوقك بايرامى

باباك دىي-وركه : « مسرت چوجوقلرك ، يال-گىز
چوجوقلرك پايىدر ! ، اى كوزل چوجوق ، دىكله ؛
فقط سوينجكله

نه لر دوشوندير ييورسك ، بيليرميسك ؟ .. باباسز ،
اميدسز ، نه-قدر يا وروچملرك ش-يىمدى
صبح مائمه بىكزر ترانه عىدى !

چىقار اوسوسلرى آرتقى ، سوينديكلك يتيشير ؛

چيقار ، برآزده شو اوکسوز کينسين ، اکلنسين ؛
برآز کوزلنسين
شو روى زرد سڦات ... اوت ، مسرتدر
چوجوقلرک پايي ؛ لکن سنک سوينجکله
سوينيور شويتيم ، آغليور... خلوق ، دیکله !

خلاقه :

« نه در بوطاش ؟ » ديه صورتك اوطومبول اللركك
اوزاتدينى خزف پرغبارى كوستره رك ؛
برابر اكليه لم كل ، اوطاش نه اولسه كرك ؟ ..

أوت ، ملك چوجوغم ، بن اوسنكپاره ايله ،
تخطر ايليورم ايشته ، ييرمى ييل اقدم
اولن قاناريهمه ياپدمدى حجره ماتم .

کتابه سیدی شو خطالر اولحد معصومک ؛
چو جوق ، فقط ینه سندن اَیچِه یاشلی ایدم ؛
قوشم اولنجه ، « بونک برمنزاری اولسه ! » دیدم ...

حصوله کلدی بو طفلانه ، شاعرانه اَمَل :
آچوب شو پنجره نك قارشیدسنده برکوچوجک
منار ، اونعش غریبی کفنله دک ، کومدک .

بهار ایدی ؛ اوکا قوشلر اوقوردی هر شیه لر ،
ایدردی خاکنی هر شب سجابه لر سیراب ،
یاقاردی شمعهُ تربت باشنده بر شبتاب ...

حکایه ایلورم اعتدال دمله بوکون ،
فقط بووقعیه چوق آغلادمدی وقتيله ؛
زواللی قوشجغزم ، خاطرمدنه شیمدی بیله !

« بوطاش نه در ! » دییه صوردک اوطومبول آلرکک
اوزاتدینی خذف پرغباری کوستره رک ؛
برابر اگیله لم کل ، اوطاش نه اولسه کرک ؟ ..

قیرلدی ایشته بوکون بر رقیق کاسه کبی
اوطاشله محفظه خاطرات معصومه م ،
دوکولدی هپ رشحات حیات معصومه م ...

اوطاش مکر اوله جقمش بوشعرمک سبی !

ینه خلوق

سیاه بر کیجه... آلمده بر قیریق تکنه .
باشمده برمتأذی حیات ملعونه ؛
ویروب کورکلره حالا اولانجه قوتمی
یتشمک ایستیورم بر کنار مأمونه .

نیچون ، نیچون ؟ .. بوکا برچوق سبب دوشوندیم بن :
خاییر ، نه مسکنتمدن ، نه عجز ویأسمدن ؛
بوتون بودردمک آسیایی سنده طوپلانیور ،
سن ، آه آی صاریشین طفل ناتوان ، هپ سن !

يارين

« چالیش ، چالیش که یارین بلکه استراحت ایچون
براستفاده ایدرسک بوکونکی سعیکن... »
براستفاده... یارین... بلکه... بن بوالفاظک
تضمن ایتمیکی وعد بعیده آلدانهرق
بوکونکی ذوقی بر محتمل سعادت ایچون
طوتوب خراب ایده جک ؛ صوکره بر چوجوچغزک
آلیله قیردینی قیمتلی بر اویونجاغنه
تحسر ایتمه سی طرزنده کریه بار اوله جق
قدر بیک دکلم ؛ نسخه حیاتک بن
بوکون اوکمه آچلمش طوران شو یاپراغنه

بوکونکی عمر می قید ایتک ایسترم ؛ فردا ،
اوبر جنین کہ بوکوندن تولد ایلیمه من .
ناصل شو حالی آتیہ ایلرم که فدا
کچن شئون حیاتم تجدد ایلیمه من ؟ ..

اوکون دریجه دوشونمش ، فنا یورولشدم ،
و : « بویله بوشیره قوشدیرمه دنسه افکاری
» بوتون حقایق پامال ایدوب عطالتمه
» بر آزده راحتہ باقسهم ! .. « دیمش ، بوسفسطه دن
باشم دونر کی اولشدی ، صانکه سرخوشدم ؛
صیجاقده آیریجه تأثیر ایدوب رخاوتمه
بولوندیم یره بی تاب دوشمک اوزره ایدم
که جوف کوشمه ، پرنشئه ، باشقه براوطه دن
کلوب دوکولدی خلوقک صدای بیداری ...
— خایر ، ملک چوجوغم ، هپ یالاندی سویله دیکم ،
بنم اولانجه حضورم ، سرورم ایشته فدا
چوجوچه ، نازلی ، کوچوک بردقیقه شوقک ایچون ؛
بویور کوزمده سنکله حقیقت فردا :
بوکون چالیشمالیم بن یارینکی ذوقک ایچون .

اینامق احتیاجی

بوتون بوشلق: زمین بوش، آسمان بوش، قلب و وجدان بوش؛
طوتونمق ایسترم، بر نقطه یوق پدش خسارمده .
بوتون بوشلق: دوتر بر هیچی موحش جوارمده ؛
دوتر بینم برابر؛ احتیارم، صانکه بر سرخوش،
دوشر، لغزیده پا، هر ساحة امیده بر کره ...
بویالکزلق، بو بر غربت که بکزر غربت قبره ؛
اینامق... ایشته بر آغوش روحانی او غربتده .

قارا کلک: هر طرف هر شی قارا کلک، بر حزین یلدا!
قارا کلک: فهم و دانش، عقل و استخراج هپ مظلم؛

بوتون روحده مزعج بر جمادیت اولور نائم ،
کشافدن عبارت بر تجلی عرض اُشیا ،
حقیقت ظاهر اولماز دیدۀ ادرا که بر ذره ...
بو وهم آلود بر ظلمت که بکزر ظلمت قبره ؛
اینامق ... ایشته بر شهره نورانی او ظلمتده .

صباح اذاننده

الله اكبر... الله اكبر...
بر صمت علوی : كویا طبیعت
خاموش خاموش ایلر عبادت .

الله اكبر... الله اكبر...
بر صمت نالان : كویا عوالم
پنهان و پیدا ، نوار و مظلم ؛
ایتمکده ذکر خلاق دائم .

الله اکبر... الله اکبر...
بر صمت علوی : قلب طبیعت ،
بر صمت نالان : روح عوالم
ایتمکده ذکر خلاق دائم ،
ایتمکده رعشان رعشان عبادت .

رمضان

تاچو جو قلندہ ماہ غفرانک
شویله برلوحہ مطہرہ
بکا منظور اولوردی تمنائی :

ایچی صمت و سکون ایله مالی
اولو برمعبد منورده
نظر التفاتی مولانک

منعطف سایه کاه منبرده
بروجود نحیف و بی تابه ،
که ضراعتله سر بخاک سجود ؛

لب خاموشی لرزه ناک درود ؛
او یله ، بیکانه راحت و خوابه ،
بر امید جنانه پرورده ؛

متصل ذکر ایدر ، عبادت ایدر ؛
بیک خشوع و خلوص و حرمتله
هر سجودنده چشم حقیننی ،

صییروب پرده پرده ظلمتی
سرمدی بر صفای رؤیتله
سیر فردوس محرمیت ایدر .

گاه پر جذبۀ تماشادر ،
اوزمان صانکه عرش یزدانی
کورر أنظار کریه باریله ،

کوسترر دست سبجه داریلله ،
کوسترر برلقای خندانی :
یو کولن عید نشوه بنشادر .

صباح عید

افقده ایشته ضیاصاچلی بریغین دلبر
سرمنهر طفلانه قایناشیر مسرور؛
اونازلی صاچلره کلبوسه لر نثار آیلر
بولوتلرک آره سندن شکفته برلب نور.

کونش او یور داها آغوش فجر اولده؛
بویوک کوچوک بوتون اولرده خلق هپ بیدار.
بر اختلاج مسرتله شیمدی هپ بلده
ایدر چوجوق کبی شوریده نشئه لر اظهار...

طاوول بونشته لړك حمل مطنطنيدر ؛
لباس نوله بزغمش قوافل صبيان
آقین آقین دو کولور هپ ره شطارتنه .

صباح عید ، اومبارك فرشته خندان
چيقوب شفقدن اوچارکن حریم عصمتنه
فم طبیعتہ برقند ابتسام اوزاتیر .

شهيد لکده

دو کولدی صوڪ قطرات ثمينه رحمت ؛
کونش غروب ايدييور پنبه ، مائي ، ليلاق
ظلال ايچنده ، کوزل برقادين وقاريله ؛
افقده پارچه لانان ، ييرتيلان بولوتلردن
زمينه سرپيليور برأثير صافيت ؛
اوکده کوکسو ، يشيل سطح بي قراريله ،
بياض کوپوک دوکه رک نازلي نازلي طالغه لانان
دگژده بر لب شفقت ، برانجذاب آرييور ...
شوآنده بللی که هرير سکون و خواب آرييور .

سکون و خواب : ازلی احتياج فانیت !
 نوشته جبهه حزنده بر « هوالباق » ،
 بواحتياج فناك شوطاش نشانه سیدر ؛
 شو سرولر متحاشی برر طلاقتله
 او قور کچنلره عائد مناقب عبرت ؛
 شوساده مقبره بش عصرک آشیانه سیدر .
 بو آشیانه ده بن شیمدی ، بار خشیته
 شکسته ، ایتمه ده یم کولکه لردن استمداد :
 کچر ، کچر نظرمدن قوافل أجداد .

جوار او یور کبی ؛ أصرار ایچنده عکس اییدیور
 کوچوک ، عجول ایکی اوچ لمعه قارشی ساحلدن ؛
 کونش کمین افولنده پارلیوب سونه رک
 فضا ده کوسترییور خنده لر ، تره لر ؛
 کبود بحری بیاض تکنه لر یاروب کیدیور ؛
 سکوت ایچنده قالان کائناته برتیره رک
 أذان صداسی بوتون صفوتیله وجد آور ؛
 آغیر آغیر سر أشجاری اورتیور ظلمات ،
 بولوتلریله سما شیمدی برردای ممات .

ایزکن أرضه بوموحش ردا ، لقای قمر
 وقور آغاچلرک اوستندن اولدی غمزه فکن ؛

بِرر جناحه ممائل طوران اوفیستقلر
اولوب تزامم أنواره جابجا حائل ،
قورولدی قارشیمه برطاق شعله دار ظفر .
دهمین خیالی توحیش ایدن قارا کلقلر
بولوجه نك لمعاتيله منکسر ، زائل ...
قمر بولوتلرک آلتندن ايله دجه ظهور
عیازاردی صفحه أمواجه برقصیده نور .

عسکر چکر کن


تقارہ اوکدہ ، • برمتحرک جبل کی
کچمکدہ ذی وقار و طرب موکب ظفر ؛
سانجاق اورنک آل ایله فجر ازل کی
فرق مہابتندہ صاچار موجہ موجہ فر •

ہرکس ، بویوک کوچوک ، بیریکیر رھکذارینہ
برانجذاب روح ایله ، پرشوق واحترام ؛
کوزلر طالار کذارش سطوتمدارینہ ،
ایشار ایدر قدومنه ہر نظرہ برسلام •

طورماز یورور کتیۂ رخشان مفخرت ؛
ہر لحظہ برنمائش خندان مفخرت
یوزلردہ ، سونکولردہ ، قبلیجلردہ برق اورر ۔

قالماز غنودہ کچدیکی یرلردہ جس شان ؛
بعضاً طورر سلامنہ برقیشلہ ، ناکہان
برسیف آمرانہ پارلدار : — سلام طور !

قىلىچ

چكىچ آلتىندە محقر ازیلیر  و نلرجه
برچلىك پارچه سی بر تیغ مهیب اولق ایچون ؛
صوکره یاتمقله کچر عمری نیامنده بوتون ؛
نه حزین اشکنجه !

اوچلىك پارچه سی برکون براهمیت آلیر ،
قوجه بر قومك اولور حارس استقلالی ؛
قوجه بر مملکتك عرضی ، حیاتی ، مالی
اوکا وابسته قالیر .

اوزمان ، ای اُبدی حامیٔ شان اُقوام ،
اوزمان سن ید قهار حمیتده عیان
اوله رق اهل تعدی یه ویررسک خسران ؛
اوزمان اُک ناکام

قلبه شوقکله کلیر نشئه لی برحس فلاح ؛
سکا باقدجّه فخورانه پارلدار کوزلر ،
سکا اُی سیف مجلا ، سکا اُی برق ظفر ،
سکا اُی شانلی سلاح !

کویک مزار لغنده

یوتون مزار لغه سینم شدی بر طراوت لال ؛
ایشیتدم ایگله دی ، — بن کوزلرمله دیکلر کن
سکون موقی ، آزاده فکر حکمتدن ؛ —
ایچمده شبهه لی برسسه ناکهان شوسؤال :

« نه در حقیقی ، آی سرأ کبر مسجود ،
« او یانده قوص قوجه برکاتات حس و شهود
« قالوب ، امید بلب ، قطره جوی احسانک

« ذليل ، تيتره شيور کن در جلالکده ؛
« بوسنکزاره يشيل برسحابه حالنده
« ياغار ياغار متمادی أثیر غفرانک ؟ .. »

جواب آلیر کبی اولدم ، ایچمده عینی صدا
تکرر ایتدی : « یارین سنده بر آووج طوپراق
« کشافتيله کلیرسک بوسایه کاهه ، براق
« أثیر فیضنی دوکسون الی الابد مولا ! »

تشریک ملال

روح چو جوق کبیدی سرآزاده ، بی خبر ؛
قصری بشاشتندہ لقای طبیعتک
بر منبع لطیف تسلی بولوب کولر ،
ہریانده عکس شوقنی دیکردی ، مطمئن .

بر کون بو طفل بی خبرک قلب صافنه
بر نقطۂ سیاه آلم دوشندی بغتہ ؛
باقدم اوجیہ سحرک انکسافنه
بر لوحہ سیر ایدر کی لاقید و خندہ زن .

لکن اودوره کچدی ؛ بوکون هر سعادتك
بن ماتم سقوطنی طوتقدیم، فغان !
حتی سنك سعادتكك ، سوکیلم ، اینان ،

حتی سنك سعادتكك ، آ کلیورمیسك ؟
آه ، آی مداری بنده ملال و مسرتك ،
ایتدکی زخم قلبی حس ، آغلیورمیسك ؟..

قهقهه یأس

باد نالان خزان کریه لی ایصلیققرله
اوتیور چارپینه رق جاملره خیرچین خیرچین ؛
اوتقاسای خروشانله ، اوچیغلیققرله
طالغهر برجانوار صانکه قودورمش ، چیلغین ...

باشقه سس یوق، بوتون أبعاد سکون پرورلیل
هپ اونک عکس خروشیله غریق وایل ؛
هپ قارا کلق... بوتلاطمکه باران وظلام
ایدیور قلبه قارا کلق ، آجی شیر الهام :

صانکه دنیا باته جق ، صانکه قیامت... هیئات ،
بو یله هپ قورقولو رؤیا طولودر خواب حیات !

صوکره بر موج تبسم ، اوفاجق بر لعان
ایتدیرر لیلۀ روحده سحرلر غلیان ...

چارپین ، آی بادخزان جاملره ، خیرچین خیرچین ،
برحقارتلی سکوت ایشته هپ ایصلیقلا رکه ؛
قودور ، آی لجۀ ظلمت ، مهوور چیلغین ،
کولرم قهقهه یأس ایله چیغلیقلرکه !

بودا

بویوک حقیقته بروجد پرتها لکله
قوشاردی ، کوزلری افقک خفای صافنده ،
قوشار کیدردی هپ عادتلرک خلافنده ؛
بوتون صنوف اونى اتهام ایدردی کورلکله .

بوکور ظلام دها پرورنده برغارک
بویوک حقیقتی ییللرجه اکتناه ایدهرک ،
اونکله یوزیوزه ییللرجه اشتباه ایدهرک ،
صوکنده کوردی نه در سری هپ بوأسرارک .

بوتون شکوک اوزمان قارشيسنده ده وريلدی ،
عیون غیظی قاماشدیردی هپ اوکورلکله ؛
قوشان صداسنه اک مطمئن تهرالکله
صایقلیور دیه تزییف ایدن آسافلدی !

قطبه طوغرو

«اوکنده بر متباعد سمای برف آلود ،
پینده بر مدنیت که معترض و حسود ؛
یورو : سکوت عدم ، طور : صغیر استهزا ...
بوتون بوقهره مقابل نه در اولان موعود ؟

جهان فنده بویوک برشرف ، بویوک برشان ؛
اوت ، یارین دییه جکیر که : « دویدیکز می ، فلان
« فراز قطبه صعود آیله مش ؛ بواسطه
« نصیبی اولمادی عالمده کیمسه نك ألان ... »

— نه بوش طمع! بوتهاك روامی شهرت ایچون ؟
— کلیرمی عالمه انسان یا ساده راحت ایچون ،
آرأعه دن بولونورمی دفينه آمال ؟..

« شوکهنه حکمته باق ! » دیرسکنز ؛ فقط انصاف ،
بوکهنه حکمتی نانسهن ایدهدی استخفاف
فرام بوکون نه اولوردی ؟.. برأحتمال محال .

زوالی «اوت»

«اوت، مخاطبكم فكرى پاك مصرحدى :
« او مغلقات خياليه دن نه آكلاشيلير ؟
« مالى يوق ، ينه آتاربركزيده آدى ؛
« شو حال جهلنه ارباب فكرتك شاشيلير !

« نه در بوسزده كي عشق تجدد و ايجاد ،
« نه كورديكز غزلياتدن ، قصايددن ؟ .. »
« دييور ، وقوص قوجه بردفتر نشايددن
« نمونه لر او قويوب ايليوردي استشهاد .

بم اودم كليوردی صماخ دقتمه
صفالی عكسی كې كیزی بر مشاعره نك
حزین ترانه بلوری بر كوچوك دردنك .

بونكله حكم ايدك ايسه ترسه كز غرابته :
اوبوش لاقير ديلری ديكله دم ده برمدت ،
صوكنده بويغی بوكدم ، ديدم كه : « اويله ، اوت ! »

رفیبه

برنده حسن طبیعی شفقنثار غرور ،
بدیعه زار تجلیسی نور ایجادك ؛
لطیف لكنتی بر طفل خنده معتادك
ویرر لسانه پاك طاتلی بر آدای وقور .

برنده أسکی بر آفته حالیدر منظور ،
طورر سوادى جبینده کهنه بر یادك ؛
قصیح غلطی بر سخره کار استادك
اولور دهان قدیدنده نکته زای ظهور .

کوزل چوجوق ، اوکوزل بردهمت طاقوب قولنه ،
بلا عدول وتوقف دوام ایدر یولنه ؛
أدبله منعطف أنظاری دائماً یوقاری ...

دوشرمی هیچ اوکا همپا اولوش بوفرتوته ،
ناصل رقابت ایدر کولکه نور لاهوته ؟
ته در صرامی ، ته ایستر اوتازه دن بوقاری ؟..

شاعر ك چبوغی

- قهقهه شعریه -

بورام بورام چبوغندن قوپان دومانلرله
دوکر دوداقلرینک اهتزاز خندان
زمین صنعته بر اینجه نکته بارانی ...

بورام بورام چبوغندن جوشان دومانلرله
بونکته لر ازی ارتباطی جائزدر ،
بونکته لر اودومانلر صایله جائزدر !

باقک ناصل توتیور : بر عمود موجه نمود
آغیر آغیر چیقیور جو بی تناهییه ،
تماس ایدوب کولیور برامید واهییه .

بولوتلرك لب صافنده بلكه شوق آلود
بر ابتسام آرييور ، بلكه برملا آرييور ؛
خاير ، نزول ايده جك ذروء خيال آرييور .

باقك ناصل توتيور : شيمدى برشطارته
بولوتلرك اوچهرق سينه صفا سندن
كچر كيدر قرك پيشن اعتلا سندن ...

زواللى شاعر خوليا گرفته ، حيرته
اونك پيننده كزر فكري هپ سحابه لرى ؛
سقوط فكرينى حاكيدر اك كوزل اثرى .

بورام بورام چبوغندن چيقان دومانلردن
خيالى مشق صعود ايلر ، انبساط ايدهرك ؛
محال اولور ، او قدر يوكسليركه ، فرق ايتك .

بورام بورام چبوغندن اوچان دومانلردن
طوغار فحاوى اشعارى ، ارتجاليدر ؛
كورن صائيركه سنوحاى هپ معاليدر !!

بویوک ا کرامیه

قازانغش مرغزته محری لسانندن :

شیمدی آرتق حیاتی آ کلیورم ...
أسکیدن هر باقیشده کوزلر مه
آتشین بر قارارتی عکس آیلر :
« ایشته ، دیردم ، بو : ایشته عمر بشر
« سن بو ظلمتده بویله چارپینه رق
« بیتیه جکسک ، زواللی جسم ذلیل !
« سن بو ظلمتده بویله مستغرق ،
« عینی بر طور به ، بریغین طوپراق ؛
« او یله طوپراق که آچ ، صوسز ، جانسز ... »

اووخ ! باق شیمدی ، شیمدی پایانسز
 بر مسرتله ، ایشته مسرورم !
 شیمدی پیمانئه سعادتک
 نشئه سندن بر آرز امان بوله رق ،
 چهره کائناته ، ثروتمک
 مبتسم کوزلریله باقدیقه ،
 کولیور پدش انشراحده
 صاریشین برجھان حب و نشاط ؛
 صاریشین ... آه ، شیمدی هرشیده
 بوصیجاق لون محتشم ظاهر ؛
 بر مذهب پری حکایه سیدر
 دویدینم هرصدای نازنده .
 صاریشین ... طبق لیل خولیانک
 بنی مسحور ایدن نستاره لری ؛
 صاریشین طبق جرنیسانک
 متنور سحائب کهری ؛
 صاریشین هرچیچک بوجنتده .
 صانکه بردست پر مهارنده
 اوفالانمش ییغینله نور و ذهب ،
 صوکره اطرافه پوسکوراش هپ .
 اووخ ! باق شیمدی آکلیور کیم
 کائناتک لزوم خلقتی ،
 کیجه نک ، کوندوزک حقیقتی .

نهیدی اولکی حال منکسرم ؟
 یاری آچ بر حیات پر خلیجان ؛
 کوندوزین دایما خراب تعب ،
 کیجه بر میتانه خواب تعب
 که بولور اضطراب ایله پایان ...
 بوکا قاتلانمشم ، باقک ، اوزمان !
 شیمدی حتی اینامیور فکرم ،
 او قدر قهر اولور می هیچ انسان ؟ ..

آه ! بردن شو انقلاب نصیب
 بکا سودیردی کائناتی بوتون ؛
 هانی اولکی بن ، او مرد غریب ؟
 بوله بیلسهم او سرسری بی بوکون
 بر آووج آلتون ایلویوب احسان :
 « هایدی کیت ، دیردم ، آلویور خسران ! »

صاحب مالکانه ثروت ؛
 قعر پیغوله شکوهمده ،
 بن اُمینم که شیمدی هر کسدن
 — هپ او اولکی فقره محسوباً —
 کله جک بر هدیه حرمت .

پاره ... ای شمسپاره آمال ،
 ای کوزل معدن ... اووخ ، ای لبریز

کیسه شعله‌رنک خرا میز ،
 کولیور کل یوزکده استقبال !
 نه بویوک بر دلیل قدرتسک ،
 رهبر طالع سعادتسک ،
 جاذب ایتسام شهرتسک ،
 اُک مشعشع تضاد عبرتسک !
 سکا اعلان غیظ ایدرده ینه
 بشریت قوشار ، کلیر سسکه .
 اُی معزز ملیکه هوسات ،
 زیر پای شهامتکده حیات ؛
 شکر و منت برر شرفخواهک ،
 سرفرولر نتار شهراهِک !
 آچیلیر ایله نیجه سن ابرام
 اُک قوی ، اُک کزیده باب صرام .
 قاپیلان نجه تعدیکه
 آغلا سین کندی ضعف و ذلتنه ...

پاره — دیرلرکه — عقاله رهزندر ؛
 نجه هیچ شبهه یوق که سندندر ،
 اُی کوزل جوهر فسونپرور ،
 روحی أجساده باغلایان تللر .

وارسه حتی بشرده بروجدان ،
 یا کوموشدندز او یا آلتوندن !

پاره و حیات

«بوچوق کوزل، باقکمز؛ چوق کوزل بو، چوق زنکین...»
و، بر بیک کبی، صیرتنده سوسلو برپه لهرین
آغیر آغیر دونیور قارشیکزده؛ سز باقیور،
بکندیکزسه کوزل، یوقسه هیچ صیقلمیه رق
«خایر، فنا!» دیه رد ایلورسکمز... برحق؛
بو حق سزک کیسه گزدن پاریل پاریل آقیور!

پاریل، پاریل... بزه هر حق بخش ایدن بودنی،
بومفترس، بوملوث پاریلتی!.. ایشته غنی،

فقیر ، اوکا ، ہرکس اونک شامتلہ
تصدق ایتدیکی اقبالہ مفتقر ، مشتاق .
زواللی قیز ، سنی قارشیمده دوندورن ده او باق ،
او ، ہپ او ، ہپ اوملوٹ ، اومفترس کتلہ !

برآز امید

بر آز حیات و خرازت شو جسم سنگینه ،
بر آز چیچك شو حزين قبر و حشت آکینه ؛
ایچم سعادتیه اصلا اینامق ایسته میور ،
بر آز آلم شو طوطوق روح و قلبی تسخینه !

حیات ایچون چکیلن هر عذاب دورادور
براحتساس مرار تله ویردی نفسیه فتور ؛
طورر صوغوق ایکی نعلش رمیده حالنده
فضای تار خیالنده شیمدی قهر و سرور ...

بر آرز بولیلہ سرمایہ شعلہ خورشید ،
بر آرز بوساغر متروکہ نشوۂ تجدد ؛
محیط-مک بنی یکپارہ سنک خارہ کبی
صیقوب اُرتدیکی دملر... بر آرز مجال امید !:

خندۀ بوم

متهالك ، صموت بر محشر ...
نازل اولمش اديم ارضه قمر ؛
طويلانوب سير ايچون بوتون كشور ،
ايدىيورلر بويوك كوچوك ، مبهوت ،
قارشيدن احتراز ايچنده سكوت .
كوندوزين بويله ظلمت يلدا ،
صوكره طوپراقده ماه عرش آرا ،
بوتون اذهانه بر كسل ويرiyor ؛
هپسى پارماقلىله كوسترييور

څو ياتان ڪتله منوره يي ،
 قوملر اوستنده موج اوران دره يي ،
 كه اونك خون شعله پروريدر ؛
 صوريورلر : « كيملك بوايش ، بوسحر ؟
 » هانكي سحار معجزك بو فسون ؟
 » هانكي هاروت اولوب عجيبه نمون
 » آيله مش قبه سمايي نكون ،
 » بدری پای ترابه اينديرمش ؟ .. »
 نا كهان برطراقة موخش
 صارصيور هپ قلوب حضاري ؛
 قرك صفحه ضيا باري
 بر مقسى دومانله اورتوليور .
 تا اوزاقلرده بر صدا ڪوليور ؛
 بر صدا ، بر صدا كه رعد افشان ،
 ويريور خا كه لرزش هيچان ؛
 بوني دهشتله آيليور تعقيب
 برخروش خموش ديو ژيان ...
 صوكره هريانده برسكون مهيب ؛
 اودومانلر ، او جويبار لهيب ،
 هپسى برآن ايچنده محو اوليور ؛
 اوزمان صانكه اورطهلق صولويور .
 بو تنفسله پارلايان كوزلر
 باقيورلر ڪه يوق يرنده قمر .

شیمدی قوملرده بریغین حشرات ،
 یجه بیک آنکریک ، چییان ، عقرب ،
 — هپسی مشبوع زهر قهر و غضب ، —
 ایدیور جستجو غدای حیات ...

بوخیالات ایچنده بن مشغول ،
 صانکه جداً اوخارقات عقول
 کلیورمش بوتون وجوده کی
 تیریوردم ، که بغته عصبی
 برکولوش ، برمدید صیحه شوم
 باش اوچدن زمینه عکس ایتدی ؛
 صوکره بر بوم بدلقا ، مشئوم
 چیرپنیشلرله یوکسلوب کیتدی ...

تمثال جهالت

مرکز ایدی لیلک نظر خدشه نثاری
آفاق شهوده ؛
اولشیدی بوتون لعه لرك معكس تاری
أمواج غنوده .

برصمت سیهرنك ايله مشبوع خیالات ،
طاغیر دره لر صانكه برر محفل أموات ؛
یا لکز قوجه بر فم ،
بر طاغ كبی آدم
دیکمش نظر غیظنی ، بی خوف ومبالات ،
ایلردی او بوش عالمه ایراد مقالات ...

کوکرر ، باغیرر ؛ طاغله چارپارده صداسی
بی فائده ، ایلردی بوتون کندینه عودت ؛
آبلاق یوزینک حیه جاروب نماسی
أنظار تماشایه ویروب ثقلت و وحشت ،

تیره ردی جوارنده کی ، پیشنده کی آشیا
نطقندن اوچان زهر برودتله ؛ اوحالا
پر جرأت و نفوت
ایلردی خطابت ؛
أشعار و فنون هپ او دوداقلرده مهیا
چرکاب تعرضدن ایدرلردی تحاشا ...

انسانلغی محتاج ایدی شایان تفکر
بیکارجه کواحه ؛
آتمشیدی بو منظر بنی همرنک تنفر
برخوف سیاهه !

هیکل سعی

شواهدن قوپان برخنده شارقله ظلمتلر
پریشان بر بولوت حالنده تیررکن بوادیده ،
درین ، غرنده عکس صولتیه رعد هول آور
قیملدار برسیاه اژدر کبی آغوش وادیده .

بوتون آفاق استیعب ایدن بوشلقده نالشزن
خیالتر کزر ، هپ بربرندن خوار و مستثقل ؛
بوموحش ، مفترس هنکامه ظلمتمده برهیکل
باقار ، لاقید وعلوی ، برستون آهن اوستندن .

سکون ای رعد و برق ، ای صرصر حرص وأمل ، ای شان!
یوتون آبنا ی خلقت اک مطمئن بر مذلتله
بولورکن هر کوچوک نفخه کده بر ماتم ویا بر سور ،

شو علوی ساعی بی خواب و راحت ایشته غیظ افشان
طوررقار شیکده ، — هرشیدن اوزاق ، هر نشئه دن مهجور ، —
اکیلیمک بیلمین بر جبهه مغرور صنعتله !

صوك نغمه

نوأمل بر چوجوق عناديله
شو و آتلمش ، قيريق ربامدن
برسرود ايستهك... پكي ، ديكله :
ديكله تار شكسته روحى ،
ديكله شكوايى روح مجروحى ؛
فقط اينجمنه اكرامدن .

ضربان سقوطينى بر درهك
جوف پرنالاش خزاننده
نه حزين عكس ايدرسه مشجرهك ،

عینی رقتله ، خاسر ومبهوت ،
دویولور شیمدی برأنین سقوٹ
شعرمک لرزش بیاننده .

ترده اولکی شوق بیدارم ،
ترده اولکی نغمه هوسات ؟
شیمدی بر مرده خواب افکارم ...
سویله ، ای طفل پر امل ، کرچک
صانیورمیدک اهتراز ایده جک
اولو بر تلده بر سرود حیات ؟

خداوند و فرزندان

حيات

بو کون حياتی مسلسل بر احتیاج سیاه ،
بو کون سعادت غافل بر اشتیاق تباہ ،
بو کون تنفسی یورغون ، قدید برسورو « آه ! »
اولان بو جمعیت ؛

بو کون زهرلرینک قعر نشئه سنده یوزن ،
بو کون طوغان چو جوغندن ترانه بکلر کن
فغان دویان بشریت ، بو نخبه خلقت ،

نہ در بیلیر میسک ، او غلم ؟ .. او گکده حارہ لہ نن
شو مائی صفحہ یہ باق ؛ شیمدی آنسزین سنی بن

طوتوب ده فيرلاتيوييرسه م اونك دريندكنه ،
 دوشون بر آزنه اولور؟.. قورقو بيلمه سه كده ، ينه
 تحمل ايليه من ، چيرپينيرسك ، آغلارسك ؛
 زواللي قوللركك حكيم يوق كه قورتارسين !
 او مائي شي سني يوتدجه حايقيرر ، باغيرر ،
 فقط خلاص اوله مازسك ؛ اوموزلر كدن آغير ،
 خشين ، ده مير ايكي آل متصل ايتوب زده لر ؛
 وچاره يوق اينه جكسك... بو ايشته عمر بشر .

خاير ، بوزهرمه سن وارث اولما ، اولادم ؛
 يارين ، اميد ايد يورلر كه ، بر كنيشجه آديم ،
 بر آتلايش ، — نه ديورلردى پك ده آ كلامدم ، —
 حياتي قورتاره جق ؛

بشر ، بو شيمدى معذب سوزوكله نن مفلوج ،
 آديم آديم ايدجك ذروء خلاصه عروج ...
 اينان ، خلوق ، ازلى بر شفادر آلدانمق !

— ۷ حزيران ، ۱۳۱۷ —

قوجامان ساعته :

هرثانيه بر خطوه رقصيه كه پامال
اولو بر ساحه آمال ؛
جبهه كده اويور ايزلري پر خاطره ، يورغون ،
هيچ بلكه مين ، هپ يوروين پاي شئونك .

ايلر ايكي آنكشت درشتك بزه ايمان
آتيده ، اوغي ساي سرائرده مهيا
كرداب تباهي نه دوشن سيل رواني ،
بوتون اعمار جهاني .

ایکله ، چیقورمش کې أعماق زمیندن ،
هر ساعتی بر خرخره محضرانهك ؛
واقعی ایچك صایدیك اكدار حیاته ؟

هر چینلایشك بر آجی ، بر صدمه مشغوم ؛
یا لكز بری ، صوك ضربه تسلی ، اوده معدوم :
بیك ماته بر سور ، اوده پیوسنه مماته .

— ۲۰ شباط، ۱۳۱۷ —

ایزلو

-- حریت یوننده --

یوروردم بر آاز کوچ ، بر آاز بی حضور
دیکنلک ، چتین ، طاشلی بر ساحه دن ؛
اوگم بر یوقوش ، هپ چاقیل ، هپ دیکن ؛
یوروردم فقط بن معند ، صبور .

بو یول بویله صاعدی بر منبره ؛
جوانب مهابتلی بر مقبره ،
فزا سنده آل بر کونش میتسمدی ...

مبشر آدیملرله ایتدم مرور
دهمین مضطرب کچدیکم ساحه دن ؛
یولم عینی شی : هپ چاقیل ، هپ دیکن ؛
یوروردم فقط بن مبشر ، وقور .

کچردم باصوب بر طاقم ایزلره ؛
ایکیلدم ، بر آزدوت ایتدم یزه :
او ایزلر بنم ، هپ بنم ایزلرمدی .

— ۲۱ شباط ، ۱۳۱۷ —

دون کيجه

ساحل ظلام ايچنده ؛ طوڭوق بر پارلتی وار
يالکيز شو برقايچ اوده بر آزدن سينر ، باتار
اونلرده ، هپ قارا کلق اولور ؛ بر قالين نقاب
اورتر برر برر

کوندوز حياتنک بوتون اوساخني... بشر
بيلم که هانکي سينه سندن ايدوب حجاب ،
ظلمتله پرده لر اولقاي سياهني ...

سن ، أي سمايه معکس ريان اولان ده کيز ،
قانرله لاشه لرله بولانماز مياهيکی

كوندهر، شو پاصلى چهره يى سيلسين ؛ بر آز تميز
بر يوزله ناكه بر ايكي كون سوسله نوب حيات ،
ايكرنمز آدم اوغلنى كوردكجه كائات .

كوندهر ، شو طالغه لر ييقاسين شين خلقي ...
لكن خاير ، سنك نه امورك ؟ بو خدمتى
سندن نه حقله بكليورم ؟.. سن ، كوزل ده كيز ،
حسسر ، وظيفه سر ،

هر كونكى انشراحه طال ؛ چيرپين ، اوينا ، آق ؛
صافى كوپوكلك ، او ايپك صاچلك ، براق ،
صارسين خيال وروحي ؛ صارلسين ، قوجاقلاسين
خوليلى عشق وصنعتى زمره قاناتلرك !

بعضاً بو محتشم كيجه لر ، سن درين درين
باشلارسك اهترازكه بر ارغنون كي ؛
بردن جواني

انطاق ايدوب صدا ، دويولور كيزلى بر آنين .

ساحل غنوده كتله ديچور ، افق عبوس ؛
كوك پرسحاب وظل ، اوكا سن مهبط عكوس ...

ڪرکين قاناتلزيه معظم برر عقاب
 تجسيم ايدن بولوتلر اومواج وپر شـتاب
 سطحکده پارچه پارچه يوزر ، تيدتره شير ، سونر ؛
 کوکلم صانير : امللري... علوی ، کشاده پر ،
 مغرور ، عظيم امللري قلب حميتك
 پيشنده اتحـار ايديـور ظلم وذلـتک !

— قايالر : ۱۲ حـزيران ، ۱۳۲۴ —

صبح اولورسه.....

بومملکتهده برکون صباح اولورسه ، خلوک ،
اَکر بو مملکتک سیهله ن شو ناصیه -
مقدراتی قوی برألك قوی ، محي
بر اهتزاز تماسیله سیلکینوب شو طوئوق ،
شو یاصلی چهره ملت بر آز کولرسه... — او کون
بن اوله مش بیله اولسه م ، حیاته پک اولکون
بر ارتباط اولور شبهه سز ؛ — او کون بندن
امیدی کس ، بنی کوتروم وبوش محیطمده
مهارتمله اونوت ؛ چونکه لئک وپژمرده
نظرلرم سنی ماضی به حکمک ایستر ؛ سن

بوتون هویت وعضویتکه آتیسک :
ترنم ایلور آلان قولقلرمده سسک !

أوت ، صباح اوله جقدر ، صباح اولور ، کیجه لر
طلوع حشره قدر سورمز ؛ عاقبت بوسما ،
بومائی کوک سزه برکون آجیر ؛ ملول اولما .
حیاته نشئه کونشدر ، ملال ایچنده بشر
چورور بزم کبی... سز ، آی فضای فردانک
کوچوک کونشلری ، آرتق برر برر اویانک !
افقلرک أبدی اشتیاقی وار نوره .
تنور... عصرمزک ایشته روح آمالی ؛
سیلک بولوتلری ، سیلکک ظلال أهوالی ،
ضیا ایچنده قوشنک بر خلاص مشکوره .
امیدمز بو : اولورسه کده بز ، یاشار مطلق
وطن سزکه شو زندان قارا کلغندن اوزاق !

ماضی ... آتی

ماضی... اوشیمدی کولکه ایکن شیمدی ذی حیات
بر جسم اولان ؛ اوشیمدی اولن ، شیمدی جانلانا
موجود ؛ اوت ، اوطالغه ، اوگرداب خاطرات
انسان ایچون نهدر ؟ .. اوت ، انسان که طوغمه دن
اولمکه اوغراشیر ، و بو تقدیره قاتلانیر ،
ماضیده بر تعینی حائزمیدر ؟ .. خایر .

اولمک حیاتی تازمه مکدر : بز اوله سهک
أفکار اولور ؛ حیات بشر شخص فکرتک
بر جمله تکاملی ... هر فکر مشترک

بر صدمه در ، اونکله قیملدار بو هیئتک
ذرات بی نهایتی ، ذرات نامی ؛
کونک ، خلاصه ، فکر بشر در منظمی .

ماضیده قابل اولسه تعین ، بقا ، ثبوت ،
آتی ناصل خیال ایدیلیر ؟ .. بر ذکا شکن
طور غولنق اختناق ملولیه پر سکوت ،
آنجاقتنبت ایلین ، آنجاقتن پینکلین ،
منسوخ ومنخسف ، متنحنج ، عته لقا
بر وارلق ... ایشته چهره ماضی ذی بقا .

ماضی ، او بر معلم ، او بر پیر ، او بر پدر ،
حالك طوتوب سیکیرلی آلدن ، آغیر ، صبور ،
آتییه طوغرو یدمه لی ... آتی ، او پرسحر
بر افق محتجب که فیوضاته مهد نور ،
أفکار اینچون سپهر تعالی بیلنمه لی ؛
آتی چیقنجه اورطه یه ماضی سیلنمه لی .

جواب

— جنایک بره کتوبنه —

« باری اولدگمی . باری سن مسعود ؟ »
دیه صورتک ، نظر لر کده « خایر ،
اوله مازساک ! » دین فتور آلود
بر تبسمله ... بنجه لایقدر
اوله مازسه ق نه سن نه بن مسعود !

نه دیوردک باق : آدم اولادی
جانلی بر جیفه ، بر یورور پیختی .
صالیه ، یاخود یالان قوصان بر آغز ؛
بر عضوکه قان ، ایرین یالکز .

قوجامان بر قارین ، کوچوک بر باش :
آز دوشون ، چوقیه ، دائما اوغراش !

قلبی امید و حرصه چاه شئون ؛
حرصی ، امیدی آت ، مضیقۀ خون .

بینی بر مضطرب جهاز عصب ؛
اونی قالدیر ، قالان چوروك برقاب .

بر سیکیر پنجه سنده هرمیلی ؛
هرکولوش بر تشنج عضلی .

ذلت ، اوستنده بر جلای غرور ؛
دائما آج بر احتیاج عقور ؛

دائما کیرلی ، کیرلنن بر آل ؛
دائما آلچاق ، آلچالان بر امل ؛

دائما زورلایان ، قیران ، دهویرن ،
محو ایدن ... صوکره محو اولان بر تن .

بويله بر زهره قارشى سن : « مسعود
اوله بیلدم . » دیسه كده خولیاذر ؛
اوله مازسك ؛ او پك ظلال آلود
بر توهم كه عین رؤیادر ...
اوله ماز آ کلیان ، کورن مسعود !

هَمْدُهُمْ بِحَمْدِهِ

همشيرهم ايچون

— نينمه: —

بز چوجوقدق ، سنى دفن ايله ديلر
بى وفا قوملره بى قيد اللر .
او زماندن برى ، مشتاق وزبون ،
نه زمان قبله يه دونسه م دلخون ،
سنى بر محفده پويان كورورم ؛
صوكره قوملرده پریشان كورورم .
بر ديكن بلكه دليل قبرك ،
دوه لر بلكه زيارتچيلرك ؛
كيم بيلير . بلكه ده ، پامال غبار ،
نه ديكن وار ، نه زيارت ، نه مزار ؛

ته ده سن... بنسبه بوکون دردمله
 سنی ایکلتمکه کلدن ، دیکله .
 دیکله هر نرده ايسهك ، هر نه ايسهك :
 توز ، بولوت ، روح ، ملك ، طاش ، يا ديكن ،
 بونلرك هپسی کریان ایده جك
 بر جنایت که بو... جنایت ، کرچك !
 بر جنایت که قوانین ، اديان
 قويمامش اسمی ؛ لکن وجدان ،
 او بونوك حاکم ، او قانون مبین
 ویریور حکمی : لغت ! نفرین !

بو لعنتيله فقط مضطربمی وجدانك ؟
 صورك فضیلتی تحقیر ایدن آسافلدن ،
 صورك طبیعتی ترذیل ایدن آراذلدن ؛
 بو لعنتيله ، اوت ، مضطربمی وجدانك ؟
 صورك شو عصمتی تسمیم ایدن او قاتلدن .

زواللی قارده شم ! انسان تصور ایتدجه
 ضوکنده طوپراق اولان سرگذشت مؤلکی ،
 شو اون سکز سنهك دهشت مزاحمکی ،
 تحمل ایتیور... آرتق بو بویله کیتدجه
 ایچیم زهرلنه جك یاد ایدوب مکارمکی .

قوشاردى پېش محاسبه داغما هوساك ،
 كوچوكلەك كەدە ھنوز مائل فضاءلەك ؛
 علو قلبه ، علو خياله نائلەك ...
 اك ابتدا بكا تلقين شعر ايدن سنسك ؛
 چو جو قلغەكلە برابر ظريف وعاقلاەك .

ظريف وعاقلا ايدك ، دوشمە سەك بو غائەلەيە
 قاليردى بلكە قادينلەقدە بر بويوك يادك ،
 ياشاردى بلكە اونك كولەكە سەندە اخفادك .
 سن اينمەك ، سنى اينديرديلر او مەبلەيە ؛
 سن اولمەك ، سنى اولديرديلر ، زواللى قادين !

اولديرديلر ... بو ھەمدە بويون ، شيمدى اولمادى ؛
 چوقدن كومولدى حسن شىبابك ، ظرافتك ،
 قلبك ، قادينلەك ، شرفك ، استراحتك .
 بر آن ديدىكلە مەكن اوخاش يورولمادى ،
 ييتەك چامورلو طيرناغى آلتىندە غلظتك .

طيرناق ، چامور ، طوقات ... بو سنك قىسمتك دكل
 اى عصمت مباركە ، اى حسن ذى حجاب ،

أی خنده طالع حیا ، بکر کلنقاب ...
طیرناق ، چامور ، طوقات ... صوکی بر عمر مبتهل ،
طیرناق ، چامور ، طوقات ... صوکی محو ابد ، تراب !

ألبت دکل نصیبی مذلت قادیلغک ،
ألبت دکل ملککک امیدى ظلم وشر ؛
ألبت سفیل اولورسه قادین آچالیر بشر .
لکن بوکون هپ اونلره عائد یغین یغین
أندیشرلر ، کدرلر ، اذیتلر ، ایکنهلر !

یچاره قاردهشم ، ازیلوب بیتدک . او یله می ؟
أک صوکره ازیلیر سنی ، اولدیردیلسنی .
بن ییقمق ایسته دم یاپیلیرکن بو مدفنئ ،
لکن خطا بر اقادئ : مظلم ، جهنمی
بر قوتک أئنده ، منهر فقط دئی

بر قبر اولان محیطکه کوردم نزولکی ؛
جبری ، سوروکلنه نیر کبی ایندک آدیم آدیم .
آرقه کده بن بو حاله ، بیلیرلر ، چوق آغلادم .
قالدکدی بر أفقده که حتی افولکی
ایصلاق نظرلرمله اوزاقدن سلاملادم .

بیلم که شیمدی هانکی تجلیکه آغلاسهق :
بر تازه محو اولوب کیدیویرمک ، بو بر کدر ؛


محو اولمانك سـبـبـلـرى هـپ آـىـرى ضـرـبـهـلـر ؛
لـكـن بـو تـازـهـنـك اـبـدى عـشـقـه مـسـتـحـق
بـر قـلـب اـيـكـن اـزـلـهـسـى . . . محـو اوـلـمـادـن بـتـر !

بـعـضـاً فـلا كـتـكـدـه اوـلـور مـش خـيـر لـيـسـى :
قـور تـولـدـك اـيـشـتـه لـحـظـهـدـه بـيـك كـرـه اوـلـمـهـدـن .
اوـلـدـيـر دـيـلـر فـقـط . . . بـنـى يـالـكـز بـو تـيـتـرـهـتـن ؛
اوـلـمـك دـكـل ، بـو اوـلـدـيـر يـلـش اـكـ قـهـر لـيـسـى ؛
چـكـد كـلـر كـلـه مـضـطـر بـم اـكـ زـيـادـه بـن .

نـامـكـلـه ، اـى وـجـودـيـنـى تـذـلـيـل اـيـدـن سـفـيـل ،
قـالـدـيـر طـاـشـنـدـن اوـلـسـون او ژـنـك خـجـالـتـى ؛
كـولـكـهـك قـاـر اـرـتـهـجـق بـو جـيـن شـهـادـتـى . . .
اـى قـر حـه حـيـاـتـى اوـلـان مـلـعـنـت ، چـكـيـل ،
طـوپـر اـقـدـه بـارى اـيـكـلـهـمـه سـيـن رـوح عـصـمـتـى .

سـز طـوپـلـانـك بـاـشـنـدـه بـو نـعـش مـكـر مـك ،
سـز ، اـى قـادـيـنـلـمـك اـبـدى اـشـتـكـالـرى ،
اـى ضـعـف و ذـلـتـك مـتـو حـش بـكـالـرى ؛
سـز طـوپـلـانـك ؛ و آـغـلـا شـهـلـم . . . سـز ، بـو مـا تـمـك
اـكـ طـو غـر و ، اـكـ يـا قـيـن ، اـكـ اـصـيـل اـشـنـالـرى !

ہیں - رجوع



سلیس

— ۱۸ شباط، ۱۳۱۷ —

صارمش ینه آفاقگی بردود معند ،
 بر ظلمت بیضا که پیانی متزاید -
 تضییقنک آلتنده سیلنمش کی اشباح ،
 برتوزلو کشفیدن عبارت بوتون ألواح ؛
 برتوزلو وهیبتلی کشفات که نظرلر
 دقتله نفوذ ایلیه من غورینه ، قورقار .

لکن سکا لایق بودرین ستره مظالم ،
 لایق بوتستر سکا ، آی صحن مظالم !
 آی صحن مظالم ... اوت ، آی صحنه غرا ،
 آی صحنه ذی شمعشعه هائله پیرا !
 آی شمعشهنک ، کوبه‌نک مهدی ، مزاری ؛
 شرقک ازلی حاکمه جاذبه‌داری ؛
 آی قانلی محبتلری بی لرزش نفرت
 پرورده ایدن سیننه مسهوف سفاهت ؛
 آی مهره‌نک مائی درآغوشی ایچنده
 اولمش کبی طالغین اویویان توده زنده ؛
 آی کهنه بیزانس ، آی قوجه فرتوت مسخر ،
 آی بیک قوجه‌دن آرته قالان بیوه باکر ؛
 حسنگده هنوز تازه لکک سحری هویدا ،
 حالا تیتیرر اوستیکه أنظار تماشا .
 خارجدن ، اوزاقدن آچیلان کوزلره سوزکون
 چشمان کبودگله نه مونس کورونورسک .
 مونس ، فقط اُک کیرلی قادینلر کبی مونس ؛
 اوستگده جوشان کریه‌لرک هپسنه بی حس .
 تأسیس اولونورکن داها ، بردست خیانت
 بنیانکه قاتمش کبی زهرا به لغت !
 هپ لوث زیا طالغه‌لانیر ذره‌لرکده ،
 برذره صفوت بوله‌مازسک ایچریگده ؛
 هپ لوث ریا ، لوث حسد ، لوث تنفع ؛

یا لگنز بو... و یا لگنز بونک امید ترفع .
 میلیونه بارندیردیگک أجساد آره سندن
 قاچ ناصیه واردر چیقہ جق پاک ودرخشان ؟

اورتون ، اوت ای هائله... اورتون ، اوت ای شهر ؛
 اورتون ، و مؤبد اویو ، ای فاجره دهر !..

ای دبدبه لر ، طنطنه لر ، شانلر ، آلایلر ؛
 قاتل قوله لر ، قلعه لی زندانی سرایلر ؛
 ای دخه مرصوص خواطر ، اولومعبد ؛
 ای غره ستونلرکه برر دیو مقید ،
 ماضیلری آتیلره نقل ایتکه مأمور ؛
 ای دیشلری دوشمش ، صیریتان قافله سور ؛
 ای قبه لر ، ای شانلی مبانی مناجات ؛
 ای طوغرولغک محمل اذکاری منارات ؛
 ای سققی چوکوک مدرسه لر ، محکمه جکلر ؛
 ای سرویلرک ظل سیاهنده برریر
 تأمین ایده بیلیمش یجه بیک سائل صابر :
 « کچمشلره رحمت ! » دین ألواح مقابر ؛
 ای تربهلر ، ای هربری پرولوله بریاد
 ایقاز ایده رک صامت وساکن یاتان آجداد ؛
 ای معرکه طین وغبار اُسکی سواقلر ؛
 ای هر آچیلان رخنه سی بروقه صایقلار

ويرانه لر ، اى مكنم پر خواب اشرا ؛
 اى قاب قاره طاملرله برر ماتم برپا
 تمثيل ايدن آسوده وفرسوده مساكين ؛
 اى هربرى برليدكه ، بر چايلاغه موطن
 غمديده اوجاقلر كه مرارتله صوموتمش ،
 ييللرجه زماندن برى توتمك نه ... اونوتمش ؛
 اى معده لرك ، زهر تقاضاسى اوگنده
 هرذلتى بلع ايلين افواه قديده ؛
 اى فضل طبيعتله اك آماده ومنم
 بر فطرته مقرون ايكن آج ، عاطل وعاقم ،
 هر نعمتى ، هر فضلى ، هپ اسباب رهايى
 كوكدن ديله نن ذل توكل كه ... مرايى !
 اى صوت كلاب ، اى شرف نطق ايله ممتاز
 انسانده شو نانكورلكه تلعين ايدن آواز ؛
 اى كريئه بي فائده ، اى خنده زهرين ،
 اى ناطقه عجز و آلم ، نظره نفرين ؛
 اى جوف اساطيره دوشن خاطره : ناموس ؛
 اى قبله اقباله چيقان يول : ره پابوس ؛
 اى خوف مسلح ، كه خساراتكه راجع
 او كسوز ، طول آغزلرده كى هر شكوه طالع ؛
 اى شخصه مصونيت و حريره مقرون
 بر حق تنفس ويرن افسانه قانون ؛
 اى وعد محال ، اى ابدى كذب محقق ،

آی محکمہ لردن متادی سورولن حق ؛
 آی صولت اوہام ایله بی تاب تجسس
 وجدانلره تعدید ایدیلن کوش تجسس ؛
 آی یم تجسسله کلیدلنمش آغزلر ؛
 آی شهرت ملیہ کک مبعوض و محقر ؛
 آی سیف و قلم ، آی ایکی محکوم سیاسی ؛
 آی بہرہ فضل و ادب ، آی چہرہ منسی ؛
 آی بار حذولہ ایکی قات کز مکہ مألوف
 اشراف و توابع ، قوجہ بر عنصر معروف ؛
 آی رأس فرو بردہ ، کہ آق باق ، فقط ایگریج ؛
 آی تازہ قادین ، آی اونی تعقیبہ قوشان کنج ؛
 آی مادر ہجرانزدہ ، آی ہمسر مغیر ؛
 آی کیمسہ سز ، آوارہ چوجوقار ... ہلہ سزلر ،
 ہلہ سزلر ...

اورتون ، اوت آی ہائلہ ... اورتون ، اوت آی شہر ؛
 اورتون ، ومؤبد اوپو ، آی فاجرہ دہر ! ..

رجوع

خایر ، خایر ، سکا راجع دکل بوتلعینات ،

بوتون بولوم وتالم ، بو ابتکای حیات
 حیات ملتی تعذیب ایدن ، محقر ایدن ،
 چامورلایان نه قدر لوٹ وارسه هپ بردن
 قوجاقلامش ، طاشیمش بر محیطه عائددی ؛
 اوملغت کیجه سندن اوزاقده یز شیمدی .
 قاریشدی لیل مصیبت لیل نسیانه ،
 آچلادی کوزلرمن بر صباح رخشانه .
 سن ، آی محیط تجدد ، اولیل منحوسک
 سنکله نسبتی یوق ؛ سن شرفلیسک ، اولوسک .
 نه سیس یوزگده نه ذل ؛ بالعکس ، صفا و وقار ؛
 دوغان کونش کی صافی بر انفلاک وار ،
 افقلرک بتون انظاری سنده ، پر حیرت ؛
 بوکون سنک مدنیت ، مسامت ، صفوت ،
 عدالت ایستین آواز حقمنونکله ،
 بوکون سنک حرکاتک ویا سکونکله
 تقرر ایلیه جکدر حضور استقبال ؛
 سنک سلامت فکرک دیمک سلامت حال !
 کوزل دوشون ، آی حس ایت ، یا کلما ، آلدانما ؛
 نه وارسه طوغروده در ، طوغرولق شاشار صانما .
 قوش اتحاده ، ترقیه ، سعیه ، اقباله ؛
 فقط اونوتما که یول انتظام مشیتله
 یاقینلاشیر ، قیصه لیر ... طوغرو آت آدمیرگی ؛
 دوشون : بوکونکی آدیملر حاضرلیور یارینی !

وسز ، آی اوردو سزك آنلی شانلی افرادی ،
 سز آی کوزل وطنك برکزیده اولادی ،
 سز آی کشاده آلنلر ، کزیده وجدانلر ،
 سز آی یورکلی ، و آرسلان یورکلی انسانلر !
 ایچمده شیمدی نه حسلر ، ناصل تمیلر ،
 نه نشئه لر جوشیور ، بیلسه کز ؛ نه وجد آور
 ترانه لر جوشیور... بونلرک حقیر و کزین ،
 مآلی ، شعری ، سنو حاتی ، روحی ، لفظی سزك ؛
 سزك ، نه وارسه سزك ، هپسی هپسی سزك !

— ۱۱ تموز ، ۱۳۳۴ —

بر حفظہ تاخر

بر لحظه تأخر

— ۵ تموز ، ۱۳۲۲ —

برضربه ... بردومان ... و بوتون برکروه سور ،
برمعر وضع تماشا ، خشین ، عقور
طیرناقلریله برید قهرک ، دیدیک دیدیک ،
یوکسلدی غور جو ، باجاق ، کله ، قان ، کمیک ...

أی ضربه مبجله ، ای دود منتقم ،
کیمسک ؟ نه سک ؟ .. بوصولته سائق ، سبب نه ؟ کیم ؟

آرقه کده بیک نگاه تجسس ، و تن نهان ،
بر دست غیبی آگدیریورسک ، رها فشان .

مالک سسک او سورت رعدين غیظه که
هر یرده حس حق و خلاصک محرکی .

صدمه کله پای قاهری تیرتر تغلبک ،
آک غره تاج حشمتی صارصار تقریک .

سیلکوب عقود ربقة أعصاری ، آک چتین
بر اویقودن اویاندیرر اقوامی دهشتک .

آی شانلی آوجی ، دامگی یهوده قورمادک ؛
آتدک ... فقط یازیق که ، یازیقلرکه وورمادک !

طورسه یدی بر دقیقه جغز دور بی سکون ،
یاخود او طورماسه یدی ، او اکیلل سرنکون ،

قانلرله برجنایته پک بکزه ین بوایش
برخیز اولوردی ، مثلی عصرلرجه کچمه مش .

لکن تصادف ... آه ، او قویلر منادی ،
عاجزلرک ، زواللیرک خصم دائمی ،

بردن یتشدی محوه بوتدیر خارق ،
سوندوردی برنفسده بو امید باری ؛

نقش ایتدی برتهکم ایچون بخت بی شعور
تاریخ ظلمه بر یگی دیباجه غرور .

قورتولدى ؛ حقيدر ، آله جق شيمدى انتقام ؛
لكن اونو تماسين شوني تاريخ سقله كام :
برقومي چيكنه مكله بوكون اكله نن
بر لحظه تأخره مديون بو كي فني !

مَنْ أُفْسِي

ملت شرقیسی

چیکنندی ، یتز ، وارلغمز جهل ایله قهره ؛
دوغراندی مبارک و طنک باغری سبیسز .
برلکده بوکون بولمالی یز دردینه چاره ؛
جان قاردشی ، قان قاردشی ، شان قاردشی یز یز .

ملت یولیدر ، حق یولیدر طو تدیغمز یول ؛
ای حق ، یاشاء ، ای سوکیلی ملت ، یاشاء .. وارا اول !

کل قار دشم ، آنهک سکا محتاج ؛ اوکا قوشمق ...
 قوشمق اوکا ، قورتارمق او بی بختی وظیفهک .
 قارشیکده کوکس باغر آچیق ، اولکون ، یاتیور باق ؛
 اونسر یاشامقدنسه برابر اولش اهنون .

هر آن اوکوزل سینه یی خنجر لیور ایللر ؛
 امدادینه قوشمازسه ق اکر محوی مقرر .

ظلمک طوپی وار ، کله سی وار ، قلعه سی وارسه ،
 حقکده بوکولمز قولی ، دونمز یوزی واردر ؛
 کوز یومما کونشدن ، نه قدر نوری قارارسه
 سونمز أبدی ، هرکیجه نک کوندوزی واردر .

ملت یولیدر ، حق یولیدر طوتدیغمز یول ؛
 آی حق ، یاشا ، آی سوکیلی ملت ، یاشا ... واراول !

وقتیه باباک کیمسه یه منت می ایدردی ؟
 یوق ، قالمادی حاشا سکا ذلت پدرکدن .
 دنیاده شرفدر یاشاتان ملتی ، فردی ؛
 سیلکین ، شومذلت توزی اوچسون اوزرکدن .

انسانلغی پامال ایدن آلچاقلنی ییق ، آز ؛
 بالله یاشامق یرده سوروکلمه که دکمز .

حقسزلغاك آتواعنى كوردك ... بومى قانون ؟
أك غملى سفالتلره دوشدك ... بومى دولت ؟
دولتسه ده ، قانونسه ده ، آرتق يتر اولسون ؛
آرتق يتر اولسون بو دنى ظلم و جهالت ...

ملت يوليدر ، حق يوليدر طونديغمز يول ؛
أى حق، ياشا، أى سو كيلى ملت، ياشا ... واز اول :

- قايالار : ۲۵ حزران - ۱۳۲۴ -

وطن شرقیسی

بر فدایی ملتز ، مرد اوغلی مرد عثمانلی یز :
برج استبدادی بیقدق ، قهرمانز شانلی یز :
بروطن ، برحق طانیر أحرارز : آرسلان جانلی یز .
جانله . شانله . أی وطن ، تأییدگه پیمانلی یز ...

جانده سن ، شانده سن ، هبسی سن سئك ، یاشا ؛
أی وطن ، أی مبارك وطن ، بیك یاشا !

طوپراغك جوهر ، صويك كوثر ، بهارك بى خزان ؛
ايشته دنيا : بر آشك بر بگزەرك يوقدر ، اينان .
مشفق اولادك بولور قوينگدە . هر كون ، هر زمان
باشقه شفقت ، باشقه نعمت ، باشقه قوت ، باشقه جان ...

جانده سن ، شانده سن ، هپسى سىنسك ، ياشا ؛
أى وطن ، أى مبارك وطن ، بىك ياشا !

بر گفته

— دارالفنون مارشی ایچون —

یوکسلمه لی ... آرتق یتیشیر ذلت و ظلمت ؛
پارلاتمالی هر ناصیه بر نیر فکرت ؛
جهل اوله لی ، ظلم اوله لی ، حق بولمالی قوت ؛
حقک یوزی کولدجه کولومسر بشریت ...

غفلتله ، ذلتله ، ظلمتله لعنت ؛
سن طوغ بزه ، سن طوغ بزه ، آی خیر حقیقت !

ای فجر حقیقت ، سکا آزد در بو تحسر ؛
آتی قیالار آنجا قلعہ تنور ،
کولسون بشریت ، شو جہنملری سوندور ؛
ہرکس ابدی نشئی لی ، ہرکس ابدی حر ...

شہرتلرہ ، ظلمتلرہ ، ذلتلرہ لعنت :
سن طوغ بزہ ، سن طوغ بزہ ، ای فجر اخوت !

آونك نصاب

فضولی

کوزنده شعله نما مهر آتشین عراق ،
 باقیشمرنده هویدا حزین بر استغراق ،
 دهایه ناصیه صافی مرکز اشراق ،
 صولوق دوداقلری پرلرزش سرود فراق ...
 اترلرنده بو سودالی چهره در ظاهر ،
 بوچهره بنجه فضولی به پک مناسبدر .

بوچهره چهره غم ، چهره محبتدر ؛
 محبتك اوكا تأثیری پر غرابتدر :
 سور، وسودیکی هپ درد، هپ مصیبتدر ؛

صفاسی نشسته سی یوقدر ، بوتون کدورتدر .
فضای روحنه بر ابر ککریه طاریدر ،
کولومسیورسه امین اول که اضطراریدر !

زمان زمان قاپیلیر غملی بر تسلایه ،
طالب کیدر نظر قلبی لیل سودایه ؛
دوکرسه خاکنه بر سرو نازنین سایه ،
اولور بو روحی ایچون بر نشاط بی غایه ،
بوتون امللری کوکلندن ایلهمش ابعاد ،
نه ویرسه لر اکا شا کر ، نه قیلسه لر اکا شاد ! [*]

لسان حسرتی لکن شکایت افشاندر ؛
دوشنجه فرقته ، عالم کوزنده زنداندر ؛
جهانه کلدیکنه آن بان پشیماندر .
رفیقه سفری بر پری کریاندر ؛
اونک پینده کزر دایما خرابه لری ،
اونک کوزیله هپ آغلار کورر سحابه لری .

یوزنده ، شیمدی باقارسک ، امیدلر کورونور ،
نه در امیدی ؟ او بوندن ده بی خبر کورونور ؛
حیاته قارشی نکاهنده بر کدر کورونور ،

[*] « ایشم قرا کیجه تاصبح ناله و فریاد ؛
» نه ویرسه لر اکا شا کر ، نه قیلسه لر اکا شاد ! »

حیاتی عشقی تمید ایچون سور کورونور ...
نه وارسه عشقی ایچوندر ، اونکله در بیدار ؛
برر لطیفه سیدر عشقنك خزانله بهار .

أسیری اولدینی حسن خیالپرورده
چکر محاسنه پیشنده برطونوق پرده ؛
بوتون بدایع خلقت کورونسه بریرده ،
دونر قالیرینه چشمی او حسن أسمرده ...
او حسن أسمره مفتونانی آزلدندر ،
اونك غمیلله فضولی حیاته دشمندر .

-- ۲۵ مارت ، ۱۳۱۳ --

جناب

حلجانلرله کچن برکونک آقشامنده ،
مائى بر کولکه لکک سينه آرامنده ،
کيجهنک بر أبدى آن سمنفامنده ،
پرسکون ، زمزمه خلقى کوش ايتدکسه ...

وارسه شاعرلکه روحکه نفوذک ، هنرک ،
طولاشوب نشئه صنعتله کولن ديدهلرک
چهره کريه - نقابکده حیات بشرک
برمشرح کي تشریح نقوش ايتدکسه ...

برشی اکلارسك ؛ اوت ، بلكه بوسيامدن سن ،
برشی اکلارسك اونك شيوة تقريرندن ؛
يازهمام يوقسه جنابك سـكا ماهيتنى .

شويلاه تمثيل ايدهيم : بر يگى افق مشهود ،
برسماپاره نوديده كه هرچشم شهود
كورهمز ، كورسهدده ادراك ايدهمز فسحتتى .

— ۱۰ مایس : ۱۳۱۳ —

ندیم

ندیمی هر نه زمان آيله سه م تصور بن
چر شو هیئت زندانه پیش چشم مدق :

چیچکله نیم بوزولش رقیق بر سیما ،
رقیق و خنده باب بر دهان استهزا ؛

دهاسی ، — شیوه لی ، آهو باقیشلی بردلبر ، —
اولور اوچهره یه بوسش لریله حسن آور .
بوتون صفیحه وجهنده نشئه پرور ، شوخ ،

همان اوچار کې آواره برېښاشت روح .

تن سمینې، جبین بلند و خندانی
صفای خلقتک پک فرحلی برهانی .

ذکي نظرلرینک خندۀ کېودیلہ
تنور ایلین آجفانی صانکه پرشعله .

سور کوزلاری هپ عشق لاابالیسی ؛
طرب یکانه پسندیدۀ خیالیسی .

ایدر قیافتی آزاده برمزاج اقرار :
* کمر کسسته ، پراکنده گوشۀ دستار .

زوایی ، عالمه پک شائقانه آلدانیور ؛
حیاتی بیتمیه جک بر دم شغف صانیور ،

بوتون هوس ، هوس و ابتلا ، غرام وأمل ؛
زمانک ید لهونده منقلب ، مغفل .

ناصل قیروب چیقہ جق ؟ مشرئجه بر حلقه ؛
قابلمامق نه قدر کوچ اوسیل اذواقه !

بوکون بوقصر مفرح . یارین اوباغ صفا ؛
مسیره لر ، اوقدر خوش بهانه لر ... مثلا

آچک شو پرده یی : بر یزمکاه نوشانوش ،
منادمین طرب سرېسټر شطارت پوش .

کنار بحره قورلمش جسم بر آیوان ؛
 اوکنده روحفزا بر حدیقه ریان ؛
 کولر عکوس ترنمه سقف زرکاری ،
 قلوبه نشئه دوکر سلسبیل دواری ؛
 کزر طیور امل سایه گاه تارنده ،
 چراغلر دولاشیر صحن لاله زارنده .
 سکونلو برکیجه نك افق نائمنده قبر
 بونشوه زار بهشتی به عرض حسرت ایدر .
 آغاچلرک آره سندن نگاه رشک اثری
 قوشوب اوپر متبسم ، کشاده سینه لری .
 بویانده هاله نما تللی پوللو برجولان ،
 اوپریری طربدرکه رقص ایچنده نهان ؛
 اوتر شویانده نغمه پرورانك أك كوزلی ،
 دوداقلرنده ندیك اوکونکی بر غزلی .
 کولر ، شاقیر ، باغیرر ، آغلار ، آه و واه آیلر
 خروش وجدایله هپ دفلر ، عودلر ، نیلر .
 رحیقلمر صونولور جوهرین قدحلرله ،
 امیدلر ویریلیر عشوه مکررله .
 سوزوك نظرلره مستانه دیده لرم مفتون ،
 بر ابتسامی همان قارشیلار بر آه درون .

دو نر بوعالمك اوستنده، پرشمیم خیال،
 حواسه رعشه ویرن برنسیم خار وصال .
 پیالہ ، لالہ ، سبو ، نکتہ ، خندہ ہپ قاریشیق ؛
 بولور اوکنده هوس محفل امید ی آچیق .

تصادم ایلہ رک موجہ موجہ حسیات ،
 بوجوششك بوغولور اورطہ سندہ فکر حیات !

ندیم ، او بر یگی دمسازہ ہمدم خرم ،
 * چکوب وسادہ یی، قیلمش کلاہ گوشہ یی خم .

قیریق دوکوک دم اورر محرمانہ سودادن ؛
 میان بزمہ دہ برحرف شوخ آتار آرادن .

ظریف برسوزی ، برنوشکفتہ مضمونی
 یرندن اویناتیر آیوان خندہ مشحونی ...

ندیك ایشته لقای حیات فانیدی ؛
 ندیم ، او شعرمنك چہرہ جوانیدی !

استاد اکرم

بلند ناصیه سیمای ذی وقار دها ؛
گزیده هیکل روح الادب که صدرنده
اورر شغف زده بر قلب سرمدی هیجان .

لسان قلبی اوقور بر نشیئه کریان
که اک فرحلی ، اک آسوده موج سطرنده
درین درین دوشو نور ، بر ملال مستثنا .

بوتون غموم بشر دوش احتساسنده ؛
حیاتی بر متفکر خزان صباحی کبی
رقیق سیدلرک آلتنده پرسکون ، بی خواب .

خزان صباحی قدر مست کریه بر مهتاب
شب خیالی او قشار ، پری جناحی کبی ،
بر اهتزاز منورله هر تماشنده ...

سور تفکری ، دمساز بی همالی اودر
لیال تار ملالنده ، لال و مستغرق ؛
اونکله طی ایدر آشوبگاه ناسوتی ،
اونکله سائر اولور خلد زار لاهوتی ،
اودر حیاتی تلذیزد ایدن بر آرز آنجاق ؛
ندیم روحی اودر ، محرم خیالی اودر .

بر احتشام نزاht لب خطابنده
تکلماتنه بر نکهت نجیبه ویرر ؛
بونطق پاک ایله ایلر عقولی استجواب .
یاشار غدای کمالیه بر جهان شباب ؛
کمال صیتی تأبید ایچونسه کافیدر
شبابه ویردیکی درس ادب کتایبده .

نفعی

بریاغیز چہرہ ، چاتلش ایکی خنجر قاشلر ؛
ینہ خنجر کی کسکین ایکی معنالی نظر ...

یاد علویسی خیالمدہ بوسیمای طاشیر ،
نجه نفی یہ بوسیمای مہابت یاراشیر .

طہی صہبا کی جوش آور مینای مقال ،
فکری عنقا کی بالارو اُطباق خیال .

آچیلیر غنجه الهامی لب حارندہ ،
برق اورر شعلہ اندیشہ سی انظارندہ .

آتشین جریزه بر ناطقه آسا کوزلر
 جذبۀ روح شغفدارینی تقریر ایلر .

کورو نور ، صفحهٔ أمواجه دوشن لمعه کبی ،
 آلنک چین بلندنده اوروح عصی .

باشقه در فیض هنر کلاک فسونسازنده ،
 جانلانیر ، وجده کایر سوز لب اعجازنده ؛

دویولور قعر بیاننده صدای آهن :
 ضرب ششپرله چیقان قعقه مغفلردن .

عکس آوازۀ هیجا کبی ایلر اظهار
 بردرین غلغله نظمنده خروش افکار .

صانکله بر معرکه ، بر معرکهٔ جوشا جوش :
 صیت ولوال وغا ، ولولهٔ چنک جیوش .

سربسر رعید هیاهای ولهزای صفوف ،
 سوبسو برق چکاچاک شررناک سیوف .

حملهٔ صفشکن جانفکن پیل دمان ،
 صولت کرز کران ، ضربت شمشیر و سنان .

کوس ونقاره هم آهنگ غریو هجمات ،
 کوپورر هر کوشه دن دمدمهٔ دیوممات .

نعره لر مشته زن طبل صباخ کردون ؛
 صدمه لر ، زلزله لر خدشه رس قلب منون .

آتیلیر ہریانہ بیک رخس صواعق پیرو ،
کرد خشیتلہ دولار کنبد وارونہ جو ...

اووخ . آی معجز ادا شاعر شایستہ غرور ،
ایکلیور نای بیانگدہ نوای منصور .

آکلامازلر اوتہور ، اوشکایات نیچون
دخل ایدنلر سکا فریاد مباہاتک ایچون .

صیغماش صدر پلنکانه کہ قلب شیرک ،
یتہمش قدرتگہ شہرت عالمکیرک ،

اویلہ ، برنہر معظم کبی جوش ایتمشک ؛
فقط، آیواہ ، چوراق یرده آقوب کیتمشک !

سکا برباشقہ زمین ، باشقہ زمان لازمدی ؛
سکا بر عالم لاهوت نشان لازمدی .

حامد

آچیق برجبهه ، مونس برنظر ، بر فطرت محرم ...

فضای بیتناهیسیاه ، آنجار و جبالیه ،
فروغ شوخ آسجاریله ، ظلمای لیالیله ،
بوتون وولقانریله ، برق و رعد پر جلالیه ،
شئون رنکرنک انشراح و انفعالیله
اوفطرت پر غرائب بر تجلیکاه ، بر عالم .

طبیعتدن بویوک بر عالم کلیت اعداد :


اوچار بال خیال آچمش حقیقتلر سہاسنده ،
 اوکور آشعار علوی برب ساکت ہواسنده ،
 طورر بر مہمیت اُک جلی طلعت لفاسنده ،
 کزر طیف مقابر ، روحلر ظل رداسنده ؛
 کچر ہنکامہلر ، مسعود و مظلّم ، شاطر و ناشاد .

معلا بردرینلک شعر حامد ، شعر وجد آور ...

دہاء ، اُی نیر اُسراری فسحتزار الہامک ،
 سنک پیشانیء حامدمیدر اُورنک آرامک ؟ ..
 کولر ، اُی داہیء اعظم ، سرک فوقدہ اُجرامک ؛
 اولور مشہود فکرم یادہ کلدکجہ بویوک نامک :
 درین برجو لاهوتی ، کنیش بر ضربہ شہپر .

-- ۲۲ حزیان ، ۱۳۱۵ --

آونك سهر



آونك شهر

- ۱ -

جامد نظر لریله ، صوغوق چهره سیاه قیش
آیرلق ایستیور ، فقط آیرلیور کی ؛
اورتر ، آچار ، باقار ، ینه اورتر سحائی ...
برچوق سورر بورنك تردد ، بونا زلانش .

قوشلر ، زواللی یاورو جغزلر بوجاوه دن
سرسمله نیر ، تحصن ایند لر صاقلره ؛

هر لحظه بر تحول بارده منظره
بر لحظه او که آلدانه رق انکشاف ایدن

آزهاره دهشت آور اولور ؛ شیمدی مبتسم
بر نظره ، شیمدی کیه لی بر چهره ملال ؛
بر آن فرد ایچنده مسرت و انفعال .

چرکین دکل ، فقط آجی بر یوز که مر تسم
اُک نازلی خطر نده خشونت علائمی ...
خیرچین ، سیگیرلی بر قادی نیک حال دائمی .

- ۲ -

چیچکلی برداله قونمش قاناتلی بر خولیا ...
قلم ، بهاری بو تصویر ساده نقشیله
خلاصه آیلهمک ایستر ؛ و ناکه مان پیدا
ور یقه لرده کی شرمنده بر تحاشیله
ایدر بو جرأت آواره سندن استیجیا .

حقیقه او نه هنکامه تجدد در
که دالریله بهاسیله قوشلریله بوتون
شو کهنه طوپراغی ترویغ ایدر ؛ قیشک داها دون
آلنده خیر پالانیرکن ، باقار سگیز که بو کون
بر انبساط مضره له هپ طبیعت پر .

صولر آقار ، قوزولر اویناشیر ؛ صفاسندن
 حیات رقص ایدیور ظن ایدرسکز ؛ آسحار
 اولور تلاء لؤ باران ایچنده خنده فشان ...
 یوایتسام ایله کویا ، شکفته روح بهار ،
 لینده برصاری نیلوفرک طوغار نیشان .

- ۳ -

مایس برکویلو قیزدر ؛ صاف ودلبر ، شوخ وسودا کار ؛
 چیچکلر ، قوشلر اطرافنده فوجا فوج ورنکارنک :
 چیچکلر خنده سندن سرپیلن آلوان رونقدار ،
 طیور آواز شوقندن اوچان ارواح ذی آهنگ .

منور نرکس چشمانی خندان طراوتدر ،
 معطر سنبل کیسوسی تالان شطارتدر ،
 مزهر سیننه عریانی لرزان محبتدر ...
 مایس برکویلو قیز ، برشوخی فتان طبیعتدر .

مایس برکویلو قیزدر ، صاف ودلبر ، شوخ و بی آرام ؛
 طوغوب ، کلچین اولورکن ژاله لر صبح بهاریدن ،
 سونریچاره ، آک پارلاق دم شوقنده بر آقشام ،
 آکینلر آک مذهب رعشه عشقیله تیتیرکن .

- ۴ -

آلتون باشافلى تارلاس-نك بركنارنى
 تزيين ايدن آغاچلارك آلتنده ، بى خبره
 طالمش تخيله ؛
 مسعود كويلو ! ناصيه پرغبارنى
 اوقش-ان بر انجلاكه ، بهيمى و خنده ور ،
 بكنزر توكله .

كل ؛ سو كيلم ، سنكله بو مظلم حظيره دن
 برخظه حق فرار ايدم... باق ، تفرجه
 شايسته هرطرف .
 « مسعود كويلولر ! » ديه اولسون ترانه زن
 كلدكه قارشى-مزمده اكيىلر توجه
 پرنشته ، پر شغف .

- ۵ -

مائى يلديرمه-س-نك يىلمرينه
 سيلهرك آلتنى ، يورغون آرغين .
 كزينير تارلاده بر كويلو قادين .
 خوشه چين اولغه چيقمىش ، بللى ؛
 سمت راس-نده ككونش پرفوران
 ايدييور نشر شعاع نيران .

اُكِيلوب طوغرولورق فاصله سز
 طويليور قوت معيشت يردن ،
 طوپراغك ويرديكي نعمتلمردن .

كاه برنظره شفقتله باقار
 زوجنك غيرت غولانه سنه ،
 قيزينك نشئه طفلانه سنه .

بوسعادت اوكا كافي كورونور :
 بر قوى عائله ، بول برمحصول ؛
 ناشقه شى فكرينى ايتمز مشغول .

او كوچوك عائله در بسليه جك
 عالمى بر سنه انعاميله ،
 تحفه كمتر اقداميله ...

بنجه تمثالى بودر تموزك :
 مائى يلديرمه لى بز كويلو قادين
 چاليشير تارلاده يورغون آرغين .

- ٦ -

سنبلى بر هوا كه مسيت ركود ؛
 طورييوركن محيط ونامحدود ،

بردن

آجی بر حسله صانکه رعشه لئیر .

خسته بر نغمه ، بی مجال صعود ،
دو کولور قطره قطره ، آشک آلود ؛
بوسون

نفس واپسین موسـمدر ...

بوصولوق نغمه دیرکه : « آی بی سود
« عمر نالنده ، کجدی فصل سرود ؛
« سن قدوم بهاری بکمرکن
« یاز وداع حیات ایدوب کیدیور ،
« سنی دست خزانه ترک ایدیور ! »

- ۷ -

نه زمان زرد و محضر ایلول
ایتسه کریان بولوتلریله حاول
آغلایر یادی بو شعر مالول ،
بن بوتشبییه زاری پک سورم :

« بر قیزک حین ارتحالنده
« طولاشال خنده بی جمالنده
« آگدیرر حات زوالنده ...
« آه ، بن صوک بهاری پک سورم ! »

صولوق یاپراقلی برنخل خزانک
پریشان ظل حسرت پرورنده
اوطورمش ؛ بللی بر حسن مهانک
بوتون اُکداری وجه دلبرنده ؛
آرار برشعر کریان دفترنده .

موافق موقعک حزنيله حالی :
برآز صواغون ، برآز غمخور سودا ؛
دوشن یاپراقلرک راز ملالی
نمایان جبهه صافنده کویا ؛
نمایان جبهه صافنده خولیا .

دوئر آواره سر تهزین باد پرتهورله ،
مشابهدر برر پروانه سکرانه یاپراقلر ؛
قیریق داللر ، بوزولمش آشیانلر هپ تحیرله
خزانک پنجه قهرنده وقف اغبرار ، آغلار .

قدشک جامد نکاه لرزه بخشاسیله رنجیده ،
آراز یچاره قوشلر برملاذ نوبهاری نی ؛
اوزانمش ، خسته ، عریان ، بستر سنکین خاکیده ،
آرار جسم طبیعت بر شفا ، بر فیض ، بر محی !

- ۱۰ -

هریر بیاض: لفافهٔ امواتی اکدیرر
یکپاره بر بیاضلغک آلتنده تعش خاک ؛
یکپاره بر بیاضلغک آلتنده رعشه ناک ،
هرشی ختام هائله برفه منتظر .

کویا بو انتطارک اورنک سکونیدر ...
برقاچ — نظیر طیف عدم — زاغ بدنکاه
تشکیل ایدر بوسحنه ده برتوده سیاه ؛
بونلر قیشک نمونه راز درونیدر !

- ۱۱ -

ینه قار ... بر سکون جامده
ینه هریر ملول و موت آلود ؛
بر طونوق پرده ، بر نقاب عنود
صاقلیور چهرهٔ سماواتی
بشرک چشم ابتهالندن ؛
بشرک نظرهٔ مناجاتی
تیرییور بر هراس بارده
اوطونوق پرده ناک ظالندن .

ایشته عریان و زار و مستغرق
ایکی تمثالی فقر مشغومک ...

— هر یاننده شو لوح مغمومك
 آقیور طالغه طالغه رنگ ممات ! —
 ایکی عاجز قدید لرزنده ،
 ایکی مطعون شکوه کار حیات ،
 چاتلامش آلر یله یوقلیه رق
 آرایور لر حیات مریله ده .


- ۱۲ -

موسم وداع ایدر کییدر ، زار و بی مجال ؛
 صوك لرزش جناحی دو ~~و~~ كر خاك نائمه
 قار لر ، امید لر ؛
 سیلابه لوله شرحه لانی سینه جبال ،
 هر شرحه بر بهار حیات احتوا ایدر .

هره موسمك سقوطی اولور باشقه موسمه
 بر منبع نما ...
 باقدجه بن ظهور و سقوط و مواسمه ،
 ای طالع بشر ،
 بیلم نیچون تأم ایدر ، آغلارم سکا ! ..

اُکی سیر

۱۳۱۲—۱۳۰۴



أسكى شيلر

صولغون بکزلى ، بويى بوكوك ، توزلو بردهمت ؛
 اوستنده بلکه اون سنهك ژنك حزنى وار ...
 برکیمسه سز چوجوق کبی ، محتاج مرحت ،
 قارشیمده تیتریور : « بی محو ایتمه ، باغلا ، صار ،
 » برحفره سکوننه آت لیل قلبکک ؛
 « بن ماضی شبا بکک أشعارى یم سنک ! .. »

یچاره أسكى خاطره لر ، محو ایدرمی یم
 بن محوه مقتدر بیله اولسه م بوکون سزی ؟
 لکن زمان ، زمان ، او هیولای منتقم
 ماضی یه قلب ایدوب کچه جک بوسبوتون سزی ؛
 بن آرقه کزدن آغلارم آنجاق ، و پرکدر
 نظم ایلرم زواله آغلار نشیده لر .

آشیان پدر

ینه دون کچدم ، آه بیک حسرت ،
آشیان پدر جوارندن ...
قالدی جسم اوکنده بی حرکت ،
چوکدی قلب حزینه بر ظلمت ؛
اونه حزن مهیب محویت :
بر صفا آشیان پرفروتاب
اولمش آرامزار بوم و غراب .
بکزیور خوابگاه اُمواته
حالی سقّف کِیا هبسته سنک ؛
آهیدر ، یوکسه لیر سماواته

اوسکوت آن خوشگذشته سنک .
 طیشی هم رنگ اغبرارمدر ،
 ایچی هم حال قلب زارمدر ،
 بونده هر گوشه بر مزارمدر !
 بو طربگاه ... یوق . بوجای سکوت
 که طورر پر مهابت و مبهوت ،
 که پر یلر چیقار غبارندن ،
 که خیالات اینر جدازندن ،
 که اوچان نشئه لر جوازندن
 خاک اولور قارشیننده عازندن ؛
 رقت آور نمونه ناسوت !
 صانکه پیشمده بریغین تابوت
 لرزه بخش دل و خیالمدر ،
 موجب شدت ملالمدر ،
 متجسم مأل حالمدر ...
 ایدیور هر درخت عریانی
 شدت روزکاردن فریاد ؛
 بر نهال شکسته اغصانی
 نکا ایتدیردی حال و شاتی یاد ...
 کچمه فکرمندن، آی امید وصال ،
 نوردن انکسار ایدر بو ظلال ؛
 بن ظلامله قالمق ایستیورم ،

انفعالہ قالمق ایستیورم ،
بو ملالہ قالمق ایستیورم ؛
پک موافق بوکون بو حال بکا ،
بن بو حاملہ قالمق ایستیورم !

چشمشده

ماضی به عطف ایدوب نظر انفعالی
 کورمکده یم ظلام خزان ایچره حالی .
 ماضی دم بهاریدر آیام عمرمک ،
 سرمایه صفاسی اودر جام عمرمک .
 ماضیده قالدی هپ او منور صفالرم ،
 بیهوده شیمدی اونلری یاد ایلر آغلارم .
 یادکله چشم حسرتی یومدجه کاه کاه ،
 ای آن خوشکندشته ، کولومسر طوررسک ، آه !

بیلیمیسک که عاشق یم بن خیالکک ؟
قابلمیدر اعاده سی ، بیلیم ، و صالکک ...

بیچاره بن ، بوکوز، ینه وقف تأثرم :
ماضیه طوغرو اوچدی نگاه تحسرم ؛
کورمکه یم اوکلشنی کیم غرق آب و تاب
بر غنجه سفیدی اونک خنده شباب .
کچمشده در نه وارسه طربدن ، سروردن ؛
ماضی ، او برجھان ایدی هپ رنک ونوردن .
ایلردی هر نظرده تجلی سعادتیم ،
کلرنک ایدی نه کورسه عیون مسترم .
ایواه ! شیمندی هر نه یه باقسه م سیاھر نك ،
یچیده نظره کاه ملالده بر نه نك ...
هر دم صباح اولان اوکوزل کونلرک بولایل
آقشامیدر که ایله من آرئق صباحه میل !

شعر پریشان

حیاتک ہر زمان بیزار حال اطرادندن ،
 وجودک دائماً مضطرب قیود بی‌عدادندن ؛
 سہیلنمش چہرہ مقصود چشم اعتمادندن ؛
 کچر ماضی کبی حسرتلہ استقبال یادندن ؛
 قیلار صبح و مسا فریاد شام و بامدادندن ؛
 کدر بر لحظہ آیرماز دل سودا نہادندن ؛
 بولور آنجاق صفا کوکلندہ عشقک ازدیادندن ،
 کوزل بر چہرہ نک ، یابر حزین شعرک مفادندن ،
 جوشارکن بر دم اول نالہ ہجران فؤادندن

باقارسك ، مشتكى آن وصالك امتدادندن ؛
 ليال شبهه نك عاجزده احمای سوادندن
 ديلر مهر حقيقت شعله ريز اولسون مدادندن ؛
 تجسم ايله مش عجزك امله اتحادندن ،
 ظهور ايتش ، خاير ، شوریده بر قلبك رمادندن ...

شو تصوير ايتديكم حلقه بيم منطوق حاملدر ،
 يو بر شعر پریشاندر که معناسی مألدر .

اکتراب

کردا بلر آچار اوڭمه بردرین سراب ،
روحم سحابه لردن آلیر شمه تراب ،
تخریش ایدر صماخی بیک نوحه غراب ،
بکزر عذاب قبره نهانی بر اضطراب ؛
کو کلم خراب ، جسم نزارم قدر خراب ...
مدهش ، مماتدن بیله مدهش بو اکتراپ !

باد سمومی یاقدی نهال ثباتمی ،
ریک روانی بوغدی امید نجاتمی ؛
دشت جحیمه بکزه تیرم کائناتمی ،

هپ غرقهٔ بلا کورورم بن حیاتی ؛
 کردایلر آچار اوکمه بردرین سراب ...
 مدهش ، مماتدن بیله مدهش بوا کتراب !

توحیش ایدوب خیالی برلیل غمنشار ،
 حسرتله ایلرم سحر موته انتظار ؛
 مظلم ضیالریله ، دیرم ، قیلسه مستتار !
 چشم ستاره لرده آزار ظلمت مزار ،
 روحم سحابه لردن آیر شمهٔ تراب ...
 مدهش ، مماتدن بیله مدهش بوا کتراب !

کاهی اویوب هوای دل بیقرارمه
 چیقسه مده شویله قیرلره ، باقسه م جوارمه :
 هپ سرور وورر نظر اغبرارمه ،
 طاشلر صوغوق صوغوق دیکیلیر رهگذارمه ،
 تخریش ایدر صماخی بیک نوجهٔ غراب ...
 مدهش ، مماتدن بیله مدهش بوا کتراب !

سندک بر آز تسلی وجدانه سبب ،
 ای نور دیده ، سنده کدرنا کسک بوشب ؛
 کیمدن ، ناصل ، سعادت می آیله می طلب :
 حائل این قلبه جگرگاه بر تعب ،
 بکسان عذاب قبره نهانی بر اضطراب ...
 مدهش ، مماتدن بیله مدهش بوا کتراب !

طبعمده بر کلال که بگزور شبایتی ،
روحده بر ملال که بگزور محبتی ،
قارشنیمده بر جمال که بگزور خیالته ،
فکرمده بر خیال که بگزور حقیقتی ؛
کو کلم خراب ، جسم نزارم قدر خراب ...
مدهش ، مماندن بیله مدهش بوا کتراب !

صبح بهاران

هوا لطیف ، دگر ز اكد ، آسمان مخور ،
تموج ایتمده بریر ظلال تنهایی ؛
نشیمن چمن اوستنده وقف حزن و سرور ،
سحرده سیره قویولدم سمایی ، صحرائی ...

بر آفتابرخك برقع جمالی كی
حقیف برسیده هپ كائنات مستغرق ؛
اوذی نقاب جمالك فروغ آلی كی
نكهفروز ایدی آنوار لاله رنك شفق .

صباح وقتی دم رقت طبعقدر ؛
 سکوت حاکم مطلقدر اول زمان دهره ؛
 صباح وقتی ، او بر آن ذی لطافتدر ،
 لطیفدر نهیه باقسهك : سمایه ، بر مهره ،

اوچان طیوره ، آچان دلربا شکوفه لره ،
 — شکوفه لرکه برر خنده مزهردر ، —
 سحابه ، شبنمه ، حتی اوقطره کهره ...
 لطیفدر نهیه باقسهك ، لطیف ومغبردر .

بو اغبرار لطیفك سرایتیله کوکل
 تهلر تخطر ایدر نشوه بخش وگریه فزا ؛
 سکوت موقی تعدیل ایدنجه بر بلبل
 ترانه سیله یورکارده جوش ایدر سودا .

صباچر ، اوکا هپ سرو فرو قیلار أشجار ،
 صباکه اوقشامه دن کچمز آشیانه لری ؛
 نوازشیله طراوتله نیر بنات بهار ،
 بهار قیزلریدر دوندورن جنانه یری .

أوت ، بوخاکی ، بولبل سیاهی تنویره
 شکوفه لره ، اومعبر نجوم کافلدر ؛
 کلیری صفوت علویه سیله تصویره
 بو صبح تازه که پرفیض وبی معادلدر ؟ ..

بوصبح تازه ، شو نوباوه زهره دلب ،
 شو یاوړو قوش ، بونهال ظریف نوپیدا ،
 بوتون بو منظره اول مهلقای عرض ایلر
 ظلام ایچنده ، ظلام وسکوت ایچنده بکا .

اونک فراقی اولورکن ایچنده زهر افشان ،
 ناصل کورر کوزم آثار جبری شوق آلود ؟
 بورنکلرده اونک رنکیدر باقلسه عیان ،
 بورنکلرده اونک رنکیدر فقط نابود !

شو بر ستاره که افقک یکانه زینتیدره
 غریب حزن وسکونتله جاریپور نظره ؛
 کچن لیال صفانک اوچشم حسرتیدر
 که دوردن نظر ایتمکده عالم سحره ...

نه وار تحسره شایان فقط شو عالمده ؟
 بنم بوکون اونی تقدیره اقتدار یوق .
 هزار غنجه صولار هر نفسده ، هر دمده ؛
 بنمده صولدی کلم ، غنجه م... آه ، دردم چوق !

اوهر نفسده صولان غنجه هر نفسده آچار ؛
 فقط بنم کلم آچاز ، او بر غریب چیچک ...
 کلیر بهارینه خاکه رنک وروح صاچار ؛
 فقط بنم کلم آرتق بهار کورمیه جک !

« ینم کلم » دیدیکم برملکدی ، بردلبر
چو جوقدی کیم نظر مبهمنده بولشدم
ته وارسه بردل محزون ایچون نشاط آور ؛
اونک افاضه شوقیله شاعر اولشدم .

اونک صفای وصالیله شاعر اولشکن ،
تاصل فراقنی تصویره اقتدارم اولور ؟
شو آتشین قطرات دموع هپسندن
فصیح ترجمه حزن وانکسارم اولور .

أوت ، بوشعتر اول مهلقایه عائددر ؛
خایر ، بو ظلمتک اول مهلقایه نسبتی یوق .
لسان حاله باق ، سوزلرم زوآئدر ؛
سرشک آلمی سیرایت که حدوغایتی یوق .

یو حد وغایتی مفقود اولان سرشک ایله بن
خزان بولوتلرینک بر مثالییم ، أحقر ؛
زمین ماته یاغدیردیم شو رحمتدن
فقط نه سودم اولور ، آغلامق نه حاصل ایدر ؟ ..

تاصل صباح ایدی ، یارب ، نه صبح مغبردی ؛
که اوچدی روحی اومهپارنک سماواته ؛
وجود نازی — که صفوتده روحه بکزدی . —
براقدی بزلری جانسز ، قاریشدی أمواته .

قاریشدی خاکه ، بن آرتق سویله سه م بی سود ،
لطائف سحریدن لطیف اولان او وجود ؛
او کیتدی ، بن قالد بیل سه م ده نیله یم مسعود ؟
و پررمی فائده هجرانه ، آه ، آه و سرود !..

طلوعه قارشى

أى شمس منير ، كيم ظهورك
تنوير ايله جهزه حياتى
پر خنده قيلار شو كائناتى ؛
اولدجه لقاي پر غرورك
قعرنده نهان شب حضورك
ماتملره غرق اولور طبيعت .
كاه آاسه ده انجلا قمر دن
كوندوزلره دونسه تاب و فردن ،
خالى اوله مازينه كدر دن .

یارلاق کورهم شې سحر دن :
 اُفکارمی سوندورر او ظلمت !
 بر کره باتوبده مهر تابان
 قالدجه اوشعله شعله ألوان
 یکپاره قارالتیدن عبارت :
 کویا چکیلیر او کمدن أفلاك ،
 مقبرلردن نشان ویرر خاك ...
 لکن ینه ، اُی ملیکهُ روز .
 دیدارک اولونجه طلعت أفروز ،
 آفاقه سرایت جمالک
 اکدارینی محوایدز ظلالک ؛
 قاپلار اودم ارضی آسمانی
 برولوله حیات فانی ...
 فانی بیله اولسه ، موته نسبت
 البته حیات بر سعادت ؛
 هر صبح صفاسی کائناتک
 بر جلوه شوقیدر حیاتک :
 قوشلر اوتوشور ، اوچار ملکلر ،
 چاغلار دره لر ، آچار چیچکلر ؛
 جانلار مق ایچون بوتون شو عالم
 سندن دیمک التفات بکلر .
 اُی شمس ، اُی کوکب معظم ،
 سن دیدهُ روشن بقاسک ؛

فيض نظرك قیلار ، مسلم ،
احیا بوخرايه زاری هر دم :
بر منبع شعله صفاسك ،
أیلر شوقك جهانی خرم ...
أزهارینه عكس ایدرده نورك
بر قبری ده كولدورر سرورك .

طوقوندك حسمه ...

طوقوندك حسمه ، اى شب ، ينه حال حزينسكه ،
خراب ايتدك بنى علويت سودا كزينسكه .

سن ، اى ابر منور ، آنجلابخشاي وجدانسك ؛
منور سازجان ، ظلمتكداز قلب ويرانسك .

سن ، اى نجم منهر ، پرتوافروز خيالمسك ؛
اينس وحدتمسك ، حصه دار انفعالمسك .

سن ، اى ماه ، اى معلا منبع علويت سودا ،
قيلارسك قلب مفتورمده شوق اعتلا پيدا .

نظر مستغرق کدر ، اُی محیط کبریا وسعت ،
 قایلر پیشکده فکر بقرارم غرقه حیرت .
 شکایت سندن ، اُی مرغ هوادار وفغان پرور ،
 که فریاد حزینک دلدۀ ایقاص ملال آیلر .
 نه در ناله کده اول تأثیر کیم روحه مغالبدر ،
 سکوت محزن موقع قدر آرامی سالبدر ؟
 آزار جسم ضعیفک سوبسو بی تاب أنظارم ؛
 بوشب بیلسم سنی تنظیر ایچونمی بویله بیدارم ؟
 ایدر تعقیب فیکرم بالائی هریانده ، هریرده ،
 فضای نور پرورده ، ظلام سبز مشجرده .
 ففط ، الله ایچون کس نوحه فریاد بخشاشی .
 براق ساکن خیالاتله بن خاطر پریشانی !..

چیچک‌کار ایچنده

شـعـری سـمـایه بـکـزـه تـیر ، ایلردم احتراز :
پروازه قابلیتی یوقدی خیالـمـک ؛
عشقـک کـتـیرـدی روجـه بر طـاتـلی اهـتـراز ؛
طویدم اودم تحرکنی شاهـبـالمـک .

اولمقدهیم اوشوق ایله آرتق ترانه ساز ،
آهنکی شـعـری آ کـدـیر یـور هر مقـالـمـک ؛
ایلر حـزین کـو کـلـلـره تـودـیع راز ناز ،
برنازنین بلاغتی وار انفعالمـک .

سنسك خلاصه ملهم فيضم جهانده ، سن ؛
هب نفحة لطيفة عشقكدر ايلين
ساحلرسیده موج پریشان شعری .

پر ابتسامك اولدی مؤدی سنوخنه ؛
اویسون قرارگاهی ، دیدم ، طبع شوخنه ،
منج ایلهدم چیچکاره عنوان شعری .

أشعار محبتدن :

حياته رغبت ايدرسهم سنك يوزگنددر ،
بو دامگاهه سنك صاچلر كله مضبوطم ؛
فلسكده نور كوررسهم سنك شوزگنددر ،
محبتهكله بو زندان غمده مضبوطم .

بقای عشقکی گاهی تأمل آیلرده
دیرم : « فنا بوله ماز ، کائنات باقیدر ! »
سنکله قاتلانیرم بن بو چاره سز درده ،
دیرم او شوق ایله حتی : « حیات باقیدر ! »

باقوب جالنه بردم یومنیجه کوزلرمی
شهابلر اوچوشور منظر سیاهمده ؛
یاقار فروغ نکاهک ظلام اخترمی ،
یوزک کونشلر آچار پدش انتباهمده .

معیشتک او تقاضای جانکدازندن
قاچار ، آمین اولورم آشیان عصمتکه ؛
بخار نشئه یه غرق اولمق احترازندن
ملال یوکسه له من آسمان عصمتکه .

آلک آلمده ، صاچک تارمار سینهمده ،
کوزم کوزگده ، ایم لعل کلفشانگده ...
قیلار بو حال ایله عمرم قرار سینهمده ،
کلیر تزلزله روحم سربسازانگده !..

ترنم

چو جوقدك سن ، او حالك بر زمان چيقماز خيامدن .
 ملكدك ، چيرپينير يادمده هر دم عكس پروازك .
 نه دملر كچدى ، باق حالا او طفل دليستانسك سن ؛
 كچن سور صفانك عكسيدر كوشمده آوازك ...

چو جوقدك ، بر ملكدك سن ،
 سن اى ممشوقه فكرت ؛
 بولور آلاڤ
 دل نالان
 كل حسن گنده بر نكهت
 صباوتدن ، او جنتدن !

صباوتدن ، او جنتدن بری چشم آشنایز بن ؛
آزادن باکہ روح عاشق لطیف گدر .
تہ اکلاردم محبتدن ، وفادن آہ بن سنسنز ؛
اولوردم ، کیم بیلیر ، حتی بقای روحی ده منکر...

چو جوقسک سن ، ملکسک سن ،
سن ای . معشوقہ فیکرت ؛

بولور آلآن

دل نالان

کل حسن گدہ بر نکھت

صباوتدن ، او جنتدن !

شکوفه یار

بر غنچه طورر قدید و مغبر
بر دفتر سآخات ایچنده ؛
بیالمرجه امل ، هوس برابر

رنك سیه ممت ایچنده ؛
سسسس سسسز کچر حیاتی
بر ولوله نکات ایچنده .

اگلارمی عجب اوترهاتی
جوشدقه صحایف اُتردن ؟ ..
عشقك بگا خوشدر التفاتی

بر غنجدہ بویله صاف و روشن ،
ممکنی تغیر مالک ؟
صولسہ کدہ کوزاسک ، آی چیچک سن !

یوقدرکه آتلمق احتمالک :
حالا اوزر کدہ در نکاهی
یارک ، او فرشتہ خیالک .

آجدقہ شو دفتر سیاهی
بر یوز کورورم که محتجبدر ،
هپ سنسک اونک ظهور کاهی .

بعضاً او ظلاله منقلبدر ،
لکن اونی سن ایدرسک اخطار ؛
هردم بو سیبله منجذبدر

روحم سکا ، آی شکوفه یار !

سودای شعر

حزین ، فقط نه کوزل بر صدا شو دیکله یکنز...
بیم بوشب ینه علوی بر انفعالم وار ؛
کوزل ، فقط نه حزین پر سکون اولان شو دکنز...
بیم بوشب ینه پک رقت خیالم وار ؛
بیم بوشب ینه شاعرلکم ، او حالم وار .

نظر رباعی دیسه م دیده سیاه کندن ،
آمان نه طاتلی باقیش وار شو نجم ازهرده !
سرود بلبل آواره قعر مشجرده ،
قوپوب کلیر صانیرم روح غمپناه کندن ؛
قوپوب کلیر صانیرم روحی سینه کاهندن .

ملک ، سنکده بو فریاد روحه وار میلک ،
 دکلی ؟ قلب شفیقک سنکده ملهمدر...
 بر ایترافی دیمکدر صباح ایله لیلک :
 حیاتی شعر ایله مزج آیله مک نه عالمدر !
 حیات شعر ایله رونق بولور ، مسلمدر .

قیلار بو قبهده پیدا مدید بر طنت
 عکوسی ولوله بی نهایت شعرك ؛
 کوکل عوالم لاهوتیایه شعرك
 تصور آیلیه من خارجنده علویت ،
 تصور آیلیه من خارجنده بر جنت !

حجره شاعر

بر قاج رساله ، بر ایکی تصویر یادگار ؛
میندوده ، یرده بریغین اوراق تارمار .

صولش ، چیچک ده متلری ، پڑ مرده خنده لری ؛
بیکلرجه خاطرات که مغموم ونشوه دار .

خولیار ، اشتیاق واملر ، غراملر ؛
جاتانه لر که جمله سی آرایش مزار .

هریاندی بر نگاه که تاروحه منعطف ،
هریاندی بر دهان که ایدر روحلر نثار ...

شاعر بوتون بوشیلره عطف خیال ایله
ایلر ورود رفرف الهامه انتظار ؛

ناگاه بر کتاب آزه سندن قیلار ظهور
ماضی ، اویار کمشده ، آلوده غبار .

پر لرزه تهالك ، ایدر عرض شوق اوکا ؛
طبعنده بر نشاط غریب ایلر ابتدار .

هپ شعر اولور نه کلسه اودم قلب وفکرینه ؛
کوردجه یار جانی پیشنده آشکار ،

قوشلر کی ترانه یه باشلار ؛ بو نغمه ده
همز و جدر سرود خزان ، نفحه بهار .

شاعر نشیمننده بولور هر صفاسنی ،
شاعر نشیمننده ایدر سیر خللزار .

بر لانه در که حجره سی آفاق محتوی ،
تولید ایدر اولانده اشعار دلشکار

بر قلب آتشین ایله بر فکر بیقرار .

موسه ایچون

شاعر... نه بیوک روح ، نه عالی
قلب متاثر که دمام
ایلر ضرباننده تجلی
أحزان طرب ، نشئه ماتم .

شاعر... نه مبارک ، نه السهی
وجدان ، نه درین فکر منور ؛
بر ناصیه کیم نامتناهی ،
بر چهره که پر خنده و مغبر .

أى چهره صامت . کولیورکن
جبهه کده نگاه ابدیت ،
بکمر شو طونوق دیده لرکدن
چشم ینه بر نظره الفت ،

هیئات ! سن أى نور سماوی ،
سافلره مکشوف اوله مازسک ؛
أى نظره مخور سماوی ،
ظلمتله معطوف اوله مازسک .

باری براق ایتسین بنی ابکا ،
أى شاعر مسحور ، کتابک ؛
بر نغمه کرینده سودا
هر نشئه لی ، هر نازلی خطابک .

شعر کده پریلر کبی مخفی
بییک جاذبه شعر طبیعت ؛
أى عاشق نازنده محبت
حسکله تأثر بکا کافی .

کافی دوشونورسه م اولیالی
کیم آلهه شعر ایله همسر
ایلرسکنز افلاکه تعالی ؛
سایه ک کبی روحمده برابر

یو کسلمه بی ایستر ، فقط افسوس !
عنقا ایله بز سرچه نه ممکن
برساحه ده اولسون متقارن ؛
ناکه دوشرم طوپراغه مایوس .

قایلار دل بی نابمی حیرت
پروازگی ایتدکجه تماشا ...
قارشیکده سنک - آه نه ذلت ! -
شاعرمی دینیر بزلره ؟ .. حاشا !

نثر ادہ :

» پر نسخہ ویردی کیم بکا خلاق فضل وجود
 » ناطق علو حکمتی بی حصرو بی حدود ،
 »
 تفکر -- صحیفہ : ۴۷

ای جہۃ دہایہ ووران شعلہ سحر ،
 ای مطلع ادبہ طوغان کوکب ذکا .
 شعرملہ عرض حیرتہ کلدن بوکون سکا ؛
 فخر ایلرم سنکله بویورسه بوشعر تر .

طفیلانہ صحبتکده کی جدیت ادا ،
 چشمکده روحہ نافذ اولان شعلہ نظر

کادکجہ پیش فکرمہ آرتق حیا ایدر ،
آرتق چوجوق دیم سکا ، آی زبدۀ دها ؟

بکز دریندکک سنک أعماق فکرتہ ،
فکرم دوشر اوککده زمانلرجه حیرتہ ؛
ممکن دکل بیانی کمال مألکک ...

سن بریویوک بدیعہ سک ، آی شعر نوحیات ؛
خلق ایله مش وجودکی خلاق کائنات
کویا طبیعتنجه آب ذی کمالکک .

أى قىز !

فيض بهاردر دهنكدن اوچان ضيا :
بىكەر چىچىك آچلمق ايجون ايتسامكى ؛
بىكەر هبوب ايجون او سحرخيز اولان صبا
بر خرامكى .

حسنك بوتون خواصى تغير ايدر كى :
توركله خنده خنده اولور چهره ملال ؛
پيشكده لمعه لمعه طورر بر سحر كى
ظلمت ليال .

بر احترامدو بو سماوی جمالکده ،
پیرامنکده زلزله لر پرسکون اولور ؛
چارپارسنه آسمان نظر انفعاله
سرنکون اولور !

وضع مأل پرورك أشعاردن کوزل ؛
شاعر دکل ، فقط نه قدر شاعرانه سک !
صافیت محبته آزهاردن کوزل
بر نشانه سک .

أنوار عصمتکله تجلی قیلنجه سن
أنظار عشق اوککده اولور مائل سجود ؛
بولاش قدر لطیف سک ، آی غنجه پیرهن ،
روحدن وجود .

رحمت بیتر ، بولوت طاغیلیر ، مهر توبهار
آفاقه لمه ریز اولیورکن حزین حزین ،
ایلر چیچکلرک بری برخنده آشکار ؛
سن اوخنده سک .

لکن باقلسه اک خرد آشوب زینتک
قیزلقدیر ، اول حجاب که حسنک صفا سیدر ؛
قیزلق خیال ایچنده کوزل بر حقیقتک
انجلا سیدر .

قیزلق ، اوچهره کیم اوزولور بر نکاهدن ،
سودا ، چیچک ، شباب... بو الهی بدیعہ لزم
ایتمش جهانہ جمہ سی بر (جمہ کاهدن
بردم سحر .

بر لوحه ایچون

ساحل یشیل ، أشجار یشیل... صانکه طبیعت
ویرمک دیله مش موقعه شایان پرستش
بر رنک بهشتی .

کول ساحلک عکس یله نمایشکه جنت ؛
ساری بو یشیل کولکه لکه بر متوحش
آهنک بهشتی .

بر لوح محبت بوککه فوقنده خیالک :
معشوقه او بر غنجه نوحنده زیبا ،
عاشق او کا هم حال ؛

جنبدشکه صافیتی آمال وصالک :
زورچه ، او بر نشئه لی کهواره سودا ،
بر لائنه جـوال .

سودا... بونه حالتدر ، الهی ، نه صفادر ؟..
بر نظره حیران ایله بر چهره ساکن
قارشیمده طوررکن ،

دیرسهم نه وار : آشجار بیله مست هوادر ،
بر حصه آلرلر شو ایکی روح رقیقک
شوق وشغفندن !

بر یاز لوحه سی

اوکلهین بر جحیم اولور عالم ،
یره بر آتشین ضیا صاچیلیر ؛
جوهر جانله طارتیلیر شبنم ،
بر بولوت کچسه بیک دهان آچیلیر .

کونشک شعله نگاهیله
أریر ألوانی صانکه أشیانک ؛
قاریشیر طوپراغک سیاهیله
رنک سیمینی سطح دریانک .

قورومشدر نه وارسه تازه ، یشیل ،
هله بی آب وتابدر دره لر ؛
اولور آفاقه دمبدم نازل
ذره حالنده بر ییغین آخکر .

کچیرر کائنات بایغینلیق ،
صانکه مست حمیم نیرانددر .
اوتهدن بر ییلان چالار ایصلیق ؛
مرغ ألحان خموش وسکرانددر .

باق شو لوح کزینه : غرق سکون
بر دکزله دومانلی برده سما ؛
برده ساحل ، که دلبر محزون ،
سورونور ذیل نازینه دریا ...

بر طوتام اوت ییوبده کیتمک ایچون
بللی ، کزمنش نیجه بیابانلر ؛
دفع زهر حرارت ایتک ایچون
صویه دالمش زواللی حیوانلر ...

ینه بر کون ، بش آلتی ییل اول ،
ایدیورددم کذر بو موقعدن ؛

بینه مهر پر آتش تموز
اوله رق متصل شراره فکن ،

یا قیوردی شعاعی اورطه لغی ؛
نه چایر واردی یا غمدق نه چمن .

یوقدی روز کار ، او کون هواده بیله
قالامشدی مجال فک دهن .

پک بوئالدم ، بر آز تنفس ایچون
ساحلی ایتمک ایستدم مسکن .

نا کهان اولدی قارشیدن پیدا
بر سورو چارپای کوه بدن .

صویه طوغرو کمال هیبتله
قوشیورلردی ، هپ کشاده رسن .

کلدیله ایشته اون آدیم اوتهمه ،
کچدیکم یول کنیش دکل ذاتا ؛

باقینیردم حذرله درت یانمه ،
آرانیردم یاقینده بر مأمن ؛

بولما نیجه ، نه چاره ، باستونمی
سیر آلدم کچوب کیدرلرکن ...

بر طاش اوستندہ بر چوجوق طورمش ،
اولیوردی بو حالہ قہقہ زن ؛

بش یاشندہ یاوار یایوقدی ، مکر
چوبانیش کچنلرک بو کولن .

بر چوجوقغزہ بر سورو اوکوزک
شاشہ قالدیم بوانقیادیته بن !

خیال زائر

غروب ایدوبده کونش بر ورملی تازه کبی
چوکنجه مغربه رنک ممات اولان ظلمت ،
چیقار یاقینده کی بر کلبه دن جنازه کبی
پریده رنک تحسر ، ملول ، بی طاقت ؛
— باقلسه حسنه صبح شبایدن تردر ،
باقلسه وجهنه همرنک شام اُسمردر ؛ —
بودور دیکنلر ایچندن خیال ذی وحشت ...

قیلار امیدی قدر اینجه بر یولی تعقیب ،
طریق عمری کبی منتهی او یول عدمه ؛

علیل بر چامك آلتنده بر مزار غریب ،
 كه منتهای عزیمت اوشبرو آله ،
 مزار یار ، بوبر قبضه خاك مغرور ؛
 خزانرسیده چمن صانكه ستره زردر
 مزار یاره ، بوبر قبضه خاك محترمه ...

کورن زواللی یی قبرك باشنده ظن آیلر
 كه نعش یاریدر ، ایتمش صولوق کفنه ظهور ؛
 بولور یرنده اوبدبخت عشق نجم سحر
 بکای هجر ایله ساعات لیل ایدرده ضرور .
 نه در بو صحنه ماتم ، نه در نه در ، یارب ؟
 طونوق ضیالی نجومیله آسمان هرشب
 دو کر بولوحه هجرانما کریه نور .

نقش نازنین

چاملر آرہ سندہ نیم منظور ،
آرایشی سینہ ظلالک ،
عشالی سراجہ خیالک ،
روزنلری مائی توللہ مستور

بر کوشک ایدی آشیان عشقم .
چاملر زمردلو شہریدی ،
سودا یا تاغندہ بر پریدی ؛
قوینندہ کچوب زمان عشقم

اولم ازدم بر دقیقه بیدار .
پزورده غنجه زار وصلت ،
پر زمزمه بر بهار وصلت
ایلردی اوکده حشر ازهار .

پیشمده کی لوحه برینه
بر لعه قوناردی هر تسجردن ،
دوشمزدی سحائب کدردن
بر کولکه بو نقش نازینه ...

آشیانه لال

یوصونلو بر آطه جق اورطه سنده عمانك ،
 افقده بر صیره كهسار آهنین منظر ؛
 سونوك لقای سکون پرورنده دریانك
 ورملی بر قمرک عکسی متصل آغلار .

کورن صانیرکه بو یر مدفن سرائردر ،
 سکوت او مرتبه جاری دکزده ، ساحلده ؛
 طوران برودت ماتم دل هیا کلدہ
 بولوحه عدمک هریاننده ظاهر در .

صبح اولور ، او برودت کچر ؛ فقط منمن
سکون موقی بر نفحه ایله من اخلاال ...
یکانه شاهد حزنی بولوحه عدمک
بقیه مدنیت بر آشیانه لال .

بر تابلو

پر اعتنا ، دمہین پی عزمنندہ یوکسہ لن
توزلرلہ شیمدی اورتولو ، مجروح ومنکسر ،
آلام ایچندہ جان ویریور ؛ اوردودن کلن
هر صیحه ظفر اوکا بر آیری ضربہ در .

دوشمش ترابہ زره وسلاحیلہ بر ییغین
انقاض آھنین کبی ؛ خون جلادتی
آقدجہ طالغہ طالغہ ، جبینندہ طوپراغاک
بر چین خندہ فرق ایدیور چشم نفرقی .

هر شي اوسکله اُکله نيور صانکه : ير ، هوا ،
 هر شي ؛ جکرلرنده يانان آتش غضب
 کيتدکجه اشتداد ايدييور ؛ بر بوغوق صدا
 روحنده ايکليور ، ستم آلود وپر طلب .

بر ذره جک حيات ومجال ... ايشته اُک بويوک
 مقصود روحی ، ايشته بوتون حرص وحسرتی .
 اولک ... هنوز دوکوشمکه باشلانمده دن ، چوروک
 بر دال قدر طايانمده دن اولک ... بو ذلتي

أصلا دوشونمده مشدی ؛ بوکون رخس طالک
 بردن سقو طی بويله حضيض فلا کته ،
 قلبنده اُک درين ياره لردن بويوک ، درين
 بر رخنه آچدی ؛ چوکدی ييکيت غور نکبته .

آقشامدی ، قارشى طاغلرک اوستندن آفتاب
 خونين کفنلريله اينرکن مزارينه ،
 ييچاره صوک اميد ايله ، مقهور اضطراب ،
 طاوراندى ، صوکره دوشدى يولک بر کنارينه .

بر صباخ ایدی ...

لطیف بر صباخ ایدی ، تخطر ایلورمیسک ؟
کنار بحره کیزلیجه سنکله ایلوب شتاب ،

— شو عالم سفالتک کواه اسفلیتی —
سیاه بر طاش اوستنی نشیمن ایتدک انتخاب .

سنک لطافتک ، نیم محبتم قدر کوزل :
بویانده پنبه بر دکز ، اویانده مائی بر سحاب .

نموده خیال اولان طرائف امل کبی
مکونات ، اوزاق یاقین ، نهوارسه غرق آب و تاب .

دوواقلی بر کلین سوسی ویرردی قارشی ساحله
غبار نوره بکزه‌ین خفیف و صاف بر نقاب .

دوشردی کاه بروزق میانه سکونه ،
همان قالیردی چین اختلاج ایچنده سطح آب .

بوتون بو لوحه آکدیرردی بر حریم وصلت ،
کوزردک اونده بز پری صبحی نیم مست خواب ...

آیرلام

بر سیاہ اینجی ، پر امل ، صاچک
نازی قیور یرلرندہ صاقلانیور ،
بویویور کاه ، کاه اوقاقلانیور ...
بن اولایدم بو... یوق ، اینانما صاقین :
اینجی اولسہم دکزدن آیرلام !

صاری بر کل ایپکلی قورساژکک
نفحہ لرزشیالہ غشی اولیور ،
ورده مسعود ومبتسم صولیور ...

بن اولایدم بو... یوق ، اینانما صاقین :
بن کل اولسہم فیلیزدن آیرلام !

عمق صافیتندہ چشمانک
بکا بر باشقہ اینجی عرض اییدیور ،
» بندہ در کلرک لطیفی ! « دییور...
ای کوزل کوزلر ، ایشته سز اینانک :
اولورم بندہ سہ دن آیرلام !

سنگ یرکده ...

سنگ یرکده اولایدم ، کوزل چوجوق ، بیلسهك
نه لر یاپاردم بن ،
نه لر یاپاردم اومبهم نظری كوزلرله ...

سنگ یرکده اولایدم او حسن أسمرله ،
اوتازله لکله ، اوشوخ
أدای حار شبا بکله ، پر حرارت روح ،

بوتون کوکلری مسحور اشتیاقم ایدر ،
وبی سبب مغیر ،
اواز قلا شیردم ... او بیچاره قلبلر اوزمان

محبت-مله ، فراق-له مبتهل ، نالان
 سونوب کیدر لرکن
 طورر کولردم اوزاقدن ، سمای حسنمدن .
 سنک یرکده اولایدم ، بوتون شموس غرام ،
 زبون وبی آرام ،
 دونردی تیره شهرک پیش اغترارمده ؛
 سنک یرکده اولایدم ، لب وقارمده
 اولورده بوسه لرم ،
 حظوظ عشقنه اولمازدی کیمسه نك خادم .
 یازیق دکلی فقط نازلی بر وجود ملک
 سوله دن اولمک ؟ ..
 سنک یرکده اولایدم ، خایر ، سوردم بن ؛
 وکندی حسنمی باشلاردم اوکجه سومکدن .
 بوروح ایچون برحق :
 برآزده کندینی سومک دکلیدر یاشامق !

کریهٔ خسران

آغلا ، آی شعر ناتوان ، آغلا ...
اولدی روحده مبتسم آمال ؛
شیمدی اوکسوز ، کفن بدوش ملال ،
کز ییور سرسری پریء خیال .

آغلا ، آی روح غمیشان ، آغلا ...
سوندی شعرده پارلایان حسلر ؛
او آلولر ، اوتوده توده شرر
شیمدی افسرده بر آووج اخکیر .

آغلا ، آی چهره خزان ، آغلا ...
 طوکدی قلمده آغلایان هیجان ؛
 شیمدی بن ماتمیله وقف خزان ،
 ایسته رم بر بکای بی پایان .

آغلا ، آی شعر ناتوان ، آغلا ؛
 آغلا ، آی روح غمنشان ، آغلا ؛
 آغلا ، آی چهره خزان ، آغلا ...
 آغلایک ، کریه بلکه ساریدر ،
 بکا بر جوشش بکا کتیرو !

آ کلاشلماسین

بر چهره ایسته‌رم که ، خیال ، آ کلاشلماسین ؛
بر نکتهٔ جمال که لال ، آ کلاشلماسین .

بر یوز ، او بر تبسم خولیا که منجلی ؛
آنجا که نه در او یوزده کی حال ، آ کلاشلماسین .

هپ منکشف حدایق اُسراری کوزلره ،
باقدرجه صوکره عین ظلال ، آ کلاشلماسین .

بر طفل منفعل کی کولسون تأثری ،
رنکنده هیچ نصاب ملال آ کلاشلماسین .

قالسين اودیده لرده کی راز امل نهان ،
کو کلم دیلر که روح لیال آ کلاشلما سین .

مژگان سایه پروری ستر ایلور کبی
تقریر غمزه سنده مال آ کلاشلما سین .

فکرم نفوذ ایدر کبی اولسون خفا سنه ؛
لکن خایر ، او سحر جمال آ کلاشلما سین .

هر حالی آ کلاشلما سنه بر احتمال ایله
زیر لبنده کیزی سوال آ کلاشلما سین .

پیشنده بن شکایت حسرتله آغلايم ،
کولسون... فقط بو وعد وصال آ کلاشلما سین !

بهار ترانه‌دار

صبا أسر ، غصون تر
که مرغ عشقه لانه‌در ،
فیصیلداشیر ، سکوت ایدر ...
بو بر کوزل ترانه‌در .

آقار چاغل چاغل او صو ،
که باغلره روانه‌در ؛
مه‌لز باشنده بر قوزو ...
بو بر کوزل ترانه‌در .

چوبان قوال چالار ، آنک
حیاتی شاعرانه در ؛
کولر پریسی تارلانک ...
بو بر کوزل ترانه در .

اوتر هزار نغمه کر ،
که شوق بی بهانه در ؛
اوتر ، اوتر ، اوتر ، اوتر ...
بو بر کوزل ترانه در .

فقط شو طفل جاربا ،
که روحدن نشانه در ؛
کولرکن آغلیور ... بکا
بو آک کوزل ترانه در !

ای یار نغمکار !

چال ، بنده اولوب شوق ایله آهنگکه پیرو ،
دلرده کی سودالری جوشان ایدم ، چال !
چالده طوغار کوکله آشعار نوانو ؛
هر نغمه که بر شعری قربان ایدم ، چال !
چال ، عالم ارواحده رقصان ایدم ، چال !

اعلان اییدیور عشقکی هر نغمه سسکده ،
کریان اولیور صوت حزنسکده محبت ؛

أرواح قاناتلانش اوچار پیدش ویسکده ؛
بخش ایتمده آهنککه بر نشئه لی رقت
کویا او قاناتلردن اوچان نفحه جنت .

ای غبطه ناهید ، که زیرویم سازک
أفلا کی ده ، أجرای ده ایکلتسه روادر ؛
ای رشک ملائک ، نغم روحنوازک
جنتلره ، حوریلره جانبخش صفادر ...
باق آغلیورم . کریهه بیک خنده فدادر !

ضبط ایلیه بیلسین می کوزم أشک روانی ؟
تیتیره ، بو نوا کوشمه کلدجه ، ثباتم ؛
ای یار نغمکار ، صاقین کسمه نوا گئی :
وور ، قوپسه ده مضرابک ایله تار حیاتم ؛
چال ، شیمدی ، شو آن اولسه ده آن سکراتم !

بر یاره لی قوش چیرپنیور صانکه تلنده ،
حیقمده بو آوز اوغریبک جکرنندن ؛
عودک می هنر ، یوقسه اوجانانک آلدنه .
بر فیض می وارکیم داها معجز هنرنندن ؟ ..
بالله ، او آلدی قوباران روحی یرندن !

چال ، بنده اولوب « آه ! » لرماله سکا دمساز ،
 چاك ايله مه در سینه عشق املم ، چال !
 تأثیر طربله ایدهرک قول قول پرواز
 تا عرش الهی یه قدر یوکسللم ، چال !
 چال سودیجکم ، چال ملکیم ، چال کوزلم ... چال !



